



47031/B

C. XVI

18/s

55350.

COLLECTIO
OPVSCVLORVM
SELECTORVM

AD
MEDICINAM FORENSEM
SPECTANTIVM

CYRANTE

DR. IOAN. CHRIST. TRAVGOTT
SCHLEGEL

MEDICO APVD LONGO-SALISSENSIS

V O L. III.

L I P S I A E

IMPENSIS CAR. FRIEDER. SCHNEIDER.

1 7 8 8.

L. Langen

COLLECTIO

OPUSCULORVM

SELECTORVM

AD

MEDICINAM FORENSEM

SPECTANTIVM

CVRANTE

D. IOAN. CHRIST. TRAVGOTT

SCHLEGEL

MEDICO APVD LONGO-SALISSENSIS

N. O. L. I. A.

L. I. P. S. I. A.

INVENIENS CAR. FRIDER. SCHNEIDER

1788

VIRO

ILLVSTRI, EXCELLENTISSIMO,

CELEBERRIMO

ANDREAE BONN

MEDICINAE DOCTORI

ANATOMES ET CHIRVRGIAE IN ILLV-

TRI AMSTELAEDAMENSI ATHENAEO

PROFESSORI

HOCCE VOLVMEN TERTIVM

D. D. D.

VNAQVE

SE RESQVE SVAS DE MELIORI NOTA

COMMENDAT

EDITOR.

VIRO

ILLUSTRI, EXCILLISSIMO,

CELEBRISSIMO

ANDREAE BONNI

MEDICINAE DOCTORI

NATONIS ET CHIRURGAE IN THE-



NOCE VOLVIMEN

D. D. D.

1740

SE REGIOE SVAS DE THEORIA NOTA

EXPLANAT

1. D. T. O. G.

CONSPECTVS

CONTENTORVM

Voluminis tertii.

XIV.

Dr. *Ernesti Gottl. Bofe*, diff. prior de diagnosi vitae foetus et neogeniti. Resp. *Christoph Godofr. John*. Pag. **I**

XV.

Dr. *Ern. Gottl. Bofe*, diff. posterior de diagnosi vitae foetus et neogeniti. Resp. *Car. Christil. Betke*. **38**

XVI.

Dr. *Ern. Gottl. Bofe*, Progr. de iudicio vitae ex neogenito putrido. **88**

XVII.

Joan. Dan. Reisseissen, diss. de veneficio
doloso. Auth. et Resp. Joan. Franc.
Ehrmann. Pag. 99

XVIII.

Joan. Franc. Ehrmann, de veneficio cul-
poso. 188



XIV. Dr.

XIV.

DR. ERNESTI GOTTLOB BOSE

Dissertatio prior,

De

Diagnosi vitae foetus et neogeniti.

Lipsiae, 1771.

Respond.

CHRISTOPH. GODOFRED. JOHN.

§. I.

Instituti ratio.

Quod medici est officium omnem in vitam hominis pretiosissimam conuertere attentionem, ea quoque exposcit, ut a primis vitae rudimentis incipiens observatio, quatenus tantum illa ex phaenomenis quibusdam dignoscitur, ad omnem eius ulteriorem decursum directam sine intermissione continuetur. Haec autem varia institui potest ratione, alia nimirum est vitae contemplatio, quae ad medicum, in facienda sua arte occupatum, et de sanitate conseruanda

A re-

restituendaque sollicitum, spectat, alia vero, dum in usum fori, ex nexu disciplinarum cognito idem sua utitur scientia ad diiudicandas condiciones, in quocunque stadio vitae occurrentes, quibus reus vel absoluat vel inculpetur. Quum tamen non infrequenter in foro de vita foetus vel recens nati, quaestio nascatur, reipublicae quoque et saluti civium maxime intersit illius studiosior disquisitio, specimini academico aequae ac officio meo accommodata visa est haec curiosior peruestigatio, qua ex signis suis praesentia vitae aut confirmatur aut denegatur. Siquidem ex his quasi praemissis, non obscure iudex possit instrui ad definiendam sententiam. Solet quidem tunc plerumque in foro de vita hominis dubitatio oriri, dum iam in lucem editus mortuusque infans, num vita fuerit praeditus, numque eam per violentam quandam causam accedentem amiserit, ambigitur, atque corporis delicti constituendi causa, viscerum partiumque corporis, sectione diuisarum, accurata inspectio, tanquam iudicii, inde desumendi, fundamentum adhibetur; verum quum saepe eveniat, ut ad confirmandam vitam nati omnium, etiam praegressarum, conditionum notitia opus sit physico forensi, alia in externo corpore foetus obueniant, a pariente quoque repetenda momenta, alia demum in internarum partium perlustratione posita sint, mihi ab his incipiendum esse duxi. Ex quo consequitur, ea primo loco pensitanda esse, quae sine dissectione patent.

tent, ex signis tum in corpore recens nati, tum in matre grauida et puerpera habendis colligendisque, quibus deinceps reliqua, ex interioribus per sectionem manifesta reddita adiicientur. Multorum quidem est opinio, ex respirationis organis, atque pulmonum statu vitae rationem quam optime determinari, etsi hac de re copiosissima sit controuersia, eam autem ad interiorum signorum explicationem referimus. Dum itaque generalem hanc suscipimus dilucidationem, si magnis in arte viris placere nequeamus, nobis satis erit, tyronibus et ad forum sese applicaturis viam ingrediendam monstrasse. Hinc de signis, quibus vita foetus et nati discernitur, differentes, praemissa generali vitae cognitione alia, quae in foetu vel recens nato, alia quae in matre notari merentur, sigillatim exposituri sumus.

§. II.

Animatio-
nis foe-
tus termi-
nus

Si hominem adultum viuentem contemplamur, tot ad vitam concurrere actiones, tamque egregiam conspirationem esse obseruamus, vt vnica laesa protinus omnem reliquarum consensum intercipi videamus. Quare foetus, vt vtminimus sit, iisdem actionibus, sibi opitulantis, viuere recte adferitur, ita quidem, vt vel pro organorum agentium perfectione, vel pro inde dependente efficacia tantum diuersitas enascatur. Interim, quod duplex homini data est substantia,

mens atque corpus, illisque a se disiunctis mors etiam simul adest, non immerito in facienda continuandaque vita vtriusque huius substantiae aliquam partem esse, iure affirmari posse opinamur. Quid illud sit, quod mens confert, definire non audemus, et multum ab eorum opinione absumus, qui illam suum struere corpus statuunt *a*), qui illud etiam defendere et ad abigendas illatas noxas motus, in morbis conspicuos, excitare volunt. Praeter ea quoque ad scopum nostrum non spectat, quin potius ex adductis illud patere arbitramur, sine mentis corporisque coniunctione vitam hominis nec recte quidem cogitari posse, eoque confidentius, minimo foetui, ab ipso conceptionis puncto mentis coniunctionem cum corpore tribuendam esse cenlemus *b*). Mentio facienda erat huius conditionis, quod medico forensi a non paucis obiiciatur, *animationis* quem dicunt, foetus terminus. Multum enim torfit et antiquissimis temporibus philosophos aequae ac medicos haec sententia, recentiores quoque turbavit, et

a) Contra eam opinionem multa habet *Haller Elem. Physiolog. Vol. VIII. p. 125.*

b) Idem sentit *Alberti Iurisprud. Medic. Tom. I. P. 1. cap. VI. §. 3. p. 123. cum aliis. Id autem ea propter fieri autumat, ut anima fiat sui corporis artifex. Conf. D. Mich. Ern. Ettmuller progr. de termino animationis foetus incerto. Lips. 1728. G. A. Langguth de foetu ab ipsa conceptione animato. Viteb. 1742.*

et caussarum patronos, ad defendendum reum, nonnunquam fauentes inuenit. Praeterimus, quae ab ARISTOTELE c) olim et HIPPOCRATE d) dicta sunt, quippe quae in omnium fere medicorum forensium scriptis adducuntur, quum mira in ZACCHIA e), FIDELI f), CANGIAMILA g) inueniantur et alii paullo post conceptum factum, tertium nempe diem, alii septimum, alii id demum tempus adsumendum esse velint, dum in membris foetus aliqua perfectio conspicitur, quae in eorum vel delineatione vel rudimentis consistat. Hanc vero in masculis intra dies triginta, in femellis intra quadraginta duos obseruari, in quorum dierum numero definiendo tamen vbiuis varietas, vt supra sexagesimum quemcunque foetum pro animato cum HIPPOCRATE habendum esse credat LOEWIVS h). In quibus, si auctoritatibus, nihil efficientibus, fidem detrahimus, rationes sane nullibi deprehendimus, vel veri tantum similitudinem afferentes. Diu pariter explosus est animae humanae ex traduce ortus, postquam acu-

A 3 torum

c) Hist. Animal. Lib. VII. cap. 4.

d) *Περὶ ἐπταμήνου, et περὶ ὀκταμήνου, nec non περὶ φύσιος παιδός.*

e) Quaest. medic. legal. Lib. I. Tit. II. Quaest. IX. p. 51. Lib. IX. quaest. I. p. 685.

f) De relat. medic. Lib. III. Sect. 6. cap. I. seqq.

g) *Franc. Eman. Cangiamila Embryologia sacra.* Venet. 1763. fol. p. 18. sqq.

h) *Theatr. Medic. Iurid.* cap. I. §. 48. n. 6.

6 *De Diagnosi vitae foetus et neogeniti.*

torum philosophorum accurata subtilitate ex ipsius mentis natura eius simplicitas confirmata fuit. Nec, si foetus per aliquot tantum dies in vtero commoratus, increfcere deberet, sine praesentia mentis, more suo, atque ab omni reliqua humana vita discrepante, viuere deberet, vt ea propter supra a nobis adducta opinio magis corroboretur. Quodsi itaque vita minimi foetus simillima sit vitae increfcantis et nati, refutatur omnis eorum error, qui sibi perfuadent, leuiori eos coercendos esse poena, qui primis mensibus imperfectioris foetus, consilio et culpa abortum fecerint. Hominis enim vitam vix inchoatam suppressere, aequae magnum crimen esse videtur, ac illam delere, quae per aliquot iam tempus durauerit, quod spes prolis hoc facto protinus concidat. Interim inficiandum non est, hac de re admodum raro quaestionem in foro fieri atque ad medicos referri, nisi forsitan aliqua rea, se multa, ad abortum faciendum, tentasse inculpetur conuincaturque. In quo tamen casu perpendendum est, foetum minimum, immo et per aliquot menses increfcentem, non infrequenter aut vteri vitio, aut aliis multis caussis, hic tamen studiosius non exponendis, a sua cohaesione solui et perdi, nec non omnem ad destituendum foetum adhibitam vim parum quandoque valere, alias autem minimam eius vix praeuisam resolutionem producere. Tandem et hic signa vitae adeo sunt abscondita, vt nisi ex accedentibus quibusdam conditionibus et iudi-

iudicis disquisitionibus dilucidentur, a medicis in lucem nequeant protrahi. Si vero iam maturior factus foetus vtero excutiat, de cuius vita nec dubitavit antiquitas, tunc ea quoque, quae nunc dicemus, omnia ad eum referri merentur. Nam illa incepta et continuata vita, si diuturnitatem habere debet, novis quibusdam indiget necessitatibus.

§. III.

Vitae differentia ab aetate.

Quo vero pateat, vitam hominis per se diuersam reddi, eas breuiter in mentem reuocare necessum est

differentias, quas ipsa hominum aetas suppeditat, ex quibus, ut supra innuimus, elucescit organorum agentium et efficaciae modulum singulis inesse. Eae nimirum adulti hominis conspirantes actiones, ex omnium viscerum integritate, ossium perfecta firmitate, nutritione sufficiente, appositione adaptata deperditarum molecularum, per proprias vires paratarum, et mensura illarum virium, resistentiis adaequata pendent, quibus causis omnibus efficitur, ut in eodem statu, certe per aliquod tempus, corpus conseruetur. Sicuti autem, quam primum hae causae, aut remissius agunt, aut vires resistentiis enatis aequaliter non opponuntur, quod ingruente senectute fieri solet, vitae ratio immutatur, et vigor pristinus perit, ita e contrario in foetu incrementum sensim coaceruantur momenta virium, ex ad-

data singulis partibus successiva perfectione coagmentata. Destinavit autem certum quoddam temporis spatium foetui cuique naturae auctor, in quo perficiatur, siue formationem pulli in ovo, siue successuum in utero humano foetus incrementum contemplemur *i*). Quo superato, maturitatem eius adesse dicimus. Nam, quo tenerius corpus est, et quo minus a sua distat origine, eo magis vita eius mere passiva dici meretur, quum aliunde demum accedentibus succis, ut in homine, maternis scilicet, viribusque mutuatis, nutriatur et parum de suis inquilinis addat. His itaque efficitur, ut sensim maior accedat firmitas roburque, quod tamen nondum ad vitam continuandam sufficit. Nisi enim priorum causarum, seu potentiae agentis et succurrentis, adiumentum additur, protinus pereundum est tenello foetui. Clarum id est, ex funiculi umbilicalis historia, cuius ex vena sanguis ad nutritionem faciendam aduehitur. Si enim per labefactatum eundem vel destructum, breui etiam ante partum tempore, intercipiatur liquidi huius vitalis accessus, vix non semper in inevitabile foetus conicitur mortis periculum.

§. IV.

**Vitalitatis
descriptio.**

Ubi itaque perfectum, quem dicunt, maturitatis terminum attingit foetus, tunc eiusmodi instructum dotibus

i) *Hebenstreit* Anthropolog. Forens. Sect. II. cap. I. §. 10. *Haller*. Elem. Physiol. Vol. VIII. p. 421.

tibuisse observamus, quae ad vitam, sibi ipsi sufficientem, agendam satis idoneae sunt, id, quod quotidiana experientia confirmat. Multa namque animalia et volatilia omnia, ex ouis prodeuntia, sic sibi vivere cognoscimus, ut alienis vix opus habeant subsidiis, in aliis vero et in homine ipso matris desiderantur succi, et lacte illius debent sustineri foetus. Nihilo autem secius univrsum corpus varias adhuc incompletas partes continet, iterum temporis spatio interiecto demum supplendas atque elaborandas, quod ex ossium consideratione, eorum augmento, firmitate, nexu, nec non ex viscerum non nullorum, aliarumque partium solidarum habitu mutato, docetur a dissectoribus. Neutiquam tamen haec inhaerens corpori imperfectio vitae detrimentum affert, quin, iis licet praesentibus conditionibus, recte iudicetur in foro, vivere potuisse natum, eamque adesse aptitudinem, quae vitae prorogandae inseruiat, quamque vitalitatem vocant. Contra, si ea inveniatur foetus editi conditio, quae loculenter monstret, superesse adhuc multa euoluenda, addenda et elaboranda, quibus ille egere non potest, ad necessitates vitae verae, tunc etiam de vita eius, tum in partus tempore, tum extra uterum ambigua admodum redditur sententia. Immo eius finem constanter sequi debuisse, certissime adseueratur a medico forensi. Accedunt autem his aliae adhuc causae, ut mala in utero nutritio, grauidae morbi praegressi, iniuriae passae, similesque

lesque, de quibus in posterum dicetur, quae vitae vltioris filum abrumpere possunt, sed eae ex suis signis a medico dignoscentur. Inutilem tamen vitalium foetuum distinctionem iudicamus eam, quae a numero mensium, per quos foetus in vtero enutritus est, desumitur, et qui olim ex auctoritate HIPPOCRATIS, solebat reuerenter haberi, nolumusque recoquere eam de partu septimestri et octomestri non aequae vitali opinionem. Non enim temporis decursus, quippe qui ab ipsis etiam mulierculis saepe falso numeratur, sed corporis conditio, membrorum habitus aliaque medicum forensem instruunt; ex quibus, num aptitudo ad vitam, protrahendam et iuste ducendam, adsit; iudicet. Obiici quidem nobis posset, imperfectos etiam mutilatosque foetus nonnunquam tutos in vtero vixisse atque partium reliquarum conueniens habuisse incrementum, ut in acephalis et sine cerebro natis, iis itaque non defuisse congruas vitae causas. At, qui ita sentiunt, non perpendunt, in vtero hos per matrem vixisse foetus, extra vterum autem nec per tantillum temporis punctum suam protrahere potuisse vitam, eaque propter ob deficientem ad aliam vitam, dispositionem pro vitalibus eos aestimandos non esse. Monemus tandem, in eiusmodi casibus, quod nec culpa nec dolus in parientem cadit, ipsaque inspectio et aperta viuendi impossibilitas rem decernit, ream quoque a iudice absolui. Accidit autem frequentius, ut explorandus

medi-

medico proponatur per partum editus infans, mater vero nesciatur, si v. c. expositus inueniatur ille, quare de accedentibus, quas diximus causis ille referre ad iudicem accurate nequeat, tunc necesse est, ut perpendat omnia in nato occurrentia phaenomena eaque rite annotet, quo, matre detecta, reliqua ex doctrinae suae fonte perquirens adiciat, vel, ut ex fide dignis testibus, si haberi queant, certiora sciantur, iudici committat.

§. V.

Signa vitae: α) ex superficie corporis.

Vitalis ergo foetus secum affert aliqua indicia, ex quibus palam fit, eum etiam hanc inceptam diutius prorogare vitam posse, ni impediat a variis, ipsi oblatis, grauib. ac vitae insidiosis impedimentis. Ex quibus indiciis itaque primo ad superficiem corporis respiciendum esse arbitramur, quippe quae oculis primum oblata est intuentium. Sed, quoniam ita corpori superinducta sunt integumenta, quae communia vocantur, ut nulla pars corporis ab ipsis non inuestiatur, ea integra inueniri opus est, nitidaque ubique et quasi expansa. Quae etenim sulcata et praeter naturam variis instructa deprehenditur rugis cutis, ut fluctuet quasi nec cohaereat, eam iam ante partum sufficienter enutritam non fuisse, inde discimus. Estque simul studiose discernendum, num ante aliquot iam dies natus fuerit infans, nunc

nunc diiudicandus, quod per signa putredinis dilucidatur, num vero recenter demum exclusus habeatur. In quo posteriori casu non parum iuvat inquinamentorum, quae ab utero adherent, et liquoris amnii quisquilliae sunt, praesentia. Hae nempe puritatem tegumentorum minuunt, et ab aere externo in albidum splendentem quasi mucum conuertuntur, qui tepida aqua adhibita facile solui detergique poterit. Suprema etiam cutis lamina seu cuticula, tunc plerumque firmiter adherere et rudior paullo ferat frictionem, quae, si cito et facillime separatur, non leue putredinis iam incipientis signum est. Siquidem in viuento etiam homine, quod tenerrimorum vasculorum apices eius textum efficiunt, videamus consuetos eosque non leues attritus sine iniuria perferri, a quibus sane in utero contentus foetus viuus, qui aquis innatans molliter habetur, immunis censeatur, ut ea propter iam ante mortem causam aliquam adfuisse, quae huius epidermidis et cutis reliquae nexum turbauerit, iure censeatur. Hanc vero aliam inuenimus nullam, quam quae a defectu nutrientium succorum in acri putredinis natura ponitur. Emolliunt quidem aquae, corpori circumfusae nostro, praecipue si illae tepidae fuerint, prout in lotricibus quotidie videmus et desoedant cutim rugis, sed hunc etiam effectum ab aquis vterinis metuendum non esse, et in omnibus recens natis habenda experientia confirmat, et aeris, quae ad uterum penetrare nequit, absentia

sentia et tandem ipsa virium vitalium efficacia. Aliter e contrario sentiendum est de foetibus, in aquas proiectis, ibidemque per aliquot tempus resistentibus, quibus rugosa et flaccida redditur cutis, ex totius tamen corporis intumescencia oedematosa non obscure coniicienda causa. Vbi vero tempus, a quo iam enixus fuit foetus; non latet, ibi simul cum his, si insufficientia visa fuerint iudicia, alia combinantur, liuor praecipue, in maculas aliquando latas diffusus, viridescens m vel ex rubro et coeruleo variegatum colorem cutis efficiens, quippe qui non leuiorem, sed iam maiorem, a putredine factam, resolutionis humorum ipsiusque sanguinis fatiscantis corruptelae gradum designat, atque magis docet, recens nati vitam diu extra vterum durare non potuisse, quae iam sui partem antea perdiderit, praecipue, si in vesiculas, sero turgidas, cuticula exsurgat, gangraenae sphacelique accessum manifesto innuentes. Si etiam tunc ex naturali intestini resti orificio, meconium exeat, vixisse in partu foetum non nulli adserunt, quod tamen ad vitam, post natiuitatem actam, cognoscendam nihil facere, cum et mortuis fluat, adstruit HERBENSTREITIVS *k*), nisi forte ipsa, de qua alibi exponemus, partium interiorum disquisitio, magnam intestinorum crassorum euacuationem factam fuisse declararet. Vix autem attinet dicere, clausum et concretum

k) Lib. cit. Sect. II. membr. II. cap. II. §. 31

14 *De Diagnosi vitae foetus et neogeniti.*

cretum ani orificium, vel alios meatus nondum apertos, non vitalem foetum indicare, ut HIPPOCRATES vult, cum huic etiam asserto refragetur medica experientia et illis malis tollendis auxilia praecipiat chirurgia. Maior tandem et confidentior est in totius corporis membrorum proportionem vitalis foetus significatio, quam vero talem adsumimus, ut decens eorum ad se inuicem relatio sit. Licet namque ea ad amissum haberi nequeat, atque in magnitudine aequae ac in reliquis conditionibus diuersarum partium in viuis etiam hominibus innumera paene sit discrepantia, communis tamen cognitio, et quam anatome suggerit, quid deficiat, vel supersit, medicum poterit certiore reddere. Adnotentur autem simul ante omnia, quae supra de vitalitate diximus, et quae ad incompletam membrorum conformationem pertinent. Leves quidem defectus, ut digitorum coacti, in manibus forte pedibusque obuios, non curamus, quos alii 1) ad imperfectum foetum referunt, cum unusquisque has partes, similesque deficientes vel mutilatas vitae insidias non struere intelligat. Magis ad conformationem capitis, pectoris, immo etiam imi ventris respiciendum est; collatis ibi reperiundis mutationibus cum illis naturalibus, quas anatomes beneficio medicus nouerit. Sic nimirum ab aquis intus susceptis nimium turgens caput siue hydrocephalus, valde angustatum

1) Zaceb. I. cit. p. 48. Loew. theatr. p. 24.

tum compressum et vix sufficienter dilatabile pectus, abdominis angustia eiusque nimia breuitas, circa umbilicum retractio, magis si simul fuerint cuncta haec momenta, vel si seorsim aliqua appareant, aut similia, de vitalitate ambiguum reddunt iudicium. Interim membrorum omnium informatio perfecta in foetu, cuius naturam solenter exposuit ROEDERVS *m*), ita militat pro vita, ut de illa praesumptio non incerta fiat.

§. VI.

β) ex pilis. Quam quidem maturitatis et vitae continuandae suspicionem simul porrigunt capilli et crines, capiti inhaerentes superiori. Mirum quidem est, quod, quum pilorum sedes profunda sit sub cutis infima superficie, ibidemque ex bulbillis suis vegetabilium more propullulent *n*), eos tamen a reliquis, nutritionem sufficientem corporis producentibus, caussis non excitari, sed derelictos quasi diu immutatos persistere, deinde etiam aliquos demum prorumpere, aliis semper adhuc intactis et quiescentibus. Siquidem in natis et recte valentibus pueris observatio doceat, barbam et pubem stat-

m) Diss. de foetu perfecto. Goetting. 1750. in Opusc. medic. Gotting. 1763. 4. editis p. 71. sequ.

n) Naturam pilorum egregie declarat Ludwig Diss. de humore cutem inuergente, Lips. 1748.

to tempore progerminare, vt non incongrue inde perspiciatur, ad incrementum pilorum aliquem requiri corporis vigorem et virium eam mensuram, quae sit superior necessitatibus nutritionis debitaе faciendae. Confirmatur id exinde, quod foetus tenellus adhuc suo toto corpore pollicissimus inueniatur, nec in capite minima capillorum lanugo appareat, et quod vltimis demum mensibus capillitio instruatur. Ex quo consequitur, vt, dum natura in reliquis partibus perficiendis occupata est, ea ad has non nisi aliis perfectioribus redditis, deueniat, medicus itaque ex repertis in capite pilis, maturitatis pene terminum et vitalitatis signum dignoscat. Interim, quae in copia seu multitudine, longitudine et colore non raro occurrit diuersitas, singularis notae momentum non est: nimis enim subtiliter argumentaretur, qui imbecillio rem paucis et breuibus, fortio rem multis et longis capillis ornatum iudicaret foetum. Adultis sane eadem ratio est, nec robori corporis inde quidquam detrahatur, nisi ab aetate causae quaedam deterioris nutritionis simul accesserint, in primis, quod primum nati infantum capilli frequentius sensim iterumque cadere solent.

§. VII.

γ) Ex unguibus. Eadem ratio vnguium est, laminarum scilicet earum cornearum, quae apicibus vtriusque extremitatis digi-

digitorum appositae conspiciuntur. Nam et hi ex profundioribus locis enascuntur et ex periostei continuatis fibris promanare dicuntur o). Ea vero est tenuioris et immaturioris foetus conditio, ut licet iam fissa manus et in digitos diremta, sicuti pes extremus, appareat, obtusus tamen digitorum apex vnguiculos nondum ostendat p). Si paullo maturior euaserit ille, habet quidem delineatorum vnguium formas, sed molles, flexiles, membranaceos fere, quae duritiem pene corneam ultimis gestationis mensibus demum acquirunt. Causae, duriores hanc substantiam compingentes, non satis quidem manifestae sunt, eas tamen ab aere deducendas non esse, suadet illa vnguium durities, quae cornea statim in maturo recensque nato infante, dum ex utero prodit, detegitur. Ut exinde ad eam praestandam efficiendamque vim vitae non exiguam requiri recte arbitremur, et eos ad perfectioris foetus signa referamus, praecipue, si eos cum cute ita cohaerere videamus, ut quamuis omnia mollia, et car-

ti-

o) Confer *Ludwig* de ortu et structura vnguium progr. Lips. 1748.

p) *Hippocrates* περὶ ἐπικυήσιος de immaturo foetu scribit: ἡ σὰρξ ὑπερέχει τῶν ὀνύχων. Οἱ δὲ ὀνύχες ἐλλείπουσι τῶν χειρῶν καὶ τῶν ποδῶν. Et *Haller* I. cit. Vol. VIII. p. 323. septimestrem foetum vnguiculos nullos habere.

tilaginea pene subsint ossicula, aliqua tamen ad eos resoluendos opus sit vi adhibenda.

§. VIII.

δ) ex ossibus.

Ingens etiam illa, quae a tenerri-
mo puncto surgenti foetui accidit,
nutritio, sicuti corneos iudurescere
facit vnguiculos, ita quoque sensim in ossibus
eam, quae duritiem ipsis conciliat, materiam
congerit, ita, ut ossificationis historia omnino
possit aetatis atque maturitatis foetus signa ali-
qua exhibere. De his vero nunc differere super-
sedere possemus, quod ex proposito nobis scopo
externas tantum notas diiudicare animus est, et
in medicina legali ossium disquisitio minus fre-
quens esse solet. Attamen huius perscrutationis
necessitas ingruit, si forte talis demum offeratur
foetus, qui iam per longum tempus sepositus,
partes molliores omnes putredine resolutas habeat,
ut earum indoles plane nequeat disquiri, nec nisi
ossa supersint. Quandoquidem ex his solis cor-
pus delicti certum de vita foetus reddi non pot-
est, quin potius ambiguum signum praebeant,
sunt tamen in ossibus signa sufficientia de aetate
foetus, quibus edoceatur physicus, num, quem
pro abortu excluso venditat rea, cuiusque mors
ipsi imputari non debeat, inter eos quoque sit
referendus. Sic, ut ex multis tantum capitis
mentionem faciamus, centra in ossibus eius iam in-
durata, ossificationis puncta nominant, reliquo
am-

ambitu molli et membranaceo, in immaturo foetu reperiuntur, longa etiam sic dicta ossa extremitates informes, cartilagineas referunt, carpi tarsique ossicula pene omnia absunt, nec nisi punctula quaedam adhuc continens, sternum, nucleis osseis diuisum, apparet, vt reliqua taceamus, quae in his determinandis osteogenia supeditat q). Scrupulosior sane indagatio adhuc plura, neque tamen, si soli huic signo fidere velimus, exceptione maiora argumenta exhibet, quod ex studiose collectis conditionibus ab HOFFMANNO r) clarum est.

§. IX.

e) ex nutritione. Deinde in foetu ipso nutritionis, ad illud tempus factae, quod spem facit vitae continuandae, ratio ex signis, in habitu corporis externo inueniendis, habetur. De cute supra §. V. diximus. Ea vero, si rugis et sulcis destituta est; vbiuis quasi repleta, egregium nutritionis rite factae indicium praebet. De quo eo minus dubitandum
B 2 est,

q) Obuersari potissimum debent animo medici perscrutantis, quae accuratissime exponuntur a Bern. Sigfr. Albino in Icon. Oss. Foetus hum. Leid. Batau. 1737. 4. et in Kerckringii Osteogenia foetuum. Amsteld. 1670. 4.

r) D. Wilh. Chr. Hoffmann disquis. de ossibus foetus, quatenus inferuiunt eiusdem determinandae aetati in casu suspecti infanticidii, Francof. et Lips. 1751,

est; quod foetus aliquando, abortu reiectos, trium quatuorque mensium s), quos casus excuserat ex matribus, ceteroquin sanis, ita plenos conspeximus, ut turgidi quasi viderentur. Longe etiam plures foetui ac nato fontes concessos esse constat, ex quibus nutritio deriuetur. Siquidem non ex bene praeparatis et elaboratarum molecularuui congerie onustis succis tantum, iisque a matre aduectis, corpus struitur, sed in suo quoque corpore foetus glandularum quarundam officiis utitur, quae natis nulla sunt, ut itaque facile in eo abundans nutritio fieri debeat, torosus euadat, omniaque membra, nunc natus, rotundula habeat, licet mollities imbecillitatem roboris ostendat. Haec ipsa tamen mollities telae cellulosae, sub cute reperiundae, distentae signum, adipis collectionem factam esse significat, quam a lymphaticis particulis nutritiis deducunt physiologi, quaeque in futuros reponatur usus. Marcior itaque corporis, flaccidus eius aspectus, facies torua, quam ruga senili similis arat, membrorum deficiens repletio, in foetu satis testantur vitam, quae in utero iam ita comparata non fuit, ut euoluendis partibus par sit, eam quoque, extra uterum viventi sufficere non potuif-

s) In embryo trium cum dimidio mensium, abortu reiecto, qua faciem externam, nitidissime descripto in progr. a G. A. Langgurb Viteb. 1751 artus superiores et inferiores admodum torosos animaduertit. p. 8.

tuiffe. Copiofiffima quaeque quae in foetu adfunt vafcula, et rubicundum externi corporis vbique colorem faciunt, fuis deffitui fanguineis humoribus per pallorem fi docent, debilem vitam manifeftant, arguuntque vitalitatis penuriam. Quod fi nihilo minus poft partum denatus fit infans, et tunc liuida in fuperficie ftigmata cum his fignis obferuentur, tunc cauere debet medicus, vt violentiae adhibitaefigna aestimet, quae ex humorum fpontanea refolutione nafcuntur, evidentius adhuc, fi maculae, putredinis testes §. V. deprehendantur. Non poffumus tamen non adnotare, conftantiora adhuc figna colligi poffe, fi nempe nutritionis foetus doctrinam plene intelligere velimus, ex ftatu matris, dum vtero gerebat, fuumque nutriebat embryonem.

§. X.

5) ex pondere. Haec quoque nutritionis hiftoria fponte nos ducit ad pondus, quod foetui naturale eft, confiderandum.

Incipiamus autem a maturo, per nouem confuetos menses geftrato. Qua in re facile quidem largimur, non vnam fed multiplicem varietatem effe debere, idque haud immerito coniici a rerum peritis, quum omnis conditio redeat ad nutritionis in vtero diuerfitatem. Nec negamus, robustas, labore induratum corpus habentes, ruflicasque matres, vt meliorem praebent infantibus fuccum, ita etiam prae tenerioribus, vrbaniis et delicatulis femellis, ponderofiores eniti foetus, vt cer-

tam ponderis normam inuenire sit impossibile. Inter ea tamen, quod ea foetus incrementi in vtero est ratio, quae ab euoluendarum partium perfectione et ab vteri cedentis resistentiis definitur, quos, si attigerit foetus, fines, in vtero amplius retineri nequeat, sed emittatur, parum utique erit in vitae genere et reliquis conditionibus diuersitatis, quae certum quoddam pondus non admittat. Licet autem inter tot foetuum disquisitiones propter reliquorum signorum sufficientium syndromen mihi eam necessitatem nondum obuenisse ingenue fatear, quae pondus recens nati trutinari absolute exegerit, idque nostrates etiam feminae, aliquando supersticiosae, admittere recusent, tam multae tamen, a ROEDERERO t) factae experientiae, et in maturis aequae ac immaturis foetibus coeptae, in centum et tredecim diuersis subiectis, quibus pondus maturi septem inter et octo libras ambigere obseruatur, ut iis adstipulemur, fere nos cogunt. Adnotauit quidem HALLERVS v), neogenitorum pondus ad nouem, decem, duodecimque libras, quot sint nouem mensium periodicae expensae sanguinis x), ad-

t) Diff. de temporum in grauiditate et partu aestimatione. Gotting. 1757. in Opusc. p. 29.

v) Elem. Physiolog. Vol. VIII. p. 372. et p. 416.

x) Sed sanguinis etiam menstrui pondus variare probat alibi. Idem Vol. VII. Part. II. p. 145.

cessisse, immo CRANZIVM foetum viginti trium librarum, alium viginti septem reperisse; nec non LOESERIVS y) viginti libras et vltra, tanquam naturae conuenientes adsumit, sed hae discrepantiae eo minus inutilem aut ineptam ponderis animaduersionem reddunt, vt potius, si cum aliis conferantur conditionibus, inde satis distinctum euadat de maturitate foetus iudicium. Quod ad eam molem corpus tenellum deuenire non potuisset, nisi ea adfuisset virium vitalium quantitas, quae ad illam sustinendam requiritur et quae porro illam fulcire valet, ita quidem, vt regulam ponat ROEDERERVS: *Immaturorum foetuum pondera inter quintam sextamue libram media esse, maturorum sex libris raro minora, immo immaturum foetum certa fide non probare sextalibra pondus inferius, sed probabili saltem, et ex comparatis reliquis indiciis limanda.*

§. XI.

ζ) ex lon. Eodem quoque modo de longitudine. dine foetus et certa inde sumenda mensura iudicandum est. Etsi in hac, vt mox monstrabimus, constantiorem quandam normam obseruauerimus, tamen eorum iterum vix euitare poterimus dubitationes, qui, praeter supra adductam hominum discrepantiam, grauidae staturam bene pensitandam esse autumant,

B 4

quo-

y) Physiol. cap. 35. § 427.

quoniam abdominis, quibus coercetur vterus, limites magis extensionem foetus, quam molem eius definiunt. Fauentia quoque huic opinioni aliqua habuimus exempla foetuum, ex ordine naturae natorum, sed exiguorum, quorum vero matres, paullo studiosius examinatae, in partu quidem sanae, tempore gestationis tamen variis conflictatae sunt morbis, sine dubio non adeo egregiae nutritionis et incrementi auctoribus. Porro staturae diuersitas in gemellis conspicitur, quorum alter magnitudine non raro ac robore alterum superet, et quorum multa notata legimus exempla, ut etiam superfoetationis lubricae hypothese inde argumentum sumi soleat. Staturam a matre patreque deriuandam esse coniicit HALLERVS *z*), quam vtriusque parentis saepe discrepans longitudo vix determinare permittit, si recte sentimus, ni crebrioribus obseruationibus veritas confirmetur. Longitudinem recens natorum plerumque viginti vnus pollicis esse PETITVS *a*) adserit, atque vix decem, supra pedem vnum, pollices maturos foetus attingere RÖDERERVS *b*) auctor est, intercedentes etiam differentias ex permultis obseruationibus collectas definit. Cum quo nostrae etiam conspirant adnotationes, quibus constitit, viginti et vnum, non raro

z) Lib. cit. p. 424.

a) Hist. d. Acad. Roy. de Scienc. a Paris. Ann. 1733. p. I.

b) Opusc. citat. p. 46.

raro duos, pollices vlnae Lipicae adaequasse ple-
rosque, aliquos ad decem et nouem accessisse,
duos etiam viginti et quatuor pollices pene su-
perasse, hos vltimos autem a rusticis matribus
progenitos fuisse. Hoc itaque e ponderis phae-
nomenon, normam exhibebit, ex qua non plane
inanis ad vitae praesentiam neogeniti conclusio
fieri potest a medico legali, quod vtique vltimis
mensibus grauiditatis longitudo minus ac molis
augmentum crescat, hinc, quae pede vno et di-
midio minor non est, perfectionem euolutionis
praesagiat, quae ceteris phaenomenis certior eua-
dat.

§. XII.

7) Ex funi- Porro, qui primam et vltimam
culo vmbi- foetui nutritionem liberaliter porri-
gitali. git, funiculus vmbilicalis confide-
randus est. Succis ille vitalicus, qui ad foetum
feruntur, et ab eo recedunt, irrigatus perpetuo,
externis super inductis inuolucris, ita tutus prae-
statur, vt vasorum licet vario flexu, progressus
tamen intus contentorum humorum non impe-
diatur, quamdiu nexus funiculi manet atque pla-
centae in vtero. Si autem eueniat, vt funiculus,
resistente adhuc in vtero foetu, rumpatur aut
destruatur, nisi breuissimo ante partum tempore
id contigerit, valde dubitamus, num superesse
diu foetus possit, aut vitam extra vterum vltteri-
us durantem recipere, quum reliquae, quae foe-

tum seruare creduntur ab aliis propositae viae admodum sint obscurae et incompetentes *c*). Nec de his quaestio in foro mouebitur, quod foetus sine umbilicali funiculo natus, ex iam dictis causis merito pro talis habetur, qui matris culpam in se nullam agnoscat. Ex praesente e contrario funiculo semper indicia requiruntur, quae vel de vita in utero testantur, vel eam post partum adhuc declarant. Longitudinis eiusdem, licet homini inter reliqua animalia maxima sit, diversa quidem est ratio, is tamen aliquando, si aliena occupet loca, et v. c. collo obtorqueatur, *d*), nec prudenti manu obstetricantis, ut artis est, in partu remoueatur, suffocationis periculum iuducere valet. Quare tunc medicus legalis signa, in corpore conspicua, testes antegressae suffocationis, colligere debet, non poterit tamen, si aliunde cognoscatur, parientem solam fuisse, foetumque auxilio destitutum, in matrem culpa sola coniici, quae etiam si cupida, noxam auertere nequiuisset. Ceterum eadem longitudo conueniens motum et incrementum foetus in utero liberum fuisse denotat, et reliquis signis vitae felicioris adnumerari potest. Gracilis autem, collapsus, et rugosus, qui eam, quae vasa eius inter-

ce-

c) Legi meretur. *G. A. Langguth. Diff. de nutritione foetus per solum umbilicum. Viteb. 1751.*

d) *Hebenstreit Anthropol. Sect. II. membr. II. cap. II. §. 44.*

cedit, spongiosam gelatinosamque substantiam nimis parcam obtinet, aequae ac colore peregrino, flavescente vel nigricante imbutus, magis, si eius quoque tegumenta putredine secedant, vel totus mollis, facile fatiscens, id, quod prae reliquis partibus hic citius fit, reperiatur, in neogenito certum dat, vitae iam ante partum suppressae, indicium, cui adstipulari debent aliae, in corpore obseruandae conditiones. Quod vero in cadauere non effluit sanguis, nisi summa putredine, fermentatione quasi facta, excussus, vacui et sanguine destituti funiculi, cum integritate reliqui corporis animaduersio, vitae etiam post partum testis haberi poterit, si cadaueris dissectio vasorum interiorum vacuitatem significet. In primis, si nimis brevis ab exitu eius in corpore contigerit resolutio, quae in foro praecipue attendi meretur. Quaeritur etiam, an resectus ille vel dilaceratus, nec vinculo constrictus, vitae magis insidias faciat nec ne? In utramque autem partem multum quidem disputatur ab auctoribus; circumspecte tamen iudicandum esse remur, denique monemus, solum hoc signum fidem non facere. Quo longior enim funiculus, omnium minime si cum placenta connexus, generatur, eo difficiliorem haemorrhagiam letalem futuram esse opinamur, nisi nimis praecox, in vegeto foetu, eius separatio tentetur, id, quod etiam stantibus et praecipitem foetum emittentibus, matribus accidere potest. Siquidem vigor circula-

culationis ad has partes sanguinem determinet, libereque eum effundat. Perinde nihilo minus est, siue resecetur, siue disrumpatur, vita namque foetus confirmabitur ex his tunc demum, si reliquarum et internarum partium scrutinium suscipiatur simul.

§. XIII.

9) ex suffragationibus.

Pergit autem in perquirendo corpore foetus, de vitae certitudine stabilienda sollicitus medicus, ut post mortem apparentia stigmata liquida, rubicunda vel alius coloris supra §. IX. adducta, num vitae post partum praesentis vel mortis antecedentis effectus sint, curatius diiudicet. Multum certe interest iustitiae, certa pone insons seueriori sententia grauetur. Quippe quum et nostris temporibus quibusdam, exterioris superficiei a statu sano recedentem mutationem coloris quamcunque vitae nascentis signum offerre, arrideat opinio *e*). Et, licet facile largiamur, in cadauere iam frigido, coagulati sanguinis massam ex vasis exire multo minus ex minoribus exprimi non posse, hinc maculas etiam non excitari, tamen adeo difficulter veritas elucescet, si alibi iam apparentes putredinis notae affirment, eas

e) Nihil certi e contrario in hoc genere medicum posse asserere, nimis insufficienter statuit *Fortun. Fidelis* de relat. med. Lib. IV. Sect. V. cap. 2.

eas, quae superficiem tantum alieno colore pingunt, nec profunde penetrant, effectus huius causae existere. Quoniam perspicuum est, putredinem, densas solidasque partes destruentem, ad soluendos succos minimaque vascula eo magis aptam fieri, idque eo citius post mortem contingere, si conditiones aliae, ut tempestatis calidioris, foetus sub stragulis retenti, vel similes concurrant. Sed, si rubicundus sanguis, ex vasorum receptaculis emissus, sub cute haereas, eamque in tumorem excitet, tunc serius ea dere cogitandum est. Si enim demortuum demum natum fuisse ponas, in utero iam sugillationes factae praesumerentur, quod ob uteri amplitudinem, et aquarum circumfusarum defendentium copiam, partiumque mollietatem nullam veri prae se fert similitudinem: si vero in partu ipso excitatas esse statuas, tunc non deerunt alia signa, ex quibus certiora intelliguntur. Partui enim difficultates multae obiciuntur. Fieri itaque inter alia potest, ut caput vel diu impactum haereat in exitu, compressa ergo integumentorum vasa et rupta sanguinem fundant, vel obliquus eius situs sit, id, quod, si ex matris etiam confessione non constet, ex figura capitis, plerumque elongata, ex faciei tumore, tandemque ex interiorum viscerum disquisitione patebit. Cautos eam ob causam iuniores medicos esse volumus, ne in sectionibus, ob sanguinis, sub capitis integumentis aut sub pericranio praesentiam, violentiae externae
testem

testem certum se detexisse concludant. Idem esto de extrauasato in dorso et scapula deprehendendo sanguine iudicium. Est quidem infallax vitae, in partu adhuc vigentis *f*), indicium, violentiae vero accedentis ambiguum, ad cuius confirmationem pluribus, ex cadauere collectis signis opus est. In memoriam venit recens nati pueruli, nuper in foro dissecti exemplum, cuius in capitis sinistro latere, ab auribus ad collum vsque plures rubicundae diuersae magnitudinis maculae detegebantur, immo similes thoracis latera ad costarum spuriarum sedes vsque occupabant, quae, dum studiose corpus abluebatur, non disparebant. Remotis etiam integumentis, in his distenta vasa occurrebant, nihil autem illius erat effusum. Sub pericranio quoque supra os, bregmatis sinistrum serum, sanguine tinctum, sed parca quantitate, aderat *g*). Vitam foetus in partu adfuisse negandum non est, eam tamen extra vterum non continuasse, suadebant pulmones subsidentes, nec a matris culpa foetum periisse, omnis exterioris laesionis absentia asseuerabat, turgida etiam et plena cruore omnia conspiciebantur

f) Quod pluribus argumentis confirmat *H. F. Delius* in *disf.* Sugillatio quatenus infanticidii indicium. *Erlang.* 1751

g) Serum sanguinolentum sub caluariae integumentis phlegma partu duriore collectum nominat *Hebenstreit* l. c. §. 43. et *Ludwig Instit.* Med. forens. §. 268. seq.

tur vasa, nec durae piaequae matris et plexus choroidei exceptis. Nimis autem elongatum, compressumque caput et pectus quoque sinistrorsum vehementer obliquum redditum, partum difficilem fuisse, in exitu foetum enecantem, ostendebant, ut cum fiducia renuntiari potuerit, mortuum fuisse natum.

§. XIV.

1) ex lae-
sionibus
externis.

Non solum autem extra vasa subsistens sanguis vitae est confirmatio, sed etiam, si omnis ex vasis effluerit, ut pallidum corpus nati eodem destitutum occurrat, sine hac id non contigisse, iure censetur. Effluit autem ille per umbilici vasa aut per externa illata vulnera. Haec aequae ac laesiones aliae quaecunque etsi inquirentibus sponte patent, non tamen protinus, an vitam ademerint, manifestum est, praecipue, quodsi per reliquas notas vitae praesentis certitudo nondum est reddita. Sicuti vero in laesionibus inquirendis primo occupatur medicus, ne aliarum partium disquisitione laesi loci mutatio quaedam producat, ita etiam per partium adfectarum cognitionem demum definiet, quantum intersit vitae integritati harum partium oblata destructio. Sed quis est, quin intelligat, externi corporis indagationem non sufficere, sed ad interiora penetrandum esse. Leuiores certe integumentorum corruptelae, etiam animo occidenti inflictae, vi-
tae

tae durationi nihil detrahunt, immo luxationes, fracturae artuum restitui possunt arte chirurgica, et rarius periculosa evadunt neogenitis, ut iudicis potius, quam medici sit in similitum laesionum occasiones inquirere. Vnicum tantum momentum adducemus, fonticuli nempe seu fontanellae, cuius depressionem inter signa illatae vis externae referre solent. Quum enim rhomboidalis ille sincipitis hiatus subiectam habeat nobilissimam cerebri partem, eius sane compressio animales vitalesque functiones debet eo certius delere, quo fortior vis adhibetur. At in mortuo subsidens cerebrum etiam huic loco spontaneam permittit depressionem, quae, nisi iniuriae perpeSSae externa signa, ut lividus circulus *h*). vel alia occurrant, demum ex ipsius encephali et vasorum sanguiferorum statu penitus diiudicatur.

§. XV.

a) ex calore, mortuo post partum et et spuma eris. Ab illis nunc signis, quae in mortuis, quos in foro disquirendos ad vitae rationem reddendam habemus, infantibus detegimus, ad ea veniendum est, quae in vivis adhuc conspiciuntur. Sed, paucissima de his dicenda sunt, quod nemo, si circulationem et respirationem videat, de vita dubitet. His eminentibus tamen actionibus non satis distincte apparentibus, ad

b) Exemplum adducit *Abernethi* l. cit. P. II, p. 119.

ad calorem in mox nato deprehendendum, ad motum, ab illo praestitum, et ad spumam, in ore conspicuam, prouocatur, tanquam ad fida post partum viuentis indicia. In illis autem, quae clanculum pepererunt, haec, etiamsi confessae fuerint, tamen dubitationibus obnoxia sunt. Calere namque possunt neogeniti, quibus mox in partu vita ademta est, perdunt autem calorem, viribus internis non sustentatum, ocyssime. Deinde in partu iam suffocati, eximio docente ROEDERERO ⁱ⁾, artus quandoque mouent, nec ulterius viuunt. Nisi, subtilius vitam, profecto imperfectam, dicere velimus, quae in moliminibus sine effectu consistit, quae etiam, si alia signa respondent, ab insuperabilibus in corpore obstaculis mox praepeditur. Spuma tandem, si in vniuersum abest putredinis suspicio, a viscido, natura faucibus inhaerente, sub vel post partum potest excitari. Quare adnotari quidem debent haec, sed ad enucleanda illa phaenomena denuo alia requiruntur subsidia.

§. XVI.

λ) ex Crassa tandem, spongiosaque secundinarum pars, quae placenta appellatur, et quam partem foetus nuncu-

i) Obseruat. de suffocatis satura. Obs. 4. sqq. Opusc. p. 291. spq. vbi simul reliqua consideranda momenta traduntur.

nuncupat HARVEVS *h*), vitalitatis documenta praebere creditur, dum illa vel simul cum foetu sequitur, vel succulenta et turgida occurrit atque magnitudine sua spem facit sufficientium per eam adductorum succorum. In his tamen notis nihil est perpetui. In facili namque aequae ac in difficili partu nunc facilius nunc aegrius secedit placenta, nec non parenchymatis eius massae et magnitudinis frequens occurrit dispar ratio. Si vero in flocculos secedat, mox extracta, vel per partes solvatur et putredo appareat, tunc evidentiùs sane in ultimo stadio gestationis embryonem male nutritum fuisse indicat, et cum signis deficientis nutritionis in foetu §, IX. conferri meretur.

§. XVII.

μ) ex pu-
erpera.

Possunt autem, si matris simul copia detur, in eius quoque corpore, ad diagnosin vitae foetus probabiliorem reddendam, notae quaedam inueniri, quae ad tria genera referre liceat. Alia nempe anamnesticæ signa sunt, de statu sanitatis in graviditate, alia in partu, alia post eum adnotanda. Sed in antecessum monendum esse arbitramur, haec fere omnia mature colligenda esse, quum brevi post partum absolutum tempore vel evanescant,

k) De Generat. Animal. in additamento de placenta vterina, p. 394. edit. Amsteld. 1651.

nescant, vel ad demonstrationem inutilia euadant. Sanam gestationis tempore grauidam communia indicia sanitatis docent, medico suae artis gnaro non obscura. Magna deinde bene valentis foetus praesumptio est, si grauida nec leuioribus quidem, multo minus grauibus conflictata fuerit morbis, si vehementiore animi commotione eam perturbatam fuisse non probetur, si externa corpus eius violentia non afflixerit, quae noxam foetui intulerit, si mala corporis, in primis peluis, conformatio partum difficilem esse debuisse non vero simile reddat, si tandem illa, ad abortum promouendum, intempestiuis remediis non fuerit vsa. Quum contra, ex praesentibus hisce conditionibus, quarum vestigia tunc vel in corpore parientis supersunt, vel fide dignis testibus corroborantur, praecipue, si neogeniti diuinitio idem declarat, insidias vitae nascentis letales inde affirmare cogamur. Nec minor probabilitatis gradus quidem oritur, foetum recte valere, dum motus in vtero se percepisse non solum, sed etiam successiue intensiores se expertam esse grauida confiteatur, siquidem id naturae consentaneum sit. Ast, quod motus hosce circa gestationis finem defecisse adstute plerumque fingunt reae, non poterit rei veritas, nisi ex ipsius foetus perlustratione, luculenta reddi. Euidens quoque partus ipse signum exhibet, si nempe debito et quo maturus factus est foetus, tempore contingit. Hoc itidem ex perfectione illius intelligitur, quae,

si etiam seriori, ac solenne est, partu prodeat, eo plenior habebitur. Comparatus autem neogenitus, cum eo, quem puerperae nonnunquam indicant, conceptionis termino, veritati obdusam nubem discutiet. Addunt quidem, facilem, quae breui temporis spatio absoluitur, partum, qualis clandestinum partum edentibus non infrequens esse solet, vitam foetus arguere, quod propriis ille viribus motibusque sese expediens eum acceleret, dummodo, abortus aequè subito ac facile generari, immo post mortem matris aliquando foetus excerni, non obstaret. Difficilium autem partuum ea est ratio, ut sine auxilio accedente fieri raro possint, et notis quoque §. XIII. externis dignoscantur. Quod autem post partum etiam singularem in suscipiendis consuetis negotiis puerperae aptitudinem ad diagnosin vitae foetus referunt, eam pari modo non in vniuersum valere iudicamus, quoniam ex abortu et difficili partu eadem ratione nonnullas breui interiecto spatio refocillatas restitui experientia docet; ac alias a facillima solutione foetus grauiter decumbere. Hinc multum ad corporis puerperae dispositionem et causas accedentes referendum erit. Plus certe in lochiorum natura certitudinis est: haec enim sanguinea, nec peregrini odoris, sine acredine prodeuntia et sensim imminuta plerumque viuos subsequuntur; putrida vero, grauiter olentia, dolorem ex erosione partium, per quae delabuntur, excitantia, putrilaginosae placentae

par-

particulis simul exeuntibus, emortuos, immo iam putridos foetus. Interim et hi, quatenus opinionem hanc fulciant, ex supra dictis intelligitur.

§. XVIII.

Quae itaque iam exposuimus, ad externam tantum corporis foetus et neogeniti superficiem pertinent, atque generales instituendæ disquisitionis notas ostendunt, ex quibus haud difficilis est futurus medici forensis labor, si singularium partium indicia subtilius percurrendo, cum uniuersa oeconomia animali comparare libuerit. Etiam si aliquae ex his solae certitudinem non habeant, eam tamen collectae consequuntur non raro, et tandem fallere amplius non possunt, si simul cum iis conferantur, quae ex perscrutatione interni et dissecti corporis patescunt, quo demum, quae in foro desideratur, corporis delicti certitudo firmissima euadat. Haec autem momenta ad aliam differre occasionem nunc iubemur.

X V.

DR. ERNESTI GOTTLOB BOSE.

Dissertatio posterior,

De

Diagnosi vitae foetus et neogeniti.

Lipsiae, 1771.

Respond.

CAROL. CHRISTLIEB BETHKE.

§. I.

Instituti ratio.

Considerauimus alio tempore * externam tantum recens nati hominis superficiem, ex qua, quantum de vita eiusdem ante et post partum haberi possint indicia, medicum forensem instruentia, declarauimus, simul autem interius in dissecto corpore inuenienda momenta his iungenda esse monuimus, de quibus itaque iam nobis agendum erit. Certitudo namque corporis delicti omnem pene absoluit paginam et fundamenta suggerit iuris perito, qui de culpa, et laesione

* Vid. Dissert. antec.

ne vitae enatae, poena velit iudicium ferre. Et talis pene est omnium horum signorum inter se perpetuus nexus, ut collecta demum inde omni exceptione maiorem ferant sententiam. Quare aliqua iam superius dicta etiam huc referenda esse unusquisque facile perspiciet, qui cuncta simul sumpta recte aestimauerit. Si nempe extus iam appareant putredinis notae; facile, num intus penetrauerit illa et quousque, scita docebit dissectionio. Haec autem nunc suscepta, ita plerumque solet institui, ut de infimo ventre incipientes physici ad superiora loca disquirenda adscendant, quem, etsi consuetudinis magis quam necessitatis sit norma, morem tamen et nos nunc sequemur, ut quantum possit demonstratio vitae ex successiua partium contemplatione confirmari, intelligatur. Vnicum id tantum addimus, si verae et euidentiores quaedam corporis externi laesiones, ad internas partes continuatae, occurrunt, eas primo loco studiose indagandas esse, ne forte in directione et via earundem mutatio exoriatur, dum per reliquarum partium administrationis indagacionem siturus, qui per naturam partibus inest, turbatur. Quam quidem animaduersionem summe necessariam esse iudicamus, quo grauior redundat culpa in secantem, qui haec neglexerit, et quo plura defendendi reum inde enascuntur argumenta, si delicti corpus sufficienter non probatur. Deinde, quum in legali corporis sectione vno quasi obtutu partium internarum sedes et cohaesiones diiudi-

care debeat medicus secans, per se patet, non leuem in eo esse debere anatomes peritiam, ne forte fissuras mollium partium et naturales diuisiones, vel ossium seiunctas in infantibus partes, adhibita quadam violentia externa laesas fuisse atque male tractatas opinetur et enunciet, quippe quum hac ratione infontem accuset. Nos vero dum haec praesupponimus, excusationem nos inuenturos esse arbitramur, si generales tantum quasdam adnotationes passim subiunxerimus.

§. II.

Genera-
lis abdo-
minis et
viscerum
considera-
tio.

Perpensis itaque omnibus illis, quae ex corporis superficie externa colligi possunt, conditionibus, protinus communia, quae vocantur corporis tegumenta, a parte tamen antica corporis praecipue remouentur, quo nempe ad intenas viscerum sedes aperiat via. Sub his occurrens, singulari dignitate instructa, tela cellulosa, a) eaque pinguedine vt plurimum facta, primum quasi vitae indicium praebet, anteaetae. Siue enim illa in hoc loco, siue etiam intermusculorum interstitia, praecipue quae pectoris musculos intercedunt, copiosa

a) De hac legi meretur *Schobingeri* Diff. de telae cellulosae in fabrica corporis humani dignitate, sub praesidio *Halleri* habita Goeting. 1748.

sa inueniatur, eaque in vegeto ceteroquin nec putrido infante, vt esse solet, densa et compacta reperiatur, quamuis infantum pinguedo soleat prae adultorum tenuior esse, tunc vitam ante partum non concussam aut perturbatam arguit. Idque eo magis ex corruptelae absentia potest intelligi, quod inter omnes fere corporis nostri succos oleosa adipis natura a morte facillime acris reddita, quasi fatiscat. Haud parum tamen iuuat ipsa musculorum contemplatio, quippe qui rubicundi et egregie colorata sua carne integritatis caussarum, vitam facientium, argumentum praebent. Quodsi tandem externae superficiei indolem denuo cum his comparauerit scrutator, quantum ponderis sententiae hinc accedat, clare perspiciet. Hinc absque vltiori mora ad ea, quae in imo ventre, seu sic dicto abdomine continentur, perlustranda properare potest, Multa quidem sunt eaque varia, hic per naturam concinne disposita, viscera, quorum aliqua magis ad vitam faciendam concurrere, alia minus, nemo ignorat earum rerum gnarus, Singula vero studiose peruestiganda sunt, ne, si forsitan vni alterique aliqua labes inesse inueniatur, haec, quod vitae continuandae obfuerit, in aliam, violentam forte aut malitiose inductam coniiciatur caussam. Quodcunque etenim viscus in habitu suo externo, interiorique substantia, immo in sede proportionemque sua, nec non si debitam habuerit molli-
tiem, densitatemque, naturae conueniens inue-

mitur, illud pro sano et integro recte iudicatur. Si vero aliquod ex his marcidum, flaccidum, obstructum, induratum aut scirrhum, inflammatum, lividum, corruptumque detegatur, nec in reliquo corpore, quod alibi monuimus, quaedam appareant signa perpeſſae iniuriae, in his iam iam ſufficientes ineſſe conditiones concludimus, quae vitae foetus inſidias ſtruxerint, vel quo minus poſt partum illa diu ſuper-eſſe potuerit, effecerint. Singulare etiam eſt, naturae auctorem cuique horum viſcerum eum deſtinasse ſitum, qui functioni praestandae maxime ſit conueniens, a quo, ſi deflexerint, ſequi oeconomiae animalis confuſio neceſſario debebit, et quamuis levis mutatio, quod in herniis ſaepe obſeruamus, protinus incommoda talia non producat, quae manifestis pateant ſignis, non poſſumus tamen non, quin peruerſam plane atque a natura abhorrentem viſcerum diſpoſitionem ita validam iudicemus, vt vitae vix incipientis igniculos celerrime poſſit extingueret, vel in aere viuientis noua ratione hominis, cito delere. Sed haec in vniuerſum dicta, ad ſpeciales partium indagaciones ſollicite referenda eſſe cenſemus. Quum vaſorum, per vmbilici funiculum vltorius progredientium, riuuli euidentius detegantur, ad eorum quoque vacuitatem vel plenitudinem prima eſt conuertenda attentio. Hos enim in naſcente quoque homine ſanguine plenos eſſe decet, quo ſatis euictum ſit, ſine acceſſu ſanguinis redituque foetus vitam
fer-

seruari nullo modo posse. Collabi eosdem et sic-
cari ex funiculi vmbilicalis destructione sponte
consequitur, quid tamen de hoc sentiendum sit
supra docuimus. *b)* Nunc demum in foetu, cui
nullas corruptionis notas inesse obseruamus, va-
sa vmbilicalia, praecipue arterias, sanguine de-
stitui, profecto ita diiudicare cogimur, vt caus-
sae improvidae quae sanguinem effluere permise-
rit, culpam accessisse merito adfirmemus idque
magis, si arteriarum itinera ad vesicae vrinariae
latera prosequimur, quae proxime disquirenti
patent. Vena vero, ad hepar directa, nunc
quidem non negligenda est, hanc autem a morte
citius vacuam offendimus, quod sanguinis redi-
tus per hanc, dum vita aderat, ex impetu ma-
ternorum vasorum et ex causis communibus cir-
culationis, adiuuabatur et instante morte vlti-
mam quasi sanguinis accepti particulam ad hepar
vrgebat. Vasorum ergo vmbilicalium ad hepar
directio in huius visceris perscrutatione nos deti-
net, si igitur illud, absentibus supra notatis momen-
tis, integrum est, quod vena vmbilici cum porta-
rum vena coit, num ea sanguinem habeat, inquiren-
dum est. Amplius siquidem hoc sanguinis receptacu-
lum, abundantiam potius quam defectum cruoris o-
stendat quod ipsa mors sanguinis massam in venis eo-
rumque truncis coaceruat. Nisi enim haec *καταγ-
γεία* in obseruato corporis macilento et male nu-
trito statu aliquod patrocinium inueniat, quod ex
aliis

b) Vid. Diss. nostra prior. §. V. et XII.

44. *De Diagnosi vitae foetus et neogeniti.*

aliis caussis a medico secante noscitur, utique effusio aliqua post partum demum ex soluto nec deligato funiculo umbilicali, debuit contingere. Radices porro multas et copiosas eadem vena portarum per omne spargit ac disseminat mesenterium, hinc illud liberius mox dignoscendum, eadem opera, ad confirmandam sententiam de haemorrhagia praegressa, sedulo potest ac debet perscrutari. Nec vnica tantum eius plica sed, qua late patent, intestinorum gyri, disquirendum est, nec tamen praepostere et subito, ne forte, motu intempestiuo minores rami venarum mesaraicarum euacuati dicantur a reae defensoribus, sed quod eorum distributio plenorumque ramulorum dispositio pateat. Et si namque in ea re peccari non posse videatur, nimisque subtiliter excogitata haec caussa(ceteris momentis simul collectis nil valeat, cauere tamen debet physicus, ne leuioris momenti culpa in eum coniiciatur, sanguis quippe ex venulis ad trunculos tandem ad truncum vrgetur, ibidemque congeritur. Accedit et his, quod ad praesentiam sanguinis idoneam, ratione quantitatis, non ramorum praecipue minorum, sed truncorum, sufficienter plenorum, ratio sit habenda. Reliqui venae portarum rami, ad lienem praecipue decurrentes, quod sine ventriculi pancreatisque solutione non deteguntur, eidem examini, dictis hisce visceribus antea lustratis, subiiciantur; albus autem lienis, ventriculi et intestinorum color, qui in neogenitis

nitis solet laete rubicundus, egregia quasi pictura variegatus esse, non leuem absēptis cruoris necessarii suspicionem mouet. Vacuitatis quoque testimonium dissecta hepatis, magis lienis interna substantia offert, quae vtraque in statu naturali solet sanguine perfundi. Parum autem inuaret bilis vias percurrere, ductum scilicet hepaticum vel cysticum studiosius inquirere, quod secreti huius humoris nec magna est foetui quantitas, nec ea, quae hominis adulti indoles et spissitudo, simulque, si hosce similesque liquores deficere inuenerimus, tunc non sine aliis iisque manifestis magis signis atrophiae futura est diagnosis. Fieri itaque non posset, quin pancreatis etiam glandula, turgida alias succis et tumidula, nunc flaccida et collapsa, exsuccaque reperiatur, immo durior magis euadat.

§. III.

Specialis
disquisitio
α) Intest
inorum.

Tenera admodum intestinorum omnium fabrica, quae protinus impressas iniuriae notas percipit, etiam non leuem postulat medici disquirentis solertiam, atque propter tum in externis, tum in internis quibusdam notis obseruandis sollicite versetur. Coloris eorundem, quo sanguinis defectus indicetur, mox mentionem fecimus, totus autem eorum ambitus, sunt autem multiplices gyri et anfractus, si eam habet, quam natura iubet, amplitudinem, nec constrictionibus aut

angustiis laboret, iam certam satis spem facit in hisce visceribus causas non fuisse, quae potuerint liberiori obesse eorum incremento, functioni et humorum progressui. Nam intestina quamuis atque connexus ventriculus a variis alimentorum, quibus nati solent homines uti, renitentibus et acribus saepe particulis non afficiantur, secretis tamen et huc depositis liquidis resistere, subigere eadem ac inspissare coguntur, quod sine debita non fit opera, et, dum conuenienter peractum est, de egregio et sufficienti testatur robore. Num ex amnii liquore quidquam, facta deglutitione, huc deponatur, iam non disquirimus, licet non plane veri specie destituatur haec opinio *c)* quod viscerum copiosique in crassa praecipue intestina collecti, succi meconii nomine occurrant, quibus illa sic repleta videntur, ut omnes eorum interna superficies farcta turgeat. Hoc autem vitae neogeniti etiam extra vterum signum secum fert, si nempe pene intestina suo destituantur meconio. Fluit aliquando mortuis, *d)* quod laxata morte omnia, facile ut exeat particula, permittit, integra autem nunquam euacuantur. Quippe quae euacuatio causas praesupponat validiores, in incitato motu intesti-

c) Quae de alibili liquoris amnii natura in utramque disputantur partem ea doctissime collecta inueniuntur ab *Hallero Elem. Physiol. Lib. XXIX. §. 10. Vol. VIII. p. 198. sq.*

d) *Diff. nostra, I. §. V.*

stinorum peristaltico, per respirationem scilicet, quaerendas. Nec aliud suadet quotidiana experientia, qua scimus, ad seruandos recens natos non raro opus esse, vt inquilina illa spurcicies multo expellatur studio et longinquiore euacuantium remediorum ysu. Interim his incitabitur disquirens medicus ad interiorem quoque superficiem peruestigandam, quam neque erosam nec alio quocunque modo violatam esse decet, quum per se villosa interna intestinorum tunica, numerosissima minimorum vasculorum gregestipata, naturalibus ad auertendas iniurias instruat praesidiis. Hinc si secesserit, vel leui admodum ratione separetur iam notata tunica, vbi in corpore alia desunt putredinis, resolutionem facientis, documenta, viuente adhuc dum nato aliquid accessisse, quod hunc effectum produxerit, confidentius adserere poterimus, nec non aliis simul obseruatis momentis confirmare. Solent etiam in vtero iam demortuorum foetuum intestina non plane quidem collabi et rugis inde exorientibus defoedari, nunquam tamen multum distenta, praecipue ab intus haerente aere inueniri, vt hanc itaque expansionem, in viuis demum euenisse non inmerito suspicari debeamus.

§. IV.

β) Viscerum vroporum.

In visceribus autem his, quae peritonaeo quasi obuoluuntur, solis indicia vitae non tantum sunt, sed etiam

etiam in reliquis. Ea tamen ambigua et paullum obscuriora per se visa, in metiendis, ad vitam requisitis, conditionibus omnibus, aliquam facultatem decidendi adquirunt. Vropoea nimirum viscera, in auersa peritonaeifacie collocata, quae in recte nutritis hominibus adultis plerumque in magna adipis copia sepeliuntur, in foetu quidem omni aliquam, in rite valentibus etiam multam secum habent pinguedinem, vitae ex voto actae in vtero significationem. Hanc ergo deficere massam pinguem si deprehendimus, totius corporis nutritioni detractam fuisse debitam praestantiam intelligimus atque ex variis, aliunde desumendis notis euidenter cognoscimus. Solanamque mala et morbosa dispositio in ipsis quoque renibus, si nempe, vel praeter naturam durior et ad scirrhosam ludolem declinans sit substantia, vel intus arenosam et calculosam saburram contineat, totius corporis integritati vel vitae foetus iniuriam non faceret, aut vitalitatem, quam dicunt, imminueret, quum adultos morbois eiusmodi affectionibus diu labefactari inueniamus, quod de abscessibus etiam, si hic forte occurrant, sentiendum esse remur. Quid? quod et ipsa renum sedes mutata, et in pelui ossea v. c. collocata aliquando fuerit, innocue quidem, quod et nos in adulti hominis cadauere conspeximus. Ea quippe huius visceris secernentis ad vitam foetus, nondum absoluta est necessitas, quum per totum gestationis tempus tanta vix lotii

lotii quantitas, quae vesicae receptaculo commode excipi nequeat, secernatur ex sanguine. Hinc assiduam in stabilienda vrachi via et quaerenda eadem sollicitudinem, a multis susceptam, athibere medicus secans vix oportebit. quum ROEDERERVS *e)* NOREEN *f)* et HALLERVS *g)* breuitatem eius sufficienter demonstrarint, hic etiam foetus vesicam vrina nunquam plenissimam esse docuerit. Si e contrario vacuum illam, et plane destitutam lotio detexerit in foetu nato physicus, certius et magis indubitatum habebit argumentum, vitam post partum adhuc superfui e, quod in vtero, deficiente nimirum respiratione, euacuatio fieri non potuerit. *h)*

§. V.

γ) Vascularum maiorum. Exoprata deinde nascitur oportunitas, melius inquirendi in vasorum quae in abdomine continentur, maiorum sic dictorum statum, aortae arteriae atque venae cauae earumque propaginum. Idque eo magis requiritur, si vmbi-

li-

e) Diss. de foetu perfecto. Goetting. 1750. §. 28.

f) Diss. de mutatione luminum in vasis hominis nascentis in specie de vra bo. Goetting. 1749.

g) Elem. Physiol. g. Lib. XXVI. Sect. II. §. 7. Vol. VII. p. 311.

h) In lucem editus homo non continuo mingit. Haller Elem. Physiol. Lib. XXIX. Sect. III §. 13. Vol. VIII. p. 210. not. f)

licalis funiculi vasa sanguine depleta inueniantur,
 quo tutius de vitae foetus ablatae causa iudici-
 um feratur. Et si enim sufficere posset, illa mes-
 raicorum vasorum et umbilicalium inuestigatio
 §. II. quorum vacuitas probabilem mouet suspi-
 cionem, in aliis connexis vasis similiter defectum
 inuentum iri, omnis tamen euellitur dubitandi
 ratio defendentibus, si relatum legant, eos quo-
 que fontes, ad quos sanguis, ceu vitalis liquor,
 omnis deuenit, illo dustitutos fuisse. Hinc trun-
 cos venae cauae, et iuxta positaе arteriae aor-
 tae dissecando rimari conuenit, itidemque alios
 maiores vt v. c. venae portarum, vel in capite
 sinuum durae matris, venarum iliacarum, et iu-
 gularium in collo, et tandem ipsius, de quo de-
 inceps exponemus, cordis. Vniuersalis siquidem
 sanguinis in toto corpore deprehendendus de-
 fectus tam fidum est antegressae haemorrhagiae,
 illiusque enormis documentum, vt nulla alia caus-
 sa sit vel excogitari queat, nullus morbi effectus,
 qui idem valeat praestare. Viuere itaque desit
 ex vitae necessitatibus subtractis non foetus sed
 neogenitus, qui nullas praeter ea offert imminu-
 tarum virium, in debilitate, ex marcore corpo-
 ris dignoscenda, conditiones, et desit quidem
 propter effluentem ex umbilicalis funiculi arte-
 riis cruorem. Nam si aliud quidquam in corpore
 non inueniatur, vel extus conspiciendum vulnus,
 vel intus vllibi obseruanda ruptura, ecchymosin
 producens lethalem, via, qua euacuatus fuerit
 sanguis

sanguis alia non superest. Saepe, auguror autem id serio factum non fuisse, quo excusatio inculpati delicti inueniatur ex matris imbecilliori statu gestationis tempore, ex improviso casu, foetui nocente, ex nimia constrictione imi ventris, similibusque, legi argumenta ad contrarium statum demonstrandum muniendumque adduci, quae vero vel leuiter intuentibus collegiis medicis tam parum probari possunt, ut propter absentiam aliarum notarum in definienda sententia patrati facinoris culpofi haec sola sufficiat.

§. VI.

§) *noxa-* Dum vero, hac praesente causa
rum in- manifesta et lethifera, reliquas ne-
ternarum. gligere posset animaduersiones de
variis visceribus hinc inde visis, incommodis medicus inquirens; etsi nec minimam conditionem praetereundam esse sedulo moneamus quum illa, si mortem non fecerit, ad eam tamen accelerandam contulerit vel ad conuenientia auxilia adhibenda impedimenta obtulerit: sunt nunc nihilo minus alii casus, qui, quod haemorrhagia non accesserit, per se, non sine metu inde dependentis suppressionis vitae, satis validae iudicari possunt. Accurate ergo scrutando omnium viscerum habitum, tum eorum, quorum iam mentionem iniecinus, tum etiam reliquorum omnium, si quid obuenerit, quod a natura

defleat, id etiam adnotandum esse censemus, licet ob leuitatem parum inesse ponderis ad decidendum videatur, ne in eum cadat culpa, quae aliunde pendet. Potest vero, praeter ea signa, quae ab externis notis desumi demonstrauiamus, nunc euenire, vt alia et similia in internis quoque occurrant partibus atque visceribus, nullam enim partem eximimus, vt inflammationis species adsit, vasa infarcta et oppilata, hinc liuida, maculataque videantur, praecipue, quae interius posita, ab externis pressionibus et iniuriis liberiora iudicantur, vt ipsa viscera sanguinem coagulatum contineant, et sic porro, quae momenta non plane ambigua sunt habenda. Denotant enim vitam adhuc superfuisse, dum partus instabat, quod ea sanguinis motum et circulationem perpetuam requirit, sine qua stasis non est futura. Eodem fere modo sub cute factas fugillationes, liuidaque stigmata, si nihil contradicat, vitae praesentis indicia dare diximus, i) quae nunc euadunt certiora, quoniam et ipse partus eiusque labores, in internis locis producere eiusmodi noxas nequeunt, Num vero vita haec perfecta extiterit et continuandae eiusdem suffulta subsidiis, non aequae facile perspicitur, vel a secante adfirmatur. Parum enim abest, quin morbose eiusmodi labes detecta doceat, causam mutatae integritatis non subitaneam, sed sensim factam fuisse, et in ea quoque rationem contineri, quae

i) Diff. nostra I, §. XIII.

quae prorogandae vitae aduersa sit. Interim simul maturitas foetus considerata est, eiusque incrementum, et illud conferendum cum ceteris corporis disquirendi conditionibus. Quicquid enim ex parte matris grauidae, eiusque diaeta et fouendi foetus minus debita cura noscitur, si quid huc contulerit, illud, quum ex perscrutatione corporis non intelligatur, iudicis peritiae et sollicitae magis inquisitioni relinquendum est, illeque monitis, si tale quid subsumserit physicus, adiuuandus. In genere nimirum quaecunque oblata morbosa dispositio attente perlustranda, deinceps cum aliis notis comparanda, vt arbitramur, lucem accendet ad veritatem cognoscendam, quum in natis quoque hominibus per omnem fere vitam morborum prouentus admodum ferax, interdum non satis euoluendas causas, vel haud raro alias, ac praesumuntur, habeat. In organicis certe, partium internarum quoque, vitiis producendis, extra corpus quaerenda efficiens causa non est, quicquid etiam imaginationis vim valere eredatur. Sunt etenim morbi aliquando congeniti, ex quibus varias tantum herniae species adnotasse sufficiat. *k)*

§. VII.

Pectoris Nihil tamen ad vitam nostram suauius, nihil ad eam seruandam magis necessarium est, quam quae a physiologis.

D 3 logis

k) Roederer Obseruat. de foetu 4. In Opuscul. p. 101.

logis nominantur, actiones vitales, quae, dum a sanguinis motu et respiratione suam reperunt originem, ytique in omni foetus corporis disquisitione, sicut sunt praestantissimae, sic omni quo fieri potest, studio rimandae et disquirendae veniunt, in iis nempe, quibus perficiuntur, visceribus. Medico scilicet forensi, de vitae nascendi et nati hominis indole sententiam laturo, incumbit, vndiquaque colligere phaenomena ex corpore eiusdem, quae per destinata his actionibus organa vere aut producta fuisse aut produci non potuisse, euincunt. Si quid enim ambiguum in ceteris omnibus occurrat conditionibus, nunc demum ex hisce si fieri vnquam potest, ad certitudinis et veritatis gradum ita deducendum est, vt cum persuasione recti constet, vitam adfuisse, nec ne. Duplex autem haec actio, altera circulationis, corde, altera respirationis, pulmonibus conficitur. In vtraque omnia ante actae vitae signa confluunt. Sed quod multa de his in foro disputantur, de vtraque quidem, de respirationis autem negotio, quod vberiori controuersiae occasionem dedit, curiosius exponemus. Ne tamen dubitationis locus detur, praemonemus opus esse, vt non solum curatius physicus pectoris ambitum vndiquaque perlustrat, num rite conformatus ille sit, et cauum idoneum, quale natura exigit, constituat, in quo organorum vitalium conueniens sedes et accommodata eueniat actio, verum etiam perpendat simul, num si aliquas mutationes externas

ternas detegat, v. c. compressionem, obliquitatem, inconuenientem angustiam, ne pro violentè inductis habeat illas, quae per naturam a prima quasi conformatione nascebantur, vel quae laborioso partu tales fuerant redditae. In posteriore sane casu non deerunt in externis quoque partibus documenta, quod alibi probauimus, in priore autem sentiet opinionem corroborari ex earum partium, quae intus sunt, huic formae sese adaptantium, dispositione. Immo in violentis quoque iniuriis diiudicandis attentum esse decet disfectorem, si enim costas a suis solutas, vnā vel alteram, reperiāt cartilaginibus, quod periculosum est et pene in foetu lethale, num viuente adhuc neogenito vel post mortem illata sit ex sanguinis effusione, quae durante vita absolute mox sequeretur, ex inflammationis praesentia, et similibus declarabitur phaenomenis et contra.

§. VIII.

Specialis Hinc aperto iam pectore primo
a) Cor- quidem in pleurae statum inquiritur,
dis. a quo, vt in externis locis, omnis
abesse debet putredinis atque destructionis labes,
eaeque praeter ea interna superficiei glabrities et
splendor, qui nullius interioris partis accretioni
faucat. Menti etiam secantis obseruetur omnis
cordis naturae consentanea proportio et libertas.
Pericardium nimirum circumeat quidem et com-
plectatur cor, sed nullibi eidem adhaereat inde-

center, nec illud, quae paucissima est recenter nato, aqua nimium distendatur inhaerente, nec amplum et praeter naturam dilatatum cor contineat. Quandoquidem vel effusio aquarum vel inconueniens amplitudo cordis non fortuito accedentem impetuoſeque agentem aliquam cauſam, ſed lente ſenſimque productam et inſidioſam magis morbi indolem manifeſtet, quae etiam iam ante partum in corpore foetus ſaeuire coeperit, et in parturientis culpam male conuertatur, aequae ac, ſi cardianaſtrophe, cuius ratio in peruerſa eſſe ſolet delineatione, obſeruaretur. Varia porro, quae natura egregie fabricauit in corde, caua, auriculae eius et ventriculi, in quibus perpetuam eſſe ſcimus ſanguinis mouendi viciffitudinem, perluftrantur, in iis autem naturam quoque ſequi debere, ne confuſio enaſcatur, ſecantem volumus. Quum ſanguis ex anteriori in poſterius cordis cauum deferatur, etſi vltima maxima cum probabilitate actio poſteriori tribuatur cordi, l) eius caua, quippe quae vacua eſſe oportet, vltimo, anterioris primo loco perquirere conueniet. Haec, praecipue auriculae anticae, ſi ſanguine plena inueniantur, cruoris, ad vitam vltterius ducendam idonei, ſufficientem vim adſuiſſe

l) *Haller Elem. Phyſol. Lib. XXX. Sect. II. §. 22. Vol VIII. p. 122. Primus inquit, ventriculus ſiniſter quieſcit ad quem nullus de obſtructo pulmone ſanguis venit. — Denique etiam dexter contrahi deſinit.*

se praelagiunt, quae impedita tantum a caussarum resistentium virtute nunc cum morte remiserit, sin minus et plane euacuata reperiantur, quod supra adnotauimus, §. V. ex vasorum maiorum depletione, vitalem succum neogenito tractum fuisse suadent, et vita cur perierit, luculentissime aperiunt. Quibus peculiaris in corde foetus mechanismus, oualis scilicet foraminis ex anteriori ad posteriorem auriculam via, diuersitatem facere videretur, ii parum haberent ponderis sententiae, si perpendant, cordis caua eadem, vti in vita simul agunt, ita in morte etiam simul deficere, vt vltima expulsio per illud iter sanguinis impossibilis euadat. Coaceruari quoque sanguinem et abundare illo cor posse tunc probabile sit, si suffocatio praecesserit, quod tamen, vbi factum est, in anteriori etiam tantum corde detegitur, et per alia in corpore praesentia maioris momenti signa discitur luculentius. Alius praeter ea succis plenus et irriguus fons in cordis ponitur vicinia, glandula sic dicta thymus, quae more reliquarum glandularum in foetu plenior, hac ipsa tamen perfectione reliquis excellentior existit, in cuius quoque medio loco cauum a BARTHOLINO animaduersum, confirmavit HVGGO, quodque in recens natis semper lacteo humore distenditur. m) Hanc sane notam nutritionem foetus bonam et constantem arguere per se patet, defectum vero eius substantiae glandulo-

fae ficciorem naturam manifestare certum est, ut vitae vegetae testimonium etiam ex hoc desumatur.

§. IX.

β) Pulmonum.

Alteram partem vitalium sic dictorum viscerum pulmones constituent, quorum nunc summa opus est cura disquisitionis suscipiendae. Ea vero quum sit pulmonum natura, ut suis desungi actionibus non possit, nisi in ea, qua nati nos versamur, atmosphaera, respirationem considerare debemus tanquam actionem, quae ad foetum, quamdiu in claustris vteri materni retinetur, plane non pertineat. Quicquid enim de aeris subtilitate et penetrandi eius virtute in contrarium moneri posset, *mm*) id tam parum ad euincendam sententiae vel probabilitatem tantum faciet, ut per aquas vterinas ad pectus et pulmones foetus transiatur potius aeris impossibilis, hinc respiratio inde consequutura nulla reddatur. Etsi vero scopus nostrae tractationis minime requirere videatur, ut totius respirationis quaedam nunc addatur expositio, omnes tamen, quaeso, in memoriam reuocent, non pectoris tantum et in eo contentorum pulmonum motum ad faciendam respirationem

mm) Egrege de his somniauit Io. Bapt. Mazini Oper. suor. To. III. de Respiratione Foetus. Diss. VII. Brixiae 1743. 4.

tionem pertinere, sed liberioris quoque nec compedibus impediti aeris accessum. Lubenter quidem cum ROEDERERON) primam respirationem post partum in ea, quae ab externa, corpus grauantis excitatur atmosphaerae irritatione positam esse, largimur, quae et agitationem totius corporis omniumque musculorum, et eorum etiam, qui thoracem mouent, producit. vehementer tamen dubitamus, immo negamus, num causae quaedam sint, quae ad vterum penetrent, similium effectuum auctores futuri. Liberior certe vtriusque pulmonis in thorace situs est, nulla per omnem superficiem, nisi, quae posterius per membranas et vasorum in eos deriuatorum varii generis sit, cohaesio, vda omnis et polita tum pleurae tum pulmonis superficies, ex qua dispositione naturali consequi posset, vt leuissima causa mutationem formae inducere valeat, praecipue, si elegantioris cratis osseae, quae pectus conficiat, et adaptata musculorum concinne adpositorum, conformatio simul perpendatur: ea vero naturalis pulmonum amplitudo, quae totius pectoris caueam sibi destinatam, integram repleat, et quae docente multis argumentis HALLERO o) pleura

n) Obseruatt. med. satura de suffocatis §. 9. Opusc. p. 209. Paulo aliter explicat. Petit. mem. de l'acad. Roy. de Scienc. a Paris. 1733.

o) Haller Elem. Physiol. Lib. VIII. Sect. II §. V. Vol. III. p. 127. Experimenti instituendi

ratio.

ram non deferat, in mortuis natis similiter deprehenditur, ut si aer antea ingressus fuisset, ad hunc sane statum redire pulmo non potuisset. *p*) Haud parum ponderis deinde additur, si coloris, qui in foetus est pulmonibus, et in natis inter se comparatio suscipiatur. Non enim profunde rubicundus, nigricans tantum et fuscus color in foetu inuenitur, ita fere iis, qui frequentiores foetuum et mortuorum natorum dissectiones instituerunt, cognitus et familiaris, ut solo conspectu certissime pulmonem non respirasse, adfirmant, sed densiorem etiam longe et compactionem offerunt substantiam, tactu quoque distinguendam. Quum e contrario pulmo, vnica tantum vice ab aere distentus, vel eius tantum particula quae aërem hausit, rubedini dilutiori admixtam albedinem ostendat, omnemque suum habitum leuem laxum et spongiosum sistat, qualem in adultis deprehendimus, eo quidem modo, ut nulla iterum arte, queat expelli *q*). Haec autem coloris differ-

ferentiam et phaenomena describit ⁷ Lib. de respiratione Sect. III. Vid. *Eius Opera* minora Tom. I. p. 301.

p) Solent quidem omnes pene medicinae forensis scriptores, foetibus mortuis natis pulmones collapsos tribuere, quod vero ita cum nostra conciliari potest sententia, ut collapsi appareant demum, si aperto in sectione thorace exterioris aeris accessus eius tetigerit.

q) Haller Elem. Physiol. Lib. VIII. Sect. IV. §. XXIV. Vol. III. p. 279. Nisi per antliam pneumaticam educatur aer omnis, *Petis*, loc. cit.

ferentia constans est, adeo resistens validioribus
caussis, ut putredo quoque accedens non inspi-
rati pulmonis colorem protinus non mutet r).
Paullo subtilior etiam his accedit nota, quae ex
vasorum sanguiferorum statu in pulmonibus deri-
uatur. Quod enim sanguinis per foetus pulmones
progressus exigit, ut maxima illius pars, propter o-
ualis foraminis adiumentum, ipsum viscus non
atingat, sed praeterlabatur, arteriae aequae ac
venae pulmonales paucam admodum, nec plena-
rio vasa distendentem, copiam recipiunt. Quare
paucus ille sanguis nondum respirantem, multus
vero inspiratum significabit pulmonem. Densam
vero, quam diximus, pulmonum substantiam eam
esse volumus, quae ex morbosa accedente con-
ditione non participet. Infit itaque neque scirr-
hosa quaedam. nec tartarea aut calculosa concre-
tio, et quamvis rarissime in tenerrimo foetus cor-
pore eueniat, ut eiusmodi nascantur mala, quibus
producendis mollissima incrementis corpusculi na-
tura vix faueat, fieri tamen posset, ut immunis non
maneat pulmo, vel fingatur ab aliis ad excutationem
reae talis adfuisse, quoniam morbose affectos pul-
mones et induratos in adultis quoque hominibus
aqua grauiore subsidere viderint HALLERVS rr)
et

r) Büttner in Erörterungen einiger bey Gele-
genheit einer todten unreifen menschlichen
Frucht — die Lungen - Probe betreffenden
Fragen. Königsberg 1745- 4. p. II.

rr) Vidit peripneumonias et sanguinis in carne
pul-

et HAEN s). Nec minus prouidum esse decet physicum incircumspiciendis et attentendis aliis momentis, quae forte obicem respirationi potuissent ponere. Liberam esse peripheriam ubique pulmonis anatome confirmat; spuria nihilo minus ligamenta, aut fibrosa vel membranacea nonnunquam generantur vincula, quae illum totum vel partem eius ad pleuram adnectunt, iterumque ob varias causas facilius in adultis, quam in foetibus. Immo in exequenda respiratione raro aliqua inde percipiuntur incommoda, siue- ro tale quid occurrat, ut adnotet secans necesse est, quum, si infanticidii suspicio exoritur, illae pariter, quae inculpandi ac defendendi vim habent, notae sedulo sint recensendae. Id, quod similiter de omnibus tenendum est reliquis, quae praeter naturam adesse obseruantur, affectionibus, si v. c. collapsus esset, nec rite euolutus aliquis pulmonis lobus. Securus autem erit, qui sic egerit in deducendis inde iudiciis, ex sic dicto cum pulmonibus, quod in foro nunquam omittendum est, ad vitae foetus diagnosin stabilendam, experimento. Cognitum quidem idem in vulgus esse sentio, volo tamen tyronum

caussa

- pulmonum vesiculari effusiones aut scirrhus lymphaticos adeo pulmones mutasse, ut fundum peterent. Opusc. Patholog. p. 29. 31.
- s) Pulmones inflammatos et induratos subsedisse adnotauit in Rat. medend. P. IX. Sect. II.

caussa, quod in illo instituendo aliquando oscitantius actum esse percepí, quum adeo multum celebretur, breuem eius rationem delibare. Peruestigati scilicet studiosius pulmones vtriusquelateris simul cum adhaerente corde eiusque vasis maioribus atque cum glandula thymo caute rescantur et integri adhuc in vas amplum, aqua pura frigidaque plenum blandè impositi immittuntur. Aquae copia ea demum esse debet, quae sustinendis illis partibus par sit, nec scupulosiorem vasis, aquam recipientis, figuram exposcimus. Tunc vero connexa haec viscera aut supernatant, aut fundum petunt. Ne in his etiam fallaciae locus superfit, vterque pulmonum locus denuo separatus integer primo, in minores dissectus partes postmodum eidem, aut si inquinata et sanguine conspurcata fuerit aqua, in puriorem reponitur, quo pateat, num eadem omnibus particulis natura fit, et aequè subsideant aut leuentur. Hoc itaque tentamen ita volunt nonnulli vitae testimonium esse, vt reliquis fere omnibus anteponendum, infallibilem, cui legislatores inhaereant, praebeat normam, alii e contrario tanquam fallax et insufficiens, nisi reiiciendum ad probationem tamen veritatis adhibendum non esse clamitant. Vtramque opinionem perlustrare liceat,

Experi-
menti cum
pulmoni-
bus diudi-
catio.

Qui utrumque suscepti cum pulmonibus tentaminis phaenomenon tum medicis concludendi, tum iuris peritis agendi regulam suppeditare sibi persuadent, eo potissimum nituntur fundamento, ut in natantibus aequae ac submergentibus pulmonibus factae respirationis et antegressae vel denegatae luculentissimum exemplum inueniri autument, praeter ea vero, quum sine respiratione vita esse nequeat, ad absolutam vitae praesentiam concludant. §). Qua quidem in re, si ad adultum hominem res referatur, nulla superesse videtur dubitandi causa, in quo nimirum cum ipso respirationis impedimento vita, breui intercedente temporis spatio, pessumdetur. Utique in his, si aliqua apnoeae causa accedat, ni protinus auxilium adferatur, mortem instare certum est. Sed ad foetum si respiciamus, eiusque viuendi morem perpendamus, aliter longe erit decidendum. Vitam is uiuit sibi propriam, et peculiaribus quoque, ut supra innuimus, fa-

bri-

§) Qui non respirat non uiuit. Richter Decis. Medic. Forens Lips. 1732. 4 p. 360. ubi simul plura, ad hoc tentamen pertinentia ex auctoribus excerpta occurrunt. In genere notamus, nos ea propter citandis multis utique scriptoribus supersedisse, ne lectoribus taedium excitetur, quod in medicinae forensis scriptoribus plurimi allegentur.

bricae specialioris momenti innixam, quae et sine respirationis accessu integramaneat, ut vixisse foetum nec respirare debuisse intelligatur. Num autem idem ille foetus, extra uterum egressus, relicta scilicet, quae eius singularem vitam definiebat, statione, ulterius continuare quaeat hanc vitam magis quaerendum est. Id quod in foro experimento illo confirmari volunt iudices. Verum tamen, quod nunc eam, qua nos utimur, viuendi rationem ingreditur neogenitus, illum respiratione amplius carere non posse, absque omni erroris metu asseueratur. Hinc, dum respirationem cogitur instituere, eam quoque pulmonibus leuitatem conciliabit, quae, ut aquis illi innatent, efficiat, sic ut, extra uterum vixisse infantem, ipso tentamine euidenter probetur, sin vero natum iam infantem, hanc in pulmonibus mutationem expertum non fuisse eadem non innotescat ratione, clarissimum inde fit, ita, quae vitam facere debebant decentem, causas fuisse comparatas, quae respirationi non suffecerint, et pulmones tam graues, quo aqua non sustineantur, reddiderint. Generalis tamen haec contemplatio veram quidem inde elicere conclusionem permittit, quae si nullam dubitandi vel excipiendi relinqueret conditionem, *t*) tam accepta foret medicis et iudicibus,

t) Ut alios taceamus, absolutum inde vitae et mortis haberi testimonium iudicant Francofurtenses. Vid. *Ammann. Praxis Vuln. Lethal.* p. 422.

bus, ut in hac sola observatione reliquis fere posthabitis, esset acquiescendum. Sed inde fallax et insufficiens dicitur esse experimentum.

§. XI.

Fallaciae Natare quidem et in aqua suspensataurium di solent inieci in eam pulmones, si pulmonum. aere, per respirationis organa accedente, replentur, exsoluuntur quasi, et dilatata spongiosa compactaque sua substantia in amplius expanduntur spatium. Quod si in utero eiusmodi excitentur causae, quae hac ratione pulmones afficiant, simillimos sequi debere effectus, utique a vero non abhorret. Quam multiplex et insidiosa sit varia humorum male mixtorum labes, quam diuersae morborum species, ex cachexiae inquinamenti ortae, ex sola venereorum morborum consideratione patet, quippe qui durissima ossa tumefacere et emollire possint, molliorum partium etiam destructiones producere. A quo foedo sane morbo nec immunes esse, hereditate accepta, neogenitos, non infrequens demonstrat experientia. Cui morbo id etiam peculiare est, ut in quodam prae aliis loco manifestiora virulentiae suae offerat indicia, ut, ad pulmones hic vel similis traductus malus succorum character, diruat nativam indolem. Si moriatur in utero talis foetus, tunc etiam natantes pulmones fallacem vitae suspensionem mouebunt, non aëre inspirato sed fermentatione quasi corruptorum succorum

le-

leuiiores redditi. Quum autem fida eiusmodi corruptionis pedissequa putredo sit, quae longe citiorem resolutionem solidarum fibrarum producit, in iis praecipue locis, quae reconditae sunt et generandae putredini aptissimae, et qua simul fixus liberior exsoluitur aer, in superficie corporis putrescentis nonnunquam plenis ampullatisque vesiculis conspicuus, hac sane laxam pulmonis substantiam celerius distendi posse eo minus est negandum, quo luculentius illae in hisce visceribus, putridis conspiciuntur. Perinde autem est, siue aer ille solus siue effusus etiam sit commixtus humoribus, quales in substantiam pulmonum, hydropem fingentes, colligi, vel hydatidum more adhaerentium, bullarum specie contineri obseruamus. Magna porro dubitatio nascitur, si foetus, in vtero adhuc detentus, ad partum pronus, euacuationis, quae eum circum fluebant, aquis, nunc spatiosiore in receptaculo aeris externi accessum non arcente respirauerit, et hinc pulmonum massam rariorem, et natatilem effecerit, prius autem quam partus absoluat, in ipso hocce loco mortuus fuerit. Nec absque omni probabilitate casus est, siquidem foetum diu aliquando in vtero retineri et ob varias corporis aut sui aut materni conditiones difficulter demum expelli, demonstret experientia. Immo, ita quidem iam factum partum esse supponamus, ut caput, quod iam exiit, vel vteri spasmo, vel funiculi vmbilicalis contorsione, stranguletur, tunc pulmonis, aere distenti, ex-

perimentum vim, ipsi adscriptam in definienda sententia reddet insecurem. Notatu quoque dignum est, pulmones aliquando ita fuisse inuentos, ut ex vna parte tantum natauerint, ex altera vero protinus fuerint submersi, quorum itaque ambigua sit futura diagnosi, quae ipsam veritatem titubantem efficiat. Quibus si addatur, quae pariter animaduersa sunt, et quale HEISTERI exemplum est insigne, *u*) foetum in utero diu haerentem, liuidum et putridum, nigricantes pulmones habentem, hos tamen in aqua natantes praebuisse, etsi de eius morte in utero nulla superesset dubitatio, tunc quo minus ex pulmonum statu vitae indicium sumatur, omnino sequi videtur. Tandem, si protinus post partum, dum deesse signa vitae in motu et respiratione deprehendenda, obseruentur, ad refocillandum foetum, adhibito artificio quocunque modo aer in pulmones protrudatur, tunc quod illi hac ratione expandantur, fieri contendunt, ut noua oriatur ambiguitas, quae efficiat, ut vere mortuum natum viuum et respirantem fuisse adsumatur.

§. XII.

Refutatio. Haec autem aliaque, quae passim huic obiici solent tentamini, argumenta, ex quibus maioris momenti visa quaedam tantum decerpimus, tam valida esse credunt medici

u) Diff. de fallaci pulmonis infantum experimento. Helmstad, 1732. p. 20.

dici nonnulli et iudices, ut abstinere malint ab eodem, quam insufficiens admitti. Sed salua res est, quum in eo saepe haereat culpa, ut quibus inquirendorum corporum datum est officium, omnia, quod ab iis exigitur, vndiquaque occurrentia momenta eo sane studio, eaque cura nec collegerint nec rite pensitauerint, quae difficultatibus et fingendis defensorum argutiis omnem praesciderint occasionem. Humororum nostrorum partes facillime fatiscere, et nouas corruptiones facere nemo, qui medicam artem tractat, quamuis neget, negabit tamen signa in viuo, multo magis demortuo corpore non adesse, quae similis labis praesentiam manifestent. Has itaque, si secans praetermiserit medicus, nec adnotauerit fideliter, pulmonis experimento soli confisus, non experimento, sed sibi facit iniuriam. Et quod ad venereum pertinet malum, illud, vtut in dedecus humanae gentis et summum reipublicae damnum frequentius nunc ac olim, nunquam externis destituitur indiciis, quin valde dubito fore, ut speciarim pulmones aggrediatur, eorumque compagem sit laxaturum, ut aquis supernatent, potissimum in foetu. Putredinis vero vix coercenda progressio facilius deteriores valeret, producere effectus, nisi experientia declararet in clauso adhuc pectore pulmones diutius intactos ab illa seruari, ac putatur. Cuius rei experiundae causa, tum ab aliis, me peritioribus, tum a me ipso, data opportunitate, reiterata facta sunt tentamina.

tamina. Sic enim ad finem iam praecedentis seculi, AVG. QVIR. RIVINVS et CHRIST. IO-ANN. LANGIVS, vterque Lipfici medici celeberrimi, quum dubitaretur, num pulmonum submersio a morte foetus dependeat solum, vitulinos pulmones, ex viuis vitulis desumptos, alios terra recondere, alios in aquam submergere, alios aere exsiccare iusserunt, vsque dum toti foeterent et putrescerent, nec in iis natandi facultatem ablata fuisse deprehenderunt, idque ea propter ab iis institutum est, vt contrarium demonstraretur; siquidem concludant, dum pulmones respirantes et natantes nulla ratione possint ad subsidendum disponi, nec subsidentes vt emergant, mutatione introducta cogi posse, x) Quod si in hac demonstratione inesse quaedam non negemus, quae non omnem dubitationem eripiant fidem sane merebitur HEBENSTREITII nostri y) cuius memoria et exteris et academiae nostrae et mihi semper adhuc sacra est, auctoritas, qui mortuorum in vtero foetuum humanorum pulmones, data opera ad summum putredinis gradum prouectos, semper demersos vidit, BOHNII quoque consensu adiutus. Et quis refragetur, qui cum multa non solum solertia, sed aequae adhibita singulari cum prudentia instituta

lege-

x) Vd. *Ammann. Prax. Vulner.* 425. *Richter l. c.* p. 371.

y) *Anthropolog. Forens. Sect. II. membr. II.* §. 28. *Ludwig Instit. Med. Forens. §. 248.* fqq.

legerit experimenta HALLERI z) in viuis capta et mortuis, ex quibus vnicum adducere liceat, quo infantem tertio post mortem die repertum, tempestate calidissima, totum putridum, pulmones continuissè subsidentes obseruauit. SCHMIDELIVS deinde ex foetu, qui per tres menses in cloaca latitabat, vbique praesentibus manifestis putredinis signis cum foetore insigni, liquore, etiam cruento in pectore pulmones continuo alluente, inuento, hos densos, sanissimos, altero adhuc die subsidentes notauit. IDEM pulmones ex foetu defuntos, qui ex defunctae matris utero mortuus exsecabatur, quinto a matris mortis die subsidere vidit, deinde autem vtrumque et sinistrum decimo sexto ab immisione die supernatare a). Conueniunt quoque obseruationes IAEGERI, qui ex mortuo foetu, putredinis indicia copiosa offerente, pulmones, aquae inditos, constanter fundum petere animaduertit, redeunte submersione, quum aqua turbida sanguinolenta renouaretur, et per octo et ultra dies ita subsistere. In alio post quinquaginta dies nondum emergere coeperunt, iterumque alium adducit, in quo

E. 4

putri-

z) De Respiratione Lib. Sect. IV. de pulmone foetus et animalium submersorum. Opp. minor. To I. 320. seqq. Eadem experimenta prostant in Commentar. I. de formatione pulli.

a) Diss. de Pulmonibus natantibus. Erlangae 1763. §. V. p. 8.

putrida licet in aqua detentis pulmonibus, per viginti quinque dies in fundo vasis restitasse eos accurate perspexit *b*). In meis tandem, eadem ratione institutis tentaminibus, quae vberius describere, quod cum iam adductis plurimum conspirant, iſe taedium lectoribus enascatur, nolo, desumpti scilicet pulmones partim ex mortuis recens natis foetibus, integris nec vlla labe adfectis, partim etiam ex iis, quae iam externas resolutionis putridae notas eminentes offerebant, semper mox ad fundum, in aquam immissi, abierunt. Integros autem lobos, vel minora tantum eorum frustula, ita diuisi, vt vel in eadem, in quam primo proiecti erant, aqua sanguine et putredine licet conspurcata, retinerentur, vel noua, qua abluebatur putridum coenum, adfusa, repurgata seruantur, semper tamen descendere et in fundo detineri obseruaui, vsque dum tandem summa putrilagine resolutis quibusdam enatare necessum fuerit. Cui nihilominus sedulo, ne aquae sufficiens copia desideraretur, vel alius in obseruando error immisceretur. Omnes itaque, quibus haec nouis confirmandi exemplis sit opportunitas, hortor atque precor, vt eam sibi eripi non patiantur, siquidem hac tolli animaduersione crediderim de putredinis effectu in

b) Conf. *Christ. Frid. Jaeger* Obseruatt. de foetibus recens natis iam in vtero mortuis et putridis. Tubing, 1767. p. 7. 10. sqq.

in pulmones dubitationem, securum potius constansque exhiberi de vita foetus criterium. Id solum adiicere liceat eas nondum indubias reddi historias, quibus partem quandam pulmonis natasse, alteram non aequè probatur vel adducitur. Huius rei rationem, si in experimentis, per tempus continuatis, contingat, in macerationem conijciendam cum SCHMIDELIO *c)* esse opinamur, si in legali cadaueris dissectione, dum studiosa disquisitione accedentium conditionum effectus detegi, prout KALTSCHMIDIVS retulit, qui pulmonem sinistram infantis, post octo a partu dies nondum aere distentum, immo in aqua submergentem miratus, a bronchiis sinistri pulmonis viscida pituita exacte obstructis id effici reperit. *d)* Quare omnes concident protinus contra natantes pulmones excitatae exceptiones, si prout supra §. IX. praecepimus, secantes nihil intactum relinquant, quod vel leuissimam, multo magis grauiorem, cuiuscunque morbi causam designat. Aeris autem ingressus in pulmones ante partum eos expandendo certissime obstaret experimenti veritati, si, quae a multis adsumpta est sententia, et quorum magnam, sic statuen-

E 5 tium

c) Loc. cit. §. XI. p. 19.

d) Progr. de experimento pulmonum infantis aquae iniectionum, adiecta obseruatione anatomica de dextro infantis lobo aquae immisso supernatante. sinistro fundum petente. Icnæ 1751. 8.

tium cateruam adducit HALLERVS, e) eam pariter non plane abnegans, firmissimo infisteret talo. Praeter enim id, quod ROEDERERVS f) adeo necessariam pectoris ad respirationem dilationem in vtero impossibilem iudicet, varia experientia suffultus capite iam natos non respirasse conspexit. Quod itidem de vagina, intra quam haeserit foetus, valet, quae non arctissime tantum foetum cingit, sed etiam, si, vt in priori casu, retardet partum, videtur manibus egere auxiliatricibus, quibus clanculum parientes destituuntur. Abseondita quidem in mortuo nato pulmones natantes illustratura ratio est, in observatione Heisteriana, sed quoniam et multa exstabant putredinis signa, et multo quoque labore protrahi debuit, nec sponte nasci foetus, vereor, vt vnquam in foro exiturus sit eius modi casus, qui similia ostendat, quid, quod praeter eam nati faculatem de omni reliquo pulmonum statu

e) Elem. Physiol. Lib. XXIX. Sect. IV. §. LV: Vol. VIII, p. 399. Rarius nimirum foetui in vagina eam potestatem esse adserit, neque nisi fauente cum robore situ foetus. In Opp. Minor. To. I. p. 337. autem, obiectionem hanc subtilem magis quam seriam pronunciat et credit, matri infanticidii recte vnici illius casus probationem incumbere, in quo infans in transitu per vaginam mortuus sit.

f) Obseruat. sat. de suff. §. 10. Opusc. p. 313.

tu viscerumque aliorum habitu relatum legatur nihil. Parum tandem in contrariam nos abire sententiam persuadere potest studiose suscepta pulmonum inflatio. Qui enim secum perpendit, difficulter haud raro primam institui spontaneam neogenitorum respirationem, propter varia ad eam producendam superanda obstacula, quibus in primis a debilibus natis, etiam si studiosissima subueniens illis opera adhibeatur, quod itidem ROEDERERVS g) confirmat, resisti nequit, qui- que porro cogitauerit, in his profecto feminis, quae clandestino partu foetum edunt, eumque abscondere magis quam ad vitam reuocare malunt, ut ea solertia adhibeatur, vix praesum, nec protinus post partum, quod tamen tempus esset conuenientissimum, a sola matre, adhuc a partu vehementer debilitata, praestari posse, in rigido et emortuo infante autem plane irritam euadere, is praetendi magis ad excusandam ream hoc argumentum, quam ad experimentum insufficiens demonstrandum pertinere, intelliget.

§. XIII.

Fallaciae
subsiden-
tium pul-
monum.

Ex altera nunc parte, eae consi-
derandae sunt conditiones, quae
pulmones ita disponere valent, ut
ex cadauere resoluti, et aquis im-
positi, ad fundum vasis dimittantur, cui quidem
obser-

g) Loc. cit. Opusc. p. 365.

observationi similiter decipiendi vim inesse autumant. Quamvis enim nemo fere audeat inficari, naturalem illam nondum respirantium pulmonum densitatem eam esse, ut ob pondus expulsaе, cui superimponuntur, aquae ab ea sustentari nequeant, accedere tamen arbitrantur causas, quae attentionem mereantur et iudicium inde ferendum limitent. Est itaque in debilibus praecipue neogenitis, ut putatur, talis aptitudo, quae impediat, ut licet viui exclusi sint ex utero, spiritum tamen non trahunt, nec respirationem instituant. Cui quoque sententiae egregie fauet antea prolata animadversio et alterum HEISTERI *h*) exemplum, in quo per nouem horas viuens et aliquantulum vagiens infans, post mortem pulmones subsidentes exhibebat, manifesto indicio, vitam recens nati ex eiusmodi pulmonum statu male et ambigue declarari. Impediri porro recte iudicant ex similibus non solum causis, sed etiam ex inhaerentibus variis morbosis concretionibus et inde deprehendendis pulmonum indurationibus natationem, vita licet praesente et respiratione facta. Hanc pariter irritum deberi effectum suscipi, si mala conformatio et clausura laryngem afficiat, vel si eiusmodi in suffocatis ad pulmones quantitas sanguinis restagnet, quae nimium replendo eorum substantiam praeter consuetas naturae regulas eos graues efficiendo et subsidentes in aqua, vitae, cum qua natus erat embryo, obicem producat.

§. XIV.

Refuta-
tio.

Confitemur sane nec hisce, per se consideratis obiectionibus, gravitatem deesse, quae ad demonstrandam infantis vitae ineptitudinem facere videantur, nisi curatius pensitatae docerent, plus tribui huic periculo ac decet. Quicumque enim debilem natum esse volunt infantem, non adstruere, sed confirmare debent opinionem. Totius corporis dispositio, membrorum habitus et viscerum reliquorum indagatio, quae notas offert plurimas, a physico relatas, facile, num recte illa supponatur debilitas naturalis, declarabit. Rectissime hinc et accommodate iudicat MORGAGNVSⁱ⁾ priusquam ex pulmonum subsidentia arguamus, mortuum infantem editum esse, iudicia magnae eius imbecillitatis quaeremus ex matris praegressis aut praesentibus etiam nunc morbis, ex partus difficultate, ex cadaueris ipsius infantis constitutione, aliisque eiusmodi: quorum si nulla sint, neque aliud obstet: quin mortuus emissus fuerit, non dubitabimus. Quare alia ad medicum alia ad iudicem referuntur, quae si cuncta simul non iunguntur, in se non sufficiunt. Ob hanc etiam causam pulmones dissecare praecipimus et singulas eius particulas rimari, quod in

ex-

i) De sedib. et causis morbor. Lib. II. Epist. XIX. art. 46. To. II. p. 113. Edit. Lugd. Batav.

exemplo HEISTERI factum non esse dolemus, ut ea propter de veritate eius decernere non audeamus, aut eam tanti habere, quae aliis omnibus solum contradicat uti iam monitum ab HEBENSTREITIO fuisse deprehendimus. k) Si autem a morbo grauis reddatur pulmo ut in aqua mergatur, oscitantiam defendere physici secantis nolumus, quin ipsi culpam adscribere debemus, incuriae et neglectae disquisitionis. Siue nimirum vel totum occupet pulmonem labes, vel partem, illa eius effugere non posset sollicitudinem, in referendis etiam momentis, quae, ut mox monuimus, ex partibus dissectis habentur, admodum solertem. Eadem itaque adserimus de organicis vitiis, a perito anatomico detegendis, nec non de muco, qui asperae arteriae itinera praecludit, vel de quibuscunque demum aliis causis et tumoribus, in vicinis locis vel ipsa trachea adsurgentibus et respirationem supprimentibus, quorum effectuum omnium vis, iusta ratione aestimata, experimenti egregiam suppeditat explanationem. Fieri tamen potest, ut, si v. c. mox post partum in aquam, vel cloacam praecipitur natus, illi prius, ad respirationem quam deueniat, eius instituendae facultas adimatur, et pulmo vitae defectum indicet, in quo iterum casu, ob factam suffocationem, signa alia inueniri debent, quae vitae iam praesentis efficaciam

com.

k) Anthropolog. Forens. Sect. II. Membr. II. cap. II. §. 26.

comprobent, ex quibus accumulatus et protrusus in vasa pneumonica cruor est. Vnicum tandem et grauius forte illud est momentum, quod partim ex inflati et natantis, partim ex densi et submergentis in vno eodemque cadauere pulmonis lobulis depromitur, cui et affirmandae et negandae vitae potestas sit adscribenda, prout supra §. XII. docuimus. Egregie admodum decipiuntur ita sentientes, quod nolint secum reputare, respirationem inceptam fuisse in iis, quibus vel vnica pulmonis particula inflata distenditur, eamque viribus vitae praestitam, etsi completa illa, fractis protinus iisdem viribus, euadere non potuerit; has vero vires scrutari et metiri si nequeat physicus, multo minus definire et ex phaenomenis coniecere, ad iudicem res redit, vt explorationi causarum inhaereat, ex vario saepe fonte promanantium.

§. XV.

Genera-
lis inde
conclu-
sio.

Saepius quidem a nobis dictum est, in vnico vix acquiescendum esse pretiosissimae vitae hominis definiendo signo, quare nunc eadem de tentamine, cum pulmonibus foetus instituendo, profitemur, quae vero certo inde consequuntur, ex collatis inter se omnibus, libere docebimus. Apparet nimirum, sine aeris atmosphaerici accessu pulmones nec distendi nec natare, sed subsidere
in

in aqua, hic vero, quod in pulmones sua sponte non irruit, siquidem alias nullibi collapsos perspiceremus pulmones, nisi praecedat thoracis, eum inuitans quasi, motus, quem sola natura, causis vitae compositis vtens, perficit, cum aliqua firmæ stabilisque sententiae persuasione iudicamus; natantem pulmonem indicium vitae post partum, subsidentem mortis esse testem. Nec errorem ab iis suspicamur committi posse, qui hanc tuentur sententiam, dummodo causas, quae vitae perfectionem, durationem aliasque circumstantias determinant, quarum nunc praecipuas adduximus, sedulo perscrutentur, digerant et veritatis indubiae perfectiorem conciliare perspicientiam non refragentur. Vt summa ergo physici attentio esse debeat, iam repetere non opus est, sed vt summa quoque iudicis esse debeat ne infanticidium perpetratum credatur, vel negetur, simul euidenter noscitur. Sicut namque nullus iuris peritorum in causâ ciuili eum confestim reum iudicabit, qui vnico, nec satis probato momento, legi contrarius egisse inculpatur, sic in causâ sanguinis et criminali, toti rei publicae maxime damnosa, suspicionem, quin ex omni parte confirmatae veritatis signum acceperit, vitae poenam infligere vix arbitrabitur. Praeuideo etiam, non nullos hanc limitationem, a nobis additam reprehensuros esse, quod multos labores requirit et indefessum studium, eos tamen in re dignissima praenium bene actae

con-

conscientiae reportantes, quae summa est felicitas, acquieturos confido.

§. XVI.

Genera-
lis capi-
ris disqui-
sitio.

Nondum autem suo fecit officio
satis physicus, si etiam haec cuncta
exegerit, quum in nobilissima capi-
tis officina supersint conquirenda ad

vitam determinandam indicia, quae cum prio-
ribus tandem rem conficiant. Itaque peruestiga-
ta eius figura, quae non raro solet de difficultate
partus luculenter testari, ex varia scilicet com-
pressione, obliquitate, sugillatione et sic porro
cognoscenda, remotis deinde exterioribus inte-
gumentis, in primis, si serum illud sanguinolentum
in conspectum veniat, cuius mentionem fecimus,
1) circulantium humorum et vitae ante partum,
non aequè inde manifestum habebit signum.
Fracta et depressa ossa, sicut certo mortem
inferunt, ita violentiae exterioris accedentis
indubium documentum praebent, etsi male sit
acturus, qui laesiones eiusmodi semper a parientis
arbitrio deduceret. Non deficient autem ob
vasorum exteriorum, hic decurrentium, copiam
notae haemorrhagia exhaustorum canalium.
Quum etiam aliquando in vulgus soleat recenseri,
acicula, per fonticulum impacta, necari neogeni-

1) Vid. Diss. I. §. XIII.

genitum, spongia illum repurgatum disquirere conueniet, si id factum fuerit, tunc sinus durae matris, et profundius immissa acicula etiam corpus callosum offenditur, quod vtrumque mortiferum esset. Durae deinde matris, itidemque piaae vasa sanguifera, sicuti, sanguinem dum continent, vitam declarant, ita nimium repleta, aut magis rupta, facta ecchymosi suffocationem indicant. Animaduertimus autem eo loco, quo exterius, praecipue in iis, qui difficili partu editi fuerant, sugillatio aderat, vasa quoque interiora non raro sanguine accumulato magis turgida apparuisse, quod etsi multa inde concludi nequeant, nobis tamen vitae actionem designare videtur. Molle praeter ea neogenitorum est cerebrum, immo, si putredinis externae vestigia detegantur. partibus reliquis internis adhuc intactis, facillime corrumpendum, fluxile, vt aperto cranio pultis in modum sponte effluat. In quo nisi sanguinis, ex vasis effluentis, magna quantitas immixta conspiciatur, quae ruptorum vasorum suspicionem faciat, vix internarum partium conueniens aliqua disquisitio poterit institui. Quare collata reliqua, in cadauere obuia, phaenomena, hoc demum ad ferendam sententiam confirmabuntur. Si tamen sectionem ferat encephali substantia, cognita eius natura integra, pari ac in reliquis visceribus modo, rectae, in utero factae, nutritionis documenta exhibet. Ventrículos eius in statu naturali vacuos et rore tantum.

tum humectatos esse decet, itaque si in eos, vel utrosque laterales, vel alterutrum, vel magis in tertium quartumque effusae aquae portio inueniatur, quod etiam suffocatis fit, si nullae aliae notae praesto sint, ad iniuriam, in vtero passam, declarandam inferuiunt. Aliquando haec non solum loca, sed medullam etiam spinalem et basin cranii, quorum locorum nullus est negligendus, occupat sanguis, qui soperoso et apoplectico morbo ortum suggerens, lethum faciat, ut ad efficientem causam admodum attentum reddat physicum. Siquidem dubitari non possit, eum sanguinem exiuisse, praesente adhuc et durante vita, quam, si respiratio accesserit, etiam post partum continuasse, in aprico ponatur. Quam insidiosa enim vitae sit sanguinis effusio in cerebrum, et quam cito, docet apoplexiae sanguineae ex ruptis vasis cerebri occidendi celeritas. De vulneribus encephalo inflictis, et de ipsis cranii ossibus etiam in basi laesis, fissis aut fractis iam nihil vltius monemus, quum de eorundem efficaciae et vitae subsequente suppressione omnes chirurgorum libri exponant, et, ut antea notauimus, abunde externae vis adhibitae significationem prodant.

§. XVII.

Idem fa-
cium.

Superest et tandem faucium et
interni oris caui indagatio, quippe
E 2 per

per quod adpharyngem et laryngem via patet, quam detestanda infanticidarum astutia quandoque obturare dicitur, ad respirationem, si fieri posset, praecauendam. Fatemur autem, num protinus a partu, si sola pepererit femina et clam, et prius ad respirandum aptus sit neogenitus, hoc possit contingere, nos subdubitare, eo potissimum permoti argumento, quod sub ultimis partus moliminibus in ecstasi quasi constituta pariens vix idonea sit ad celere eius modi consilium capiendum et exequendum. Meminimus quoque, nos coenum et quisquilias, varii generis in ore recens natorum reperisse, quibus non obstantibus pulmo respirauerat, nataueratque. Sin nihilo secius contigerit, aliae in consilium vocandae sunt conditiones in cadauere conspiciendae, quo pateat, num respiratio et vita hac sola, vel ab aliis causis fuerit intercepta. Certius profecto intelligetur, num mucus, nimium in oris cavitae accumulatus, num incongrua conformatio suffocationi fauerit. Quandoquidem et hic collo obtorti funiculi umbilicalis, aut alius compressionis diagnosi perfecta habeatur, nec aliunde de rationibus, supra §. XIV. adnotatis, constabit.

§. XVIII.

Vitae debilis determinatio,

Quae itaque a nobis expositae sunt externae atque internae, in cadauere foetus et neogeniti obseruandae notae, vitae quidem certitudi-

tudinem reddent, nolumus tamen hunc locum deferere, prius dubitationis causa quaedam quam fuerit remota. Diximus nempe debiles quandoque nasci et imbecillos, quibus non inesse supponitur facultas et robur, quod ad vitam ulterius ducendam requiritur. Hinc autem a medico forensi non raro postulatur accurata admodum et determinata virium potestatis definitio; quum is, qui viventi intulerit iniuriam, qui protinus ipse vivere desisset, poenam, quam vitam extinguens validiorem meretur, luere non debere videatur, est autem tunc imbecillitas nativa, ex variis conditionibus noscenda, ex ipsa nempe corporis plenitudine, nutritione, perfecta membrorum conformatione, deinde ex iis, quos in partu ipso perpeffus est, laboribus foetus, immo si ille scitur, ex matris statu sanitatis, denique ex viscerum internorum integritate, tandemque ex conditionibus illis, quae post partum accedunt. Et si nunc de omnibus differere nequeamus, et pleraque ex supra adductis intelligantur, id tamen certum est atque indubitatum, quo plures in cadavere neogeniti inspiciendo et secundo earum causarum signa occurrunt et seorsim perpensa ad universam vitam conspirant, eo tutiorem fieri ad vitam conclusionem. Non una enim causa vitae est, sed multiplex et composita, quam homo nunc demum natus requirit, si sufficere debeat exequendis functionibus singulis et praestando ulteriori incremento. Quicumque hanc

ademerit homini potentiam vel fregerit decentem
causarum impetum, is vitam abstulit et est in-
fanticidii reus. Denuo tamen monemus, prae-
rogatiuam inesse sanguinis viis, quibus circulatio
praestatur, et respirationi, in vtrisque scilicet
actionibus, si impedimenta sunt, vita deletur.
Cum fiducia ergo concludimus, qui respirat, vi-
uit, licet oppositus status limitationem admittit,
et porro, qui non respirat neogenitus, extra
uterum vivere nequit. Deinde qui respirat, e-
ius pulmones, instituto experimento, natant,
a labe si immunes sint, et culus non natant, sed
merguntur in aqua, eum non respirasse iudica-
mus. Quare vitae debilis et sufficientis hoc te-
stimonium, a secante confirmandum est per de-
monstrationem illarum conditionum, quae vitae
normam stabiliunt, ut inde iudici pateat, num
vitae intermissio a natura vel aliunde arcessita fue-
rit. Attamen et hic a medico plus, quam fie-
ri aliquando potest, ut protinus declaret, existi-
tur, siquidem aliqua, ex actis iudicis, si debita
cum assiduitate instruantur, colligi et curatius
definiri debeant, nec non deinceps a collegiis
medicis, collatis omnibus inter se documentis,
distinctius doceri, vera ut de vitae natura constet.

§. XIX.

Conclu-
sio.

Interim, ut, quae nunc dicta sunt,
contrahamus, in diiudicanda vita
foe-

foetus et neogeniti medico forensi eodem, quo in morborum diagnosi vtuntur clinici, more procedendum est, quo signorum non tantum eorum quae praesentis, sed etiam, quae antecedentis status significationem habent, comparisonem instituat. Sic enim, quam laboris plenissimam esse apparet operam, facillimam sibi reddet. Ita namque comparatae non raro sunt, inspectioni et anatomiae cadaueris dicata tempora et conditiones reliquae, vt promptum eius et expeditum laborem cupiant, quibus ipsis tamen sese accommodare discet, si in externis aequae ac internis signis dispiciendis praetermittat nullum, quod ad expiscandam veritatem pertinet, et ad corpus, quod vocant, delicti certissimum reddendum. Constare scilicet debet de vita, num adesse potuerit, debuerit, et quibus ex causis abierit. Laetabimur, si ex apertis nunc riuulis haurire et exsatiari possint egentes.

XVI.

DR. ERNESTI GOTTLOB BOSE.

Progr.

De

Iudicio vitae ex neogenito putrido.

Lipsiae, 1785.

Quum data hac scribendi necessitate in dissertatione inaugurali de morte foetus eiusque diagnosi differemus, in mentem venit disquisitio sententiae. num in corpore putrido, quod ob hancce rationem certissime pro demortuo est habendum, in primis si de vitae eius antecedente quaestio mouetur, possint inueniri notae aliquae, quae vitae praesentiam reddant indubitata. De neogenito tantum sermonem esse, vix opus esse arbitror, vt moneam, quum de enecato adultioris corpore, num vixerit, qui quaerere sustineat, puto esse neminem. Multae quidem causae sunt, quae neogenito adimere potuerint vitam, in ipso non solum partu, sed etiam dum is, ex vtero dimissus, nobiscum in communi aere vitam continuare debet. Aliquae ex his dolosae vel culposae. aliquae non aequae. De singulis iudices quaerunt, iudicio potissimum arbitrioque medicorum con-

confirmati, et poenas iis, qui merentur, decernunt vel remittunt. Sed, quod iis, si, infanticidii reae accusantur, multum interfit, nosse ex argumentis firmis, num viuis aliquis natus sit nec ne, plerumque ea solent defendi ratione illae, quae in culpa versantur, ut, qui earum partes tuentur caussarum patroni ad putredinem, corpus delicti incertum reddentem, lubentissime prouocent, eo sane fine, quod documenta, vitam consilio vel intentione, immo ipsa re deletam esse, demonstrantia, ambigua atque minus animaduersione digna reddant. Quod quidem eorum consilium etsi ex omni parte improbandum non esse videtur, quod in causa sanguinis mitiorem, si fieri potest, amplectendam esse sententiam omnes boni iudicant, meliusque putetur, liberasse fontes ac damnasse innocentes: tamen veritatis inquirendae causa nihil omittendum est, quod ad eam dilucidandam quidquam conferre potest. Largimur utique, foetum cum putredinis signis ex ipso utero emissum, quum vita cum putredine non subsistat, pro vitali nunquam esse habendum, atque hinc de eius morte dubitationem quoque nuspiam iri motam; verum, quia de iis foetibus, quorum in foro disquisitio suscipitur, plerumque non constat, an recens nati fuerint, an per aliquot tempus asseruati demum putredinem contraxerint, necessum est, caute circumspicere, num non obstante hac putredine obseruata, quaedam de vita eorum, post partum sci-

licet superstitie nec ne, queant declarari. Partus immaturus in hac perſcrutatione eam ob rationem in cenſum non veniet, quo ex eius magnitudine, membrorum conformatione, imperfectione, aliisque ſimilibus conditionibus iam patet, vitalitate ſic dicta eundem carere. Nec facile credendum eſt, tali violentas manus inferri, partium incremento vitam extra uterum continuare nequit. Quo magis tamen ad maturitatem acceſſerit, a ſeptimo ſane ad nonum geſtationis menſem uſque, eo magis etiam is, ſi conueniens ipſi adhibetur cura, ad ulterius pertexendum vitae ſilum diſponetur. Sed de eodem tunc aeque ac de maturo et perfecto foetu idem erit iudicium, illudque ex fundamentis certis atque in ipſo indagando corpore inueniendis, deſumendum, quandoquidem in cauſſa ſanguinis nihil eſt committendum, quod vel ſcrutatori in opprobrium, vel reo in detrimentum aut fauorem vergat.

Obſtare tamen poteſt, in certitudine facti ſtabilienda ea propter impediri diſquirentem, quod a putredine, iam nata, eiſmodi partium deſtructio proficiſcatur, quae efficiat, ut decentem et naturalem earum indolem amplius dignoſcere nequeamus, ex quo conſequatur, fallax eſſe fierique iudicium. Sed, qui ita ſentiunt, eum videntur putredinis gradum praefumere, quem ſummum dicere conuenit, quique omnem partium com-

compagem soluerit, vincula naturalia et cohaesionem labefactauerit, foetidissimam induxerit fracedinem, carnes emolliuerit, ossium nexum destruxerit, viscerum habitum eo laceffiuerit modo, vt diffuens illorum materies nihil discernendum relinquat. Nec diffitemur, nobis aliquando eiusmodi neogenitorum cadauera fuisse oblata, in quibus eadem euenerint, quae corporis destructioni definiendi omnem propemodum eluserint operam. Limites tamen quum habeat putredo, ea tantum medicum forensẽ in determinanda vitae, quae adfuerit, veritate conuincet, quae aliquas, et a putredine facillime corrumpendas partes tetigerit, nec plene eas destruxerit, quin potius earum rite dispiciendarum reliquerit copiam. Etenim quotidiana docet experientia, carnes vel alias partes animalium, liberiori expositas aeri, non totas mox putredine colliquescere; sed lente ab initio solui, facta deinde maiore solutione integras demum destrui, itidem in cadaueribus, in viis quandoque publicis occurrentibus obseruatur, quare idem de humanis quoque valebit corporibus. Diuersa nimirum partium, corpus nostrum constituentium, compages est, firmior laxiorque cohaesio, mollities, durities, flexilitasque admodum discrepans, quarum singula pro determinato cohaesionis gradu maiorem minoremque exserit resistantiam, quae a putrilagine non protinus vna eademque afficitur ratione. Hinc elucescit, in iis cadaueribus, quae subiiciuntur

untur legalibus inspectionibus atque perferuationibus, leuioris putredinis corruptione tactis, supèrèsse partes aliquas posse, quae ad dilucidandas conditiones, vitae post partum praesentis indicia adhiberi queant. Non membrorum proportionem hic memoramus, quae num maturitatem suam assequutus fuerit neogenitus, nec ne, immutata a putredine permanens distincte significat, quum ex solis superstitionibus ossibus eorundemque comparatione instituta, aetatem foetus declarari iam posse anatomicos non lateat. Illa suspicionem quidem mouebit, foetum ob id, quod perfectus ex vtero exiuerit, ad partum usque viuum supèrèsse potuisse, praesertim, si capillis in capite, vnguibusque digitorum pedumque, nec non capite membrisque extremorum perfectis instructus, partium suarum plenitudinem roburque ostendit; at num extra vterum vixerit, inde vix intelligetur. Id etiam multo minus certitudinem largitur iudicii, si, quod nunc supponimus, per varias causas natus sit putridus eius status, qui notas hasce accedentes delendo eo magis reddiderit fallaces.

Varietas autem diuersorum graduum putredinis, eiusque eminentiae multum cum illis conspirat causis, vnde haec suam accepit originem. Si iam in vtero vita decesserit embryo, nullus mirabitur; eundem in lucem editum, facillime atque citissime dissolutum iri, si nimirum euentui

respondent fauentes tempestatis conditiones. Aestate et vehementer calido tempore demortua animalium cadauera mox corrumpuntur, in febribus putridis, petechialibus, ipsaque peste celerissimam exoriri putredinem, confirmat observatio, testatur immanis exhalans mephitis, idonea propagandi miasmatis spargens feminia. Coniuncta itaque potenter agentia haecce momenta cum inhaerente putredinis causa feliciorum magis destructionis producent effectum, qui in calido et pene feruente utero, quo mortuus detinebatur foetus, egregium sumserat initium. Hyemali quidem tempore et frigore rigente bruma, qua solidae aequae ac fluidae animalium partes, calido destitutae motore, arcentur a putredine, effectus ille longe erit lentior, sed euidentior quoque et magis furens facta iterum tempestatis. Quare ipsius tempestatis notitiam habendam esse ad veritatis genuinae explanationem inde patescit. Si porro, quod non raro solet contingere, neogenitus terrae mandatus, per aliquot dies ibidem detentus, tandem demum iterum effossus, scrutinio offeratur, in primis, quod nudus plerumque sepeliatur, hinc humidioris terrae virtuti et destructionis minis obnoxius fiat, egregiam nanciscetur opportunitatem, augendae putredinis et corporis delicti ambiguitatis. Plurimum efficaciae quoque additur, si recens natus in aquas proiectus, intercedente demum aliquo tempore inuentus fuerit atque protractus.

tractus. Arbitramur autem, ipsarum aquarum diuersitatem esse ponderandam, aqua scilicet pura, clara, semperque mota afficiet quidem vehementerque emolliet cadauera, sic, vt eadem ex naturali gravitate atque pondere antea subsidencia, succedente tempore, utpote leuiora reddita, surgere atque levare videamus, tamen, si ex hac eripiantur, teste dissectione, ea, quae corporis superficiem cingunt, integumenta potissimum, minus subiectas partes statim labefactatas comperimus, vt earum disquisitioni et diiudicationi exoptatus supersit locus. Impura e contrario, stagnans, putris et ex affluentibus similibus inquinamentis foetida atque paludosa aqua prout liberaliter porrigit suam indolem corporibus, ita quidem, vt pisces stagnorum squalidi putrilaginem olere deprehenduntur, ita demortua magis corpora in sui trahit consensum. Quam obrem educi ex his neogeniti breui macerati quasi et fluxiles inveniuntur. Penes beneuolos tandem esto lectores iudicium, qui sentiant de foetibus, in cloacas, foeculenta lotiique spurcitie refortas, quales in magnis plerumque urbibus diu clausas, fermentationi aut euolutioni putridarum molecularum apprime accommodatas, deprehendimus, viuos aut mortuos proiectis, quos pauco interiecto tempore tantam subire mutationem aliqua nobis oborta exempla declararunt, vt in his aegerrime quidquam detegatur, quod vel vitam

anteactam praeter mephitum subolfactione permittat.

Quae quum ita sint, iure videri posset omnem concidere opinionem, qua adstruere conatur, in putrido quoque neogenito superesse criteria, quae dubitare non sinant medicum forentem, quin vitae post partum aliqua adhuc extent vestigia. Non possumus quidem non ambabus concedere contradicentibus, in absoluta, si ita dicere fas est, seu consummata corporis putredine nihil esse, quod instruere possit aliquem, tunc enim deperdita fere sunt omnia, nisi quae ex magnitudine et incrementi pristina nobis dignoscuntur, uti iam afferuimus: in interioribus partibus autem, dum externae iam maximam partem consumtae occurrunt, relicta gliscit flammula cognitionis. Quod vberius patefcet illi, qui percurrere diuersas partes corporis non detrectauerit. Externam corporis superficiem, per diuersas causas multum patieaque propter celeriori destructioni subiici, antea concessimus, quare illae quoque deficient, quae coniecturis tantum fauent, notae, quamuis cutaneus habitus, ob densam, qua conficitur, fibrarum intricatam nexum resistendi exercet potestatem, superato tamen renitu eo lubentius dissoluatur. Suppositae his carnes, utpote per se succulentiores, tum per putredinosum miasma, tum per proprios inhaerentes succos, eosque facillime corrumpendes,

dos, fatiscunt, sic autem eam, quam ex robore earundem, et firmitate, ceu congruae nutritionis factae teste, concipimus spem demonstrationis irritam reddunt, siquidem simul inueniuntur frascere. In musculis praecipue abdominalibus, in naturali etiam defunctis morte, facile tertio iam quartoque post obitum die viridescentes liuidesque maculas detegunt dissectiones. Nec maius expectandum est solatium ex perscrutatione viscerum quorumcunque, quae abdominis cauo insunt. Peritonaeum, eadem comprehendens valide diutiusque respuit vim putredinis, nequit autem impedire, ut intestina, utpote stabulum variarum quisquiliarum, sponte in interioribus exorta putredine absumentur, eademque viciniam inficiant. Vasa, quae per abdomen decurrunt sanguifera, eademque maiora, nisi iam diuturniore putredine, quam continent, sanguis fatiscere ceperit, id confirmant, neogenitum exhausto sanguine aut haemorrhagia lethali non periisse, quae tamen in mortuo nato pariter locum non habet. Nobilia porro, quae in capite collocantur, sub encephali nomine viscera parum tuta sunt a resolutione putrida, quippe quae saepius in satis adhuc firmis, minusque destructis infantibus offendimus in pulpam fluxilem conuersa fuisse. Quo non parum confert naturalis illa et mollis teneritudo cerebri in neogenitis, quae aetate demum maiorem acquirit

quirit consistentiam, denso licet elasticoque durae matris inuestitur aulaco. Dum vero in his iam dictis partibus parum occurrit, quod convincere cum certitudine queat indagantes, superest tantum, ut ad viscera, quae vitalia vocari solent, nos recipiamus. Eadem studiose admodum in pectore recondita, cor atque pulmones puta, de vita etiam post partum indubitata offerent documenta. Minor quidem nec omni exceptione maior est in corde vitae significatio, in quo, praecipue in anteriore eius sinu, auricula atque ventriculo, non nisi grumosus continetur sanguis, cuius expirante foetu vel neogenito adhuc motum adfuisse cognoscimus, idem ecchymoses atque sugillationes confirmant. Praebet autem non obscurum vitae ad partum usque praesentis testimonium. Longe autem euidentialior, cui fidem denegare nequeas, in pulmonum statu erit invenienda, quippe qui omni eo tempore, quo in vtero resitabat foetus, feriantes nunc demum ad actionem quandam excitati, aëre suscepto agere incipiunt. Hi in crate pectoris clauso collocati miro modo diutius ab iniuriis putredinis immunes manent et diffluentibus iam pene reliquis visceribus intacti persistunt. Aperto hinc pectore sollicitè exempti ad consuetam deinde adhibiti docimasiam, si subsident, respirationem post partum nondum factam fuisse docent simulque plenam vitam

nondum adfuisse indigitant, si leuantur et aquis innatant, respirationem contigisse declarant atque sic post partum recens natum vixisse, is licet alibi putredine infectus reperiat. Quo vero omnem ex animis aliorum de hoc tentamine euellamus scrupulum, bene tenendum est, resectos cum corde pulmones simul aquae imponendos esse, illud vero deinde separatum sponte submergi debere. Nam si cor seorsim natat, maiorem gradum putredinis denotat, hinc certitudini experimenti obest. Cautè porro inquirendum est, num laesio pectori accesserit, aut erosio ad interiora penetraverit, quae efficiat facillime, ut aëris liberior introitus pariter interiora corrumpat, excitata nimirum hic putrida diathesi. Neglecta namque hac animaduersione, ab errore libera non est disquisitio. Quod nuper demum ipsi cognouimus in neogenito admodum putrido, in quo disrupta iam pleura, quae, magis tamen ac peritoneum tenax, respuit impetuosum putredinis furorem, pulmones valde emolliti simul cum corde natabant, quod pariter separatum aquis continuo inhaerebat liberaliter, ob liberrimam aëri nociuo viam patentem.

XVII.

IOANN. DANIEL REISSEISSEN,

Dissertatio,

De

Veneficio doloso.

Argentorati, 1781,

Auct. et Resp.

IOANN. FRANC. SC. EHRMANN.

L. B.

Plura in hac Dissertatione invenies, quae propius ad Medicinam, quam ad Jurisprudentiam spectare videntur. Ab iis tractandis plane abstinissem; ni ex Praelectionibus Chemicis Clarissimi SPIELMANNI Noltratis et ex quotidiana conversatione cum optimo Patre, hujus civitatis Physico, plura didicissem, quae materiam elegantiam illustrare queant.

In digerendo hoc opusculo Consultissimi Praefidis usus sum consiliis; qui tamen meo arbitrio reliquit, eam, quae mihi arrideret, amplecti sententiam. Attamen haud raro argumentorum pondere victum, in suam, me pedibus ivisse, honori duco.

Da veniam erroribus; maturior aetas maturiores forte fructus dabit.

G 2 Sectio

S e c t i o I.

D E V E N E N O.

CAPUT I.

De eius nomine et definitione.

§. I.

Veterum auctorum.

Veneni vocabulum vario apud Romanos veniebat ſenſu. Paulo latius acceptum omne id continet, quod adhibitum eſt, eius naturam, cui adhibitum eſt mutat *a*). Quum autem illorum nonnulla naturam in melius, quaedam in pejus mutant, ſive, ut cum CAJO *b*) loquar, tam medicamenta, quam quæ nocent, *veneni* nomine contineantur; illa *venena bona*, hæc autem *venena mala* vocaverunt. Secuti in eo Graecorum exemplum, qui τὰ Φαρμακα diſtinxerunt in ἐσθλὰ et λυγρὰ *c*). Sed hæc epitheta non ſemper adjecta deprehendimus

a) CAJVS in L. 236. ff. de V. S. Hanc L. erudite explicat Hubertus Gregorius van Vryboff in Diff. ad L. 6. §. 5. π. de Diviſ. rer. et qualit. L. 16. §. 8. de Poen. et L. 236. π. de V. S. Lugd. Bat. 1735. Eam exhibet Oelricht Theſaur. Diff. jurid. ſelectiſſ. in Acad. Bel. hab. Vol. I. T. III. Diff. 24. p. 191.

b) l. c. cum eo conſpirat Marcianus in L. 3. ff. ad L. Corn. de Sic. et venef.

c) Homer. Odyſſ. IV. v. 230.

mus, et idem nomen mox bonum quid, mox eius contrarium significat, prout id suadeat verborum connexio. Ejusmodi vocabula nomina-verunt *media* sive *communia* d). Attamen ut plurimum in malam partem dicuntur *venena*, in bonam *Φάρμακα*. Illud ex MARCIANO e), hoc ex ARISTOTELE f) et HIPPOCRATE g) patet; qui ad designandum *venenum* malum, voci *Φάρμακον* adjicere solent *δηλητήριον*, *θανατήφορον*, *τοξικόν* et similia, quae verba, si omittunt, *Φάρμακον* eis plerumque medicamentum est h).

Apud Latii poëtas *veneni* vox saepe pro pigmento vel tinctura et praecipue purpura sumebatur, quam *Affyrium venenum* vocat VIRGILI-

G 3

VS

d) A. GELL. N. A. L. XII. c. 9. Ulp. in L. I. §. 3. de Serv. corrupt. et MARCIAN l. c.

e) in L. I. §. I. ff. ad L. Corn. de Sic. et venef.

f) *Problemat. Sect. I. Probl. 48.*

g) *Aphorism. L. IV. Sect. 4. Aph. 21. L. VII. Sect. 7. aliisque locis.*

g) Immo quandoque pro cibis delicatissimis sumebatur AEL. SPART. in Adriano c. 21. Inter cibos unice amabat *tetrapharmacum* seu potius *pentapharmacum*, quo postea semper *Adrianus* est usus, ipse dicitur reperisse, hoc est *sumen*, *phasianum*, *pavonem*, *pernam crustulatam* et *aprugnam*. I. AMPRIDIVS in *Alexandro Severo* c. 30. Ususque est *Adriani* *tetrapharmacum* frequenter, de quo in libris suis *Marius Maximus* loquitur.

vs i) hunc vero significatum priori originem debere non abs re suspicor, quod pleraque pigmenta atque tincturae reapse venena sint vel bona vel mala, et a veteribus iis adnumerentur, id quod de purpura in specie ad illorum classem pertinente abunde probare possum ex HIPPOCRATE k), DIOSCORIDE l) atque PLINIO m).

Venenum sensu quoque magico occurrit apud HORATIVUM n) qui sic:

*Quae saga, quis te solvere Theffalis
Magus venenis, quis poterit deus?*

Reliquas apud veteres usitatas *Veneni* significationes, quae plerumque metaphoricae sunt, tanquam a scopo nostro alienas mittamus, et quid recentiores in describendo definiendoque veneno praestiterint, videamus.

§. II.

Recentiorum auctorum.

Temporum lapsu *veneni* nomen fere semper de *veneno malo* sumebatur, atque nocivum quid designabat. In illo autem definiendo tam a veteribus, quam inter se ipsos, mirum in modum discrepant recentiores scriptores. Quodsi hae

dis-

i) Georg. II. v. 465.

k) de *Victus ratione* Sect. IV. Lib. II. p. 25. edit. Frf. 1595. fol.

l) Lib. II. c. 4.

m) Hist. Nat. L. XXXII. c. 6. S. 21, ed. HARD. etc. IO. S. 41.

n) Lib. I. od. 27.

differentiae jurisprudentiam non tangerent, JCTi non eſſet, ſe hiſtriciſ immiſcere. Quum vero in crimine veneficii judex ſententiam veneni ſuperſtruere definitioni teneatur; illius notionem ſollicite definiri, JCTis quam maxime intereſſe, quis non videt? Nam ſi juſto latior eſt veneni definitio, innocentis fama, quinimo vita periclitatur. Quod ſi e contrario paullulum reſtrinxeris veneni limites impunitate gaudebunt facinoroſi. Jam video JCTos, qui vnicò verbo, tanquam Alexandri gladio, huncce nodum ſolvere cupiunt. Haec, ajunt, nos minime curamus, ableganda ſunt ad forum medicum. Verum enim vero, ſi ipſi Medici, de quibus praecipue hic ſermo eſt, ſatis diverſas definitiones exhibent, prout ex hac aut ex illa ſchola exierunt; ſi etiam non paucis medicorum omnes haecenus, vel a celeberrimis auctoribus datae veneni definitiones aut deſcriptiones nimis vagae ac incompletae videntur; quo ſe vertat tandem JCTus? Juramentum quod Medicis, qui in hiſ cauſis conſuli ſolent, deferatur vel jam ratione officii praestitum eos obligat, judicem ſecurum praestare non poteſt, quum conſcientiam tantum ſtringat, non autem illorum opiniones corrigat.

Duo praecipue media, quibus hiſ incommodis obviam eatur, ſuperelle mihi videntur. Alterum, ut legiſlator ipſe, quid ſub *veneni* voce intelligi vult, dicat, quod pro temporum ra-

tione fecerunt *Romani* o) et *Galli* p). Alterum, ut *Ictus* quod legislator omisit, suppleat, adeoque ipse celeberrimorum Medicorum definitiones rimetur, eamque eligat, quae intentioni legislatoris consentanea magis esse videtur. Eundem in finem quoties definitioni medicae locus sit, artis peritos adigat iudex. ut, veneni definitionem, cui favent, responsis adjiciant, praetertim si respondentium doctrina pluribus nondum inclaruerit testimoniis. His rationibus adductus, omnes, quas vidi, definitiones veneni ac descriptiones q) examinavi atque comparavi; ex quo

o) v. *Tit. ff. ad L. Corn. de Sic. et venef.*

p) EDIT DU ROI pour la punition de différens crimes; donné à Versailles au mois de Juillet 1682. Registré en Parlement le 31. Aout audit an. art. 6. et 7. Renouvelé par la DECLARATION DU ROI concernant les Empoisonneurs; donné à Versailles le 14. Mars 1780 Registré en Parlement le 20. desdits mois et an. Edictum illud exhibent quoque les Causes célèbres T. I art. célèbre Empoisonneuse et Recueil d'Ord. d'Alsace nouv. éd. T. I. p. 112.

q) Multas a medicis, qui superiori aetate vixerunt, datas veneni definitiones exhibet LANZONI de Venenis. In eius oper. Lausannae 1738. 4. T. I. et LINDENSTOLPE edit. a STENTZELIO de Venen. Fr. et Lips. 1739. 8. Inter recentiores talia dederunt MEAD de Venen. HEBENSTREIT *Anth. forens.* GME-LIN

quo labore mox compertus ſum, pleroſque ſcriptores venena propria cum improprie, in ſenſulato ſumta cum ſtriſte ſumto confundere, et praeterea alios magis ad forum juridicum, alios ad medicum magis reſpexiſſe. Inde mirum in modum a ſe invicem diſſentiunt. In tanta rerum confuſione optimum factu erit, ſectae ſtudium penitus abjicere et vagas notiones, quantum fieri poteſt, definire. Miſſis igitur quae ſcopo medico, non autem juridico inſerviunt definitionibus; miſſa veneni notione in ſenſulato ſumta, qua omnis materia, quae humano corpori applicata nocet, comprehenditur; illud praecipue videamus, quid ſub veneno in ſenſu ſtriſto intelligi debeat.

§. III.

Verae definitionis illuſtratio.

Venenum Τοξικόν, Poiſon, Gift, r) in ſenſu ſtriſto eſt corpus, quod nunquam alit;
G 5 ſed

LIN Joh. Fried. Allg. Geſch. der Giſte, 1. Th. Leipz. 1776. 8. et multi alii, quae de venenis ſermonem fecerunt.

r) A Geben. Leg. SS. Joh. de S. Franc. do duchte in wi im riche Gift were an derſelben tat gegeben. vid. *Gloſſarium Germanicum medii aevi auctore* JOH. GEORG. SCHERZLO, editum, illuſtratum. ſuppletum J. J. OBERLINO, fol. T. I. prodibit. Argentorati 1781. v. Gift.

sed naturam animale[m] mutat, et ultra certam quantitatem experientia determinatam assumtum necat.

Ex hac definitione sequentes fluunt propositiones. I. Venena nunquam alunt. II. Illa naturam animale[m] mutant, et III. Ultra certam quantitatem experientia determinatam assumpta necant.

Quum igitur venena nunquam alunt; prono alveo inde fluit, huc non pertinere, quae alimentis accensentur s) nisi corrupta illorum naturam induerint.

Quumque porro toxica naturam animale[m] mutant; sequitur, ea esse *Φάρακα*, medicamenta, vocabulis his sensu lato sumtis t).

Ultimum atque praecipuum illorum requisitum in eo consistit, quod ultra certam quantitatem experientia, quantum fieri potest, determinatam necent. Exinde sequitur, nihil interesse, an corpus aliquod revera mortem intulerit, an vero lata ope evaserit aeger; dummodo illud in ea quantitate, qua sumtum fuit, lethiferum esse, experientia edocti sumus. Ex eodem principio sequitur, in foro criminali nihil interesse, majus ne an minus sit materiae mortiferae volumen, adeoque omittenda esse, quae plerique auctores venenorum notioni addunt, nimirum, quod

s) SPIELMANN *Iust. Mat. Med. Proleg.* §. 2.

t) *Idem* l. c.

quod parva vel minima quantitate lethifera ſint. Haec enim limitatio, ut taceam, quod ſit vaga, definitionem veneni in venificio nimis ſtricſam reddit, adeoque, licet Medicis forſan utiliſſima ſit, Jctum certe in errorem ducere poteſt. Nam corpora minora veneficiis quidem aptiora eſſe, nullus dubito, cur autem corpora in majori quantitate demum certo necantia e venenorum numero eliminari debeant, non video; quum ex hac claſſe periculoſiſſima, quod difficilius detegi queant, ut plurimum parentur toxica, ſcilicet *venena lenta*, in quorum applicatione eo potiſſimum artificio utuntur ſceleſti, ut per temporum intervalia, et diviſis portionibus, magnam veneni quantitatem corpori ingerant, et ita pharmaco in magna doſi dato mortem afferunt, quod in parva lethifera haud fuiſſet. Ex his omnibus denique colligi poteſt, quaedam venena, in minori quantitate ſumta, poſſe medicamentorum locum obtinere, et vice verſa, medicamenta in majori quantitate data, vera venena evadere, uti videre eſt in *Tartaro emetico*, *Mercurio ſublimate* etc. et in genere omnibus fere haecenus cognitis in noſtris regionibus venenis. Talia itaque venena *relativa* ſunt ad quantitatem doſis, qua ſubiecto cuidam applicantur. An vero dentur *venena abſoluta*, quae in omni quantitate applicata mortem inferunt u) ignoro.

Sun t

u) Eam differentiam agnoſcere videtur cum alijs

Sunt, qui ne *Arsenicum* quidem inter venena absoluta referunt, immo dantur medici, inter quos SLEVOGT *x*) FRICCIUM, *y*) et JACOBI *z*) nominasse sufficit, qui *Arsenicum* intus et extus adhibendum publice commendant, et prior hujus pharmaci utilitatem in his morbis, per experimenta in quinquaginta hominibus facta ostendere conatus est. Quantum veritatis horum eruditorum assertionibus insit, Medicis decidendum relinquo. Nec magis certi quid pronunciare ausim de utriusque Indiae toxicis, quorum mentionem faciunt, de Orientali *Macassarienti* ex sauciata arbore *Jpu. s. Upa* collecto, KEMPFER *a*) de Americanis *Ticunas, Lama*, etc. de *la CONDAMINE* *b*) *HERISSANT* *c*) et *FONTANA* *d*); nec non de venenis morsu quorundam

aliis BOEHMER *Obs. II. ad Carpz. P. I. Q. XXI.* dum venena in quali et in quanto nocentia agnoscit.

x) In *cus Propemptico de permissione prohibitorum et prohibitionem permissorum* ad *Diff. KRAUSII* et *BAIERI de Capillis. Jenae 1701.*

y) in *Tract. de Virtute venenorum. medica, Ulm 1701.*

z) v. *Acta Acad. Mogunt. T. I.*

a) *Amoenitat. exotic. Fascic. III. obs. 10. p. 579.* cf. *STENZEL* et *NULLER* *Diff. de Venenis acutis. Viteb. 1732.*

b) *Mém. de l'Acad. R. d. S. 1745. p. 489.*

c) *Phil. Transact. Vol. 47. p. 75.*

d) *Phil. Transact. Vol. 70. p. 163.*

dam animalium venenatorum aut furioſorum illatis. His ſaltem, ſi absoluta ſint, non adnumerandum eſſe videtur canium rabidorum venenum, quod varias obſervationes adducit VAN SWIETEN *e*) quibus patet, plures homines demorſos fuiſſe eodem tempore, et ab eodem cane rabido; quosdam periſſe hydrophobos, licet variis medendi methodis uſi fuerint; alios vero nullum aut leve modo malum, neutiquam tamen rabiem, inde percepiſſe, licet nullam omnino medelam adhibuiſſent. Haec de nomine et notione veneni ſufficiant. De illius diviſionibus, quae dicenda ſunt, videamus.

C A P U T I I.

De veneni Diviſionibus.

§. IV.

Prima diviſio.

Venena varie dividi poſſunt, prout vel in modum, quo agunt, vel in applicandi modum, vel agendi velocitatem inquirere cupis.

Secundum modum, quo agunt venena, dividi poſſunt in *mechanica* et *phyſica*. Illa ſunt, quae per ſe innoxia, uti cetera ſcindentia inſtrumenta cutellatis ſuis fibris inteſtina vulnerando morti cauſam praebent. Haec ſunt quae interna a natura inſita vi agunt. Omnia nunc hucusque

e) *Comment. in Boerhaave Aphor. T. III. §. 137*
p. 548.

que nota venena recensere animus non est, partim, ne maiora sint, quae aliorum causa complectimur, quam ipsa illa, quorum haec causa praeparantur; partim, quod, qui de venenis scripserunt, auctores largam messem fecerunt, quam adire cuivis licet; partim etiam quod, qui vitae venenis insidiantur plura illorum aut non noscant, aut tanquam furiali scopo minus commoda, intacta relinquant, ideoque non tantus sit venenorum in foro criminali obvenientium numerus. Quamobrem praecipua quaedam solummodo perlustrabo.

Ad *Mechanica venena* referuntur *Adamantis*, *Crystalli* et *Vitri* ramenta, quorundam metallorum limatura, et similia; quae omnia eodem modo agunt, si in asperiori pulvere assumuntur. Quodsi autem in tenerimum pollen redacta sunt, absque mortis periculo deglutiri posse dicitur, nisi in corpore resolvi queant. Tunc autem non forma sua externa; sed interna potius qualitate nocent, adeoque ad sequentem venenorum classem pertinent. Ex harum notionum confusione orta est opinionum diversitas, ita ut ab aliis quaedam horum corporum venenis adnumerentur, quaedam ab aliis ex eorum serie excluderentur *f*). Cautum atque circumspectum Jcti ut et Medici

f) LINDENSTOLPE de Ven. c. III. thes. 29. HOFFMANN et PARREIDT Diss. de cauta et circumspecta veneni dati accusatione. Halae Magd. 1735. §. 22. sqq. LANZONI de Ven. c. 12. HEBENSTREIT Anth. for. S. II. m. II. c. 2. art. 5.

ci iudicium et hic rem conficere, non est, quod moneam.

Venena ¹*Physica* iterum dividuntur in *corro-*
siva, *stupefacientia* s. *narcotica*, *adstringentia*
et animalia.

Inter corpora, quae venena largiuntur *corro-*
siva, quae sicuti mechanica, solutionem conti-
nui inferunt, quaeque ex terrae visceribus po-
tissimum desumpta sunt, eminent *Arsenicum* et
omnis ejus gleba, *Regulus Antimonii*, *Acida*
fossilia sive per se, sive ope metallorum concen-
trata g). Ex regno animali *Cantharides*; *Eu-*
phorbium ex vegetabili nominasse sufficiat h).
Ad rodentia venena optimo jure referuntur etiam
medicamenta, quae ob summam agendi vim dra-
stica vocantur, quales sunt: *Tartarus emeticus*,
Gummigutta, *resina Scammonti*, *Jalappae* etc.
justo majori ingesta dosi i)

Illae venena, quae, dum sensorium commune
ob-

g) cf. SPIELMANN *Instit. Mat. Med.* v.
Arsenicum, *Antimonium* etc. MACQUER *Dict.*
de Chemie, art. *Arsenic.* HOFFMANN *Diff.*
cit. STENZEL et MULLER *Diff. de Ven.*
acut. Vit. 1732. ESHENBACH *Medic. Leg.*
C. I. S. I. §. 12. *sqq.* GMELIN *Allgem.*
Gesch. der Mineral- & Gifte.

h) SPIELMANN l. c. v. *Cantharides* et *Eu-*
phorbium. GMELIN *Allgem. Gesch. der*
Pflanzen- & Gifte.

i) cf. BOEHMER *El. Jurd. Crim.* S. 11. c.
20.

obnubilant, *νάρκωσις* inducunt, ideoque *narcotica* s. stupefacientia dicuntur, regno vegetabili potissimum debentur. Talia praebent prae reliquis *Cicuta*, *Opium* *k)* *Solanum furiosum* s. *Belladonna*, *Mandragorae* radix *hyosciami* semen cum radice, qua, uti WEPERVS *l)* narrat, integer conventus Benedictinorum Rhinoviensium a. 1649. una coena in magnum periculum adducebantur. De his similibusque plantis evolvi merentur SPIELMANN et GUERIN *m)* JOH. FRIDERICUS GMELIN *n)* ut et EBERHARDUS GMELIN *o)*.

Adstringentia venena, quae vasa arctant, oriuntur imprimis ex praeparatis saturninis sive ex plumbo factis, quorum venenatae vires, lentae, nihil-

20. §. 236. et *Med. ad C. C. C. art.* 130.

§. 1. *Meister Princ. Jur. Crim. S. II. c.*

XXII. §. 1. *Eschenbach Med. Leg. C. I. S.*

I. §. 9. et *HOME Princ. Med. P. II. S. 3.*

k) TRALLES *Usus opii salubris et noxius in morb. medela. Vratislaviae 1757. 4.*

l) de *Cicutae aquaticae noxis* p. 231.

m) *Diff. de Vegetabilibus venenatis Alsaciae. Argent. 1766.*

n) *Tract. cit. et Ejusd. Hist. venenor. vegetabil. Sueviae indigenor. in append. Nov. Act. Phys. Med. Acad. Nat. Curios. T. VI.*

o) *Experimenta et Observationes scepticorum et antiscept. indolem illustr. in Nov. Act. Phys. Med. Ac. Nat. Curios. T. cit.*

nihilominus tamen certae sunt; p) licet quidam Medici, inter quos HOFFMANNVM q). esse doleo, de illorum virtute nos admodum securos redderent. Haec etiam basin, sicuti fere omnium venenorum lentorum, ita et decantati illius pulveris *poudre de succession* dicti, constituere admodum probabile est; licet de eo, an unquam extiterit aut adhucdum existat, et annon potius ad commenta medica ablegandus sit, dubitet ESCHENBACH r).

Singulare genus constituunt *venena animalia*; quorum naturam et indolem huc usque fere incognitam esse, vel magni nominis Medici ingenue fatentur. Huc refertur virus serpentum, aliorumque animalium venenatorum, ut et furiorum, quorum supra jam mentionem fecimus (§. 3.). Haec venena, ut plurimum non necant, nisi morsu, ictu aut alia vulneratione sanguini immediate admisceantur.

§. V.

Secunda divisio.

Altera divisio ad modum spectat, quo corpori applicantur. *Primo* enim multa sunt, quae cum inspiratione attracta caput aut pulmones exemplo

p) Spielmann Inst. Mat. Med. v. Plumbum,

q) Diff. cit. §. 25.

r) Medicin. legal, C. I. S. 1. §. 17.

plo feriunt. Talem effectum produciunt vapores et fumi venenati ore vel naribus hausti. Deinde, cum tota cutis vasis bibulis resorbentibus sit instructa, cuti quoque illita venena ad interna corporis descendere possunt, ibique lethales producere effectus, uti de linimento arsenico divite fertur. *Pleraque* non nisi cum cibo aut potu assumpta nocent, quod plumbi et cupri praeparata ostendunt. Viperarum denique virus impune bibitur, sed in vulnere lethiferum est. Hae autem toxicorum divisiones cum grano salis accipiendae sunt; non enim omnia venena unico tantum modo nocent; dantur etiam, quae pluribus, quin omnibus modis nociva sunt. s)

§. VI.

Tertia divisio.

Ultima venenorum divisio a majore vel minore velocitate pendet, qua in corpora animata agunt. Scilicet illorum quaedam, uti rodentia potissimum toxica, subitam et inexpectatam inferunt mortem, *acuta* inde vocata. De his agit STENTZEL. t) Alia vero toxica eam habent naturam, ut minoribus ut plurimum dosibus semel aut repetitis vicibus data, in primis viis noxiam mutationem producant, qua functiones naturales

s) HAHN Orat. de ven. usu in med. p. 10. sq. edit. Lips. 1775. 8.

t) in Diss. medico-juridica supra allegata nota 30.

les vario gradu laeduntur, et ex harum demum laesione progrediente tempore ipsi quoque vitae periculum imminet; venena *lenta* vocantur. Huius generis venena ex plumbo praesertim confici, supra (§. 4.) notatum est. Eruditam venenorum lentorum historiam exhibet JOH. BECKMANN *u)* atque inter alia refert *Carolus XI.* Sueciae regem tali veneno interfectum esse.

Plures adhuc venenorum divisiones addi possent, vereor autem, ut quadrent ad rhombum, quod nimis exacta pleraeque nitantur veneni definitione. Talis esse videtur divisio quorundam in *connata* venena et *propinata*, quum in primo divisionis membro venenum sensu improprio sive methaphorico sumatur. Nec magis admittenda videtur divisio in *lethalia* et non *lethalia*, quam quidam fecerunt, quoniam notioni venenorum aperte contraria sit.

Perlustratis *Veneni* nomine, definitione atque divisione; de *Veneficio* ipso age nunc dispiciamus.

u) Beiträge zur Geschichte der Erfindungen, 2tes Stück, Leipz. (Göttingen) 1781. 6ter Aufsatz.

SECTION II.

DE VENEFICIO DOLOSO.

CAPUT I.

De huius criminis natura et indole.

§. VII.

Veneficii definitio generalis et divisio.

Veneficium in genere quamvis noxiam animali factam veneni applicationem designat. Illud, quod in homines committitur, quia vel *dolo* vel *culpa*, vel *casu* fieri possit, dividitur in *dolosum*, *culposum* et *casuale*. De isto nunc, de illo alia occasione disputare est mihi propositum. Hoc, quod delictum non sit, in censum haud venit.

§. VIII.

Veneficii dolosi definitio.

Veneficium dolosum in legibus appellatur primum illud crimen, quo quis venena mala necandi hominis causa fecit, vendidit, dedit vel habuit x). Quia talia commiserunt *Venefici* in sensu stricto y) aut *Venerarii* z) vocantur. Quum deinde *magicas*, uti vocant, artes cum veneno-

x) L. 1. §. 1. l. 3. pr. §. 1. 2. et 3. L. Corn. de Sic. et Venef.

y) Citatae LL.

z) S. aet on. Neron. l. 33, L. 28. ff. de Poen. nis.

rum applicatione coniungere tentabant facinorosi; inde factum est, quod *Veneficium dolosum* vocaretur, etiam tale crimen, quo quis sulurris magicis hominem occidit a). Cum huius criminis reo pari fere passu ambulant, qui mala sacrificia fecisse, habuisse, b) aut pudicos animos ad libidinem deflexisse c) aut similia prohibita didicisse, docuisse d), exercuisse, vel qui ea exercent, consuluisse e) deteguntur, et in genere, qui sub Titulo Cod. de Malef. et Mathem. comprehenduntur; quorum omnium nomina erudite explicat ALOYSIVS CREMANIVS f). Missa, horum criminum explicatione, quibus THOMASIVS g) colophonem addidisse fertur; de illo potissimum, quod veneno committitur nobis sermo erit.

Veneficium igitur dolosum, veneno commissum; quod et κατ' ἐξοχήν Veneficium vocatur, secundum datam a legibus Romanis descriptionem;

H 3

nem;

a) §. 5. *J. de Jud. publ.*

b) L. 13 ff. ad L. Corn. de S. et V.

c) L. 4. C. de Malef. et mathem.

d) L. 8. eod.

e) L. 5. eod.

f) Senensis in regio archigymnasio Ticinensi Antecessoris de *Jure Criminali Libri duo* T. I. et II. qui Librum I. continent, prodierunt Lucae 1779. 8. maj. T. II. L. I. P. III. c. 2. art. 4.

g) Diss. de Crimine magiae.

nem, definire poteſt: crimen, quo quis veneno hominis vitae inſidias ſtruit. *h*)

Aliam definitionem ſuppeditat CONSTITUTIO CRIMINALIS CAROLI V. Haec enim per veneficium illud designat crimen, quo quis dolo hominis vitae vel ſanitati veneno nocet *i*). Conjuncta utraque definitio ſequitur, Veneficium I. eſſe crimen. II. Non intelligi ſine dolo. III. Veneno committi IV. Ut quis hujus criminis reus ſit, ſufficere *jure Romano*, inſidias vitae ſtructas, *jure Carolino*, ſanitatem laeſam eſſe.

§. IX.

Eſt crimen.

Veneficium ſecundum Romanorum et hodie nos mores *crimen* appellari poteſt. Apud Romanos ita vocatum eſſe dubium non eſt, quia inter judicia publica referebatur *k*) Hodie *crimen* et *delictum* pro ſynonymis fere habentur. Illius tamen denominatio veneficio magis convenire videtur, quod voce *criminis* maiora plerumque delicta hodie notari, plures contendunt *l*). Eſt autem veneficium absque dubio atrociffimum de-

li-

b) L. 1. §. 1. L. 3. p. §. 1. 2. et 3. ff. ad L. Corn. de S. et V. §. 5. J. de Publ. jud.

i) C. C. C. art. 120.

k) L. 1. ff. de Publ. jud. §. 5. J. eod.

l) cf. Meißner Princ. Jur. Crim. S. II. c. 1. §. 1. not.

lictum, et divino humanoque jure pro tali habetur. Veneficus enim quoniam animo deliberato occidit et per insidias; jure Mosaico et Canonico *m*) ab ipso altari ad supplicium rapi potest. Romanis plus erat *hominem extinguere veneno, quam occidere gladio n*). Nam, ut cum CICERONE *o*) loquar, eum, qui palam est adversarius, facile cavendo vitare possis, occultum vero malum non modo non existit, verum etiam opprimit, antequam perspicere atque explorare potueris. Hinc est, quod crimen veneficii *homicidiis qualificatis* connumeret cum plerisque DD. MEISTER *p*) quin a quibusdam ad *homicidia proditoria* referatur *q*).

§. X.

Non intelligitur sine dolo.

In Veneficio doloso *dolum malum* requiri inter omnes constat, Quid autem sub *dolo malo* intelligendum sit, disputant auctores KRESSIUS *r*) et HEINECCIUS *s*) et alii *voluntatem necandi*

H 4

re-

m) Exod. XXI. 24. c. I. X. de Homicid.

n) L. I. C. de Malef. et mathem.

o) in Verr. L. I. c. 39.

p) l. c. S. II. c. XIX. §. 5.

q) Lauterb. Coll. Pand. ad L. Corn. de S. et V. §. 19.

r) ad C. C. C. art. 130. §. 3.

s) Elem. J. C. f. o. Inst, §. 1357. Acab.

Neden, ad eund. §. Elem. J. C. f. o. Pand.

P. VII, §. 201. et 208.

requirunt. Hic nititur L. 1. §. 1. L. 3. pr. et §. 1. et 2. ff. ad L. Corn. de Sic. et Venef. ubi verba *necandi hominis causa* occurrunt. Ille ex analogia juris praecipue concludit, sine *animo necandi* non dari verum veneficium, quemadmodum nec sine *affectu furandi* verum committatur furtum. CARPZOVIVM in eorum sententiam, qui pro *animo necandi* pugnant propendisse videtur; licet non satis clare loquatur, dum *animum necandi cum animo nocendi* coniungit t). BOEHMERUS u) ad veneficium dolosum in regula non requirit *animum necandi*, sed *nocendi animum* sufficere putat, suamque sententiam probare conatur ex L. 38. §. 5. ff. de poenis, quae capitale poenam irrogat ei, qui sinistro eventu poculum amatorium non *animo necandi*, sed tantum *nocendi animo* cum materiae noxiae scientia conjuncto, quemque *animum occidendi indirectum* vocat, praebuit. Quod ad poenam vero attinet ordinariam, quae ex C. C. C. nota est, infligendam, *propositum necandi* sive, ut ipse loquitur, *animum directum* adesse vult. Verum BOEHMERI sententiae accedere me vetant leges, quae *necandi animum* in regula expresse requirunt.

§. XI.

Interpretatio L. L. de dolo.

Leges, quae huc pertinent, sequentes sunt:

L. 1.

z) *Pract. Nov. Rer. Crim. P. 1. q. XX. n. 1.*

cf. q. XXI. n. 13. sqq.

u) *ad C. C. C. art. 130. §. 2. et Obs. III.*

ad Carpz. P. 1. q. XXI.

*L. 1. §. ff. ad L. Corn. de S. et V. Tenetur, qui hominis NECANDI cauſſa venenum confece-
rit, dederit. L. 3. pr. eod. Legis Corneliae de
ſicariis et veneficis capite quinto, qui venenum
NECANDI hominis cauſſa fecerit, vel habuerit
plectitur. §. 1. eod. Legis Corneliae poena adſci-
citur, qui in publicum mala medicamenta ven-
diderit, vel hominis NECANDI cauſſa habuerit.*

In his legibus animus necandi diſertis verbis
requiritur. Non obſtat his *L. 38. §. 5. ff. de
poenis*, ad quam BOEHMERUS provocat; en le-
gis verba: qui abortionis aut amatorium pocu-
lum dant, etſi dolo non faciant: tamen, quia
mali exempli res eſt, humiliores in metallum,
honeſtiores in inſulam, amiſſa parte bonorum
relegantur: quodſi eo mulier aut homo perierit,
ſummo ſupplicio adſciuntur. Legem hanc non
regulam, ſed exceptionem a regula, quae hunc
in caſibus non exceptis firmat, tradere, ſequen-
tibus probo argumentis.

I. Lex haec deſumta eſt ex PAULI *Recept.
ſent. Libro V. tit. 23.* tanquam ex fonte ſuo.
Ibi autem ea, utpote ſpecialem caſum continens,
regulae generali, quam ab initio refert PAULUS,
ſubjungitur.

II. Lex haec fugitiva eſt, neque enim in
titulo *L. Corn. de Sic.* ſed in titulo *de poenis*
continentur.

III. Non negandum, Legem hanc paullo obſcuriorem eſſe; cum autem ſola ſit, non poteſt evertere principia, pluribus aliis Legibus, quas ſupra allegavimus, clariffimis verbis expoſita.

IV. Ipſa verba L. 38. *etſi dolo non faciant*, noſtræ ſententiæ favent, quicquid etiam ſub voce *dolo*, intelligere velis. Nam, ut quis L. Corneliæ reus ſit, *dolum* requiri, omnes conſentiunt. Quum autem *dolum* abeſſe, in L. 38. diſerte aſſerat PAULUS, meridiana luce clarius eſt, dictam legem exceptionem a regula continere.

V. Dubium eſt an verba *etſi dolo non faciant* indicent, *animum necandi* ſolummodo abeſſe, non autem *nocendi animum*; annon potius ita accipienda ſint, quaſi PAULUS dixiſſet, „Unum idemque eſt, utrum *dolo* (quicquid ſub „eo intelligas) faciant, an ſola culpa.“ Quæ interpretatio verior eſſe videtur, quia et ſola culpa *amatorium* et *abortus poculum* porrigi poſſunt; licet ſæpe *dolus* adſit. Et ita BOEHMERI argumentum nimis probaret, quia tunc etiam culpa ſufficeret ad reatum.

VI. Alia ratio decidendi in *Lege Cornelia*, alia in *Lege 38*. Illa Lex *malam intentionem*, hæc *malum exemplum* pro ratione decidendi agnoſcit.

§. XII,

Interpretationis conclusio et defenſio.

Stat igitur hæc, Romanis Legibus firmata

pro.

propositio: In veneficio doloso requiritur *dolus malus*, qui non *animo nocendi*, sed *necandi animo* in regula absolvitur.

Quae, cum ita sint, non admitti potest BOEHMER^{x)} distinctio inter *reatum et poenam ordinariam*. Dum ita distinguit hicce autor, sub *reatu* non eius conditionem intelligere potest, qui criminis veneficii *accusatus* modo est, quemque *reum* in sensu lato vocant; quum *accusato* nulla poena dictatur, nisi et *condemnatus* fuerit, sed voce *reatus* criminis convictionem indicat ^{y)}. Nemo autem *veneficii dolosi convictus* dici potest, nisi qui etiam de *dolo* adhibito convictus sit. Et ita semper redit quaestio, *quid sub dolo intelligendum sit?* quam modo decidimus.

Quod ad distinctionem attinet inter *animum necandi directum et indirectum*, si eam justam esse in aliis criminibus vel maxime concedamus secundum propria tamen BOEHMERI principia in veneficio doloso locum habere non potest. Nam quatuor requirit: I. ut factum sit sponte commissum, II. cum animo nocendi conjunctum, III. illicitum, ex quo scit vel facile scire potest, ac debet, IV. mortem plerumque ac per se inde sequi posse ac solere ^{z)} Equidem tria priora requisi-

^{x)} ad C. C. C. art. 130. §. 2.

^{y)} Hoc sensu vox rei occurrit in L. f. C. de Accus. et in c. ult. C. 15. q. ult.

^{z)} Elem. Jurispr. Crim. S. II, c. 16. §. 202.

quisita adesse possunt absque animo necandi, quantum vero nunquam adesse potest in veneficio, quin animus necandi, sive ut cum BOEHMERO loquar, *dolus directus* adsit. Ratio enim, ob quam dolus indirectus in aliis homicidiis locum habere potest, nimirum quod fere impossibile sit, hominem sanæ mentis ea ætate, qua doli capax est, nescire vulnere inflictionem, quæ non ad mensuram fieri potest, incerti eventus esse et sæpissime ad stygias undas mittere, in veneficio cessat; ubi vel doctissimi haud raro in incerto haerent, an corpus aliquod salutiferum, nocivum, an lethiferum sit, et ita justæ ignorantiae locus esse potest. (§. 3. et 4.)

Itaque vel *scit* aliquis se venenum præbere; et tunc *animus directus necandi* adest: nam *scienter* venenum præbere, et *animum necandi* habere, correlata sunt; vel *nescit*, quo casu, etsi *animo nocendi* dederit, atque sciverit rem nocere posse, *necandi animus* abest, vel *dubitat*, quo in casu delictum *animo nocendi* commissum quidem aggravatur, non autem propterea *propositum necandi* habet *a*). Mera igitur præsumptio
ani-

a) Immo, si, quod verum, dicendum sit; *dolus indirectus* commentum D.D. est, quod contradictionem in adiecto, uti in schola loquuntur, involvit. Quid enim est illud: *propositum non habere* aliquem occidendi et tamen per consequens *propositum habere* aliquem occiden-

animi necandi ex nocendi proposito colligi potest in veneficio doloso, quamvis cum notitia materiae noxiae conjuncto; nullum vero argumentum omni exceptione maius, quod tamen de animo necandi indirecto praedicat BOEHMER b). Ergo animus necandi indirectus in veneficio doloso locum non habet.

§. XIII.

*Quis et contra quem Veneficium committitur?
nec non, quomodo probatur dolus?*

Quum ergo animus necandi, requiratur, facile redditur ratio, cur personarum et sexus differentia cesset, dummodo doli alias capaces sint rei. Inde etiam patet veneficium contra omnem hominem committi posse, in quem dolus exerceri possit, adeoque etiam in agonizantem. An in monstra admittatur, videant alii; equidem iudicium suspendo.

Ex eodem principio consequitur, poenam veneficii infligi non posse, nisi animus necandi probatus fuerit. Hanc autem probationem inul-

cidendi? *Dolus* itaque sic dictus *indirectus* revera nihil aliud est, quam animus necandi praesumptus. Haec autem praesumptio contrarii probationem admittit; adeoque non argumentum omni exceptione maius largitur.

b) l. c. cf. S. II. c. 20. §. 235. et C. C. C. l. c. §. 2.

multum juvant *indicia auctoris c)* sive quavis argumenta judici de auctore criminis commissi fidem facientia; licet, si eorum naturam inspicias, nemo ex iis perfecte convinci possit. *d)*

Legitima *indicia propria* atque proxima secundum NEMESIN CAROLINAM *e)* sunt: reum I.) emisse vel praeparasse venenum, *usumve* ejus legitimum allegare non posse; II.) *inimicitias* ei cum defuncto intercessisse, aut emolumentum ex ejus morte sperasse; III.) alias de tali facto suspectum esse. *Duobus prioribus* aut *primo et tertio* conjunctis quaestio decerni potest. Addit legislator IV.), *emtionem* veneni a reo in judicio *negatam* atque satis postea probatam ad torturam sufficere; quod ultimum tamen per se sufficientem satis rationem illis haud subministrare, qui inde peculiare *indiciu*m proximum cum GARPZOVIO *f)*. SVRUVIO *g)*. BEYERO *h)*. eruunt, asserit cum KRESSIO *i)* BOEHMER

e) Quae ab *indiciis corporis delicti* bene distinguit MEISTER *Princ. Jur. Crim. S. III. c. 10. §. 6. sq.*

d) BOHMER *Elem. Jur. Crimin. S. I. c. 6. §. 108. et c. II.*

e) *Art. 37.*

f) *P. I. q. CXXI. n. 17.*

g) *De Indiciis C. 2. p. 27.*

h) *ad C. C. C. Posit. 32. art. 27.*

i) *ad C. C. C. art. 37. §. 2.*

MER k) cuius sententia in generalibus principiis jurisprudentiae criminalis et analogia juris satis fundata esse videtur. Adversariorum tamen interpretationem menti Imperatoris consentaneam magis ob eam inprimis rationem autumo, quod propositio: Item so eyner Gist faust etc. cum priori non cohaereat et huic articulo, a CAROLO V, demum adiecta sit. In antiquioribus enim Constitutionibus criminalibus *Bambergenfi* et *Brandenburgica*, ex quibus suam Imperator desumpsisse videtur, plane omissa est. Praeter haec indicia, et alia allegant DD. uti v. gr. si reus cibum aut potum propinatum secreto tractavit l).

§. XIV.

Exceptiones rei.

Haec omnia tamen indicia, quam maxime lahefactantur quoties illa exceptionibus elidit reus, allegans v. gr. se ad occidendas muscas, mures atque glires vel ad usus venatorios m)

k) ad C. C. C. art. 37. §. I.

l) Carpz. P. I. q. XXI. n. 4.

m) De venatoriis venenis DIOSCORIDES *Mat.*

Med. L. IV. c. 73. scribit: Radice Aconiti alterius ad venationem luporum uscs esse, crudis carnibus inserta, item: Apocyni foliis cum adipe in pane coctis necari canes, lupos, vulpes, pantheras, et his statim ab esca coxendices resolvi. cf. Cicero de Nat. Deor. II. 50. CELSIUS de Medicina L. V. c. 27.

ad compoſitiones metallorum aliasque operationes chemicas vel ad pingendum emiſſe vel adhibuiſſe venenum; quod tamen peritorum examini ſubjiciendum eſt, ut exinde iudici innotefcat, an omne, quod reus conſumiſſe dicit venenum reapse ad eum uſum adhibitum ſit? Huc quoque pertinet, ſi reus homo *bene* moratus; *occiſi* amicus fuerit; ſi ipſe cibum potumve *prae-guſtaverit* n). Tum etiam ſi *violentiam materiae datae* ſe ignoraviſſe allegaverit, ſive ad acuendam memoriam aliumve bonum finem incaute noxia praebuiſſe aſſeruerit, ſive alia probabili excuſatione uſus fuerit. o)

Ex his patet animi necandi probationem in veneficio difficillimam immo fere impoſſibilem eſſe, niſi confeſſio rei accedat, aut reo qui ad ignorantiam virtutis veneni dati provocat, probari poſſit contrarium. Tunc enim de animo necandi, tanquam ſcientiae correlato (§. 12.) ſatis ſuperque conſtaret.

Praecipuas quaestiones veneficii reis proponendas ſiſtunt C. C. C. art. 50. et Viri docti in notis ad hunc locum.

§. XV.

n) *Zacchiae Quaest. leg. L. II. T. II. quaest. 8. n. 26.* STRYK *de Jure ſenſ. D. VI. c. 4. n. 28.*

o) cf. KRESS. *ad C. C. C. art. 27. §. 1. et art. 130. §. 3.* Boehmer *ad C. C. C. cod. art. §. 2.*

§. XV.

*Veneno committitur.**Corpus delicti.*

Quum porro veneficia *veneno comittantur*, obſcurum non eſt parum intereſſe utrum *directo* ſ. immediate, an *per indirectum* ſ. mediate veneficium commiſſum ſit.

Directo praecipue ſit, quando, quod plerumque accidit, cibo, potui aut medicamentis immiſcetur toxicum. Fit porro venenis alio modo, quam per os corpori ingeſtis. Huc referri merentur famoſi iſti, quos nuper Pariſienſes viderunt venefici; qui amicitiam ſimulantes, oblato Nicotianae pulvere veneno mixtae, lethale hominibus induxerunt ſomnum, ſopitosque diripuerunt, *Sopientes, Endormeurs, inde vocati p*).

Nefandis horum criminibus frena injecerunt non ſolum Curia Suprema Pariſienſis atque Summus Politiae Praepoſitus; ſed et ipſe rex qui memoriae elapſam de veneficio legem nova ſanctione poenali munivit *q*). Similis farinae homines ſunt,

p) BUCHOZ *la Nature conſidérée ſous les différens aſpects ou Journal de trois Regnes de la Nature* II. Epoque n. 3. 15. Fev. 1780. p. 133. V. DECLARATION DV ROI conc. les Empoiſ. ſupra cit. (not. 15.)

q) cit. *Edict, et Decl. Reg.*

sunt, qui per capillamenta ascititia r) chirothecas, sedilia, clysmata s) epistolas et similia venenum corpori inferunt; si, quae de plerisque narrantur, non potius tanquam aureae fabulae accipienda sint. Haud melioris notae sunt, qui furiale venenum auribus dormientium infundunt t), Nec aliter de eo sentiendum, qui armis venenatis u) alterum sauciat vel perimit, modo venenum reapse mortis causam praeberit. Quodsi enim vulnus, licet telum haud toxico tinctum fuisset, lethale reperiatur; multi DD. poenam simplicis homicidii, gladium scilicet, imponendam esse statuunt. x)

Per indirectum s. mediate veneficia committunt qui aërem venenatis suffimentis aut pulvere infi-

r) Tali modo Duci Holsatiae insidias structas esse, memoratur in *Schlesisch. Gesch. der Natur und Kunst.* 20 Vers. 1722. M. Maj. art. XIV. pag. 512.

s) *Hebenst. Anibr. for.* S. II. m. II. c. 2. art. 5. §. 21.

t) Tale quid ex *Journ. Encyclop.* occurrit in *Mag. Hist.* L. IV. n. 2.

u) De Juris naturae praeceptis ratione armorum venenatorum usus contra hostes v. *Treuerus* ad *PUFFENDORF.* p. 116. et ab illo citari.

x) *BOEHMER* ad *C. C. C. art.* 130. §. 1. et ult. Venenorum, quibus olim ad inficienda tela utebantur, nomina et compositiones ex veteribus auctoribus collegit *Petrus de Aba-*

y) inficiunt; qui fontes et puteos z) cerevisiam, infusionem fabarum Cassiae aut Theissae similiaque in loco publico vendenda; tum etiam, qui bruta animalia, quorum vel carne, vel productis utilacte, vescimur; multo magis, qui pascua et vivaria, piscinas, columbaria et similia venenant, modo animus necandi homines adfuerit, et reapse horum sanitas laesa sit. Quod autem CARPZOVIVS a) singulis brutis insectis, gladium sufficere existimet, ejus argumentis non probari, demonstrat BOEHMER b) atque ostendit, vel homini nocitum esse, vel non; in illo casu poenae ordinariae locum faciendum esse, in hoc extraordinariam dictandam esse. In nullo tamen casu poenam ordinariam rotae obtinere existimo; si animus necandi homines abfuerit. Mediati quoque veneficii rei sunt, venena ho-

I 2

mi-

Abaunza Praelect. ad tit. de Sagittariis n. 67. in Meermannii Nov. Thes. Jur. Civ. et Can. T. II. p. 741.

y) Id quod dicti venefici *sopientes* fecerunt.

z) De tali veneficio cum aliis locis, tum in nostra urbe a. 1349. Judaeos accusavit pelbs furibunda. Die 14. ejusdem anni Judaeorum prope duo millia sexus utriusque combusta sunt. Quorum tamen maximum crimen divitias fuisse, *Schwarberus* Consul eo tempore civibus objecit. v. *Schoepelini Alsac. illustr. T. II. §. 636 p. 343.*

a) *P. I. q. XXI n. 24.*

b) *Obs. IV. ad Carpz. q. cis.*

minis necandi causa componentes, vendentes, procurantes c), Ejusdem commatis denique sunt applicationem toxici jubentes atque mandantes.

Ex eodem principio, quod scilicet *veneficium absque veneno non committatur*, sequitur, omnia indicia auctoris nihil operari, nisi de certitudine delicti veneno commissi, sive, ut cum DD. loquar, de *corpore delicti* constet.

Corpus delicti jure Romano, laesione non secuta, versabatur praesertim circa quaestiones, *un quis necandi hominis causa venenum confecerit, vendiderit, habuerit?* Laesione autem secuta, *Corpus delicti* jure Romano et Carolino, *noxia et illicita veneni applicatione homini facta*, absolvitur. Pro illo eruendo de duobus momenti constet, necesse est I.) De *noxia* hominis sanitati vel vitae illata II.) De *applicatione veneni*; ex qua patet, an illicita sit? Sub PRIORI et mortem intelligo et quodvis damnum, quod ille sentit, cui venenum applicatum esse dicitur. Alterutrum requirunt verba NEMEOS CAROLINAE art. 130. *an Leib oder Leben beschädigt*. De his ex oculari inspectione Medicorum praecipue, nec non aegroti atque testium effatis constat. POSTERIUS requiritur, quia danturet aliae causae, quae,

uti

c) L. I. et 3. ff. ad L. Corn. de Sic. et Venef.

uti mox videbimus, eundem cum fortissimis veneni effectum producere valent. Ut de hoc constet, omnia judici conquirenda sunt indicia, quae eum certiores de ea re facere possunt, *indicia corporis delicti* inde vocata d) Haec cum auctoris indiciiis haud parum conjuncta esse, vix est, quod moneam.

§. XVI.

*Indicia corporis delicti.**Primus modus illud detegendi.*

Indicia, quae de noxia veneni applicatione testantur, varia sunt pro diversis modis, quibus haec corporis delicti pars eruitur. Illud autem quatuor praecipue modis fieri potest. I.) Symptomatum et signorum externorum observatione. II.) Interna cadaveris inspectione. III.) Testium post sepulturam examine et confessione rei. IV. Quandoque forsan cadaveris; aut ejus partis concrematione. In colligendis per primum modum argumentis, caute atque circumspicte procedendum est, ob dictam effectuum ex diversis plane causis ortorum similitudinem.

Certa enim corpora immo alimenta venenorum interdum symptomata excitare possunt. Sic esum mytilorum der Muscheln, subinde eadem

I 3

sym-

d) Meister Princ. Jur. Crim. S. III, c. 10. §. 7.

ſymptomata, quae venenum praefentiffimum, excitare, ter quaterve in neceſſariis ſuis et familiaribus non ſine horrore ſe vidiffè teſtatur LEYSER *e*). Similes effectus a comefitione coturnicum obſervavit NEBELINUS *f*) Idem de alaudis teſtatur HOFFMANN *g*) qui rationem in eo ponit, quod conturnices et alaudae certis temporibus lolio temulento abunde veſcantur. Plures alias huiusmodi cauſſas nobis exhibent ZACHIAS *h*) HOFEMANN *i*) HEBENSTREIT *k*), ESCHENBACH *l*) alique.

Haec iam ſufficerent ad hunc motum corpus delicti detegendi dubium reddendum; ſed his inſuper illud accedit, quod, licet quorundam ſymptomatum praefentia nocivam applicationem arguere poſſit; non tamen unius aut alterius abſentia applicationi repugnet, ſiquidem facinororum artes claudeflinae mirifice creverunt, quibus applicati veneni veſtigia tegere ſolent.

Sic

e) Spec. 609. m. 3

f) in Ephemerid. A. Nat. Curioſ. Cent. 9. obſ. 60

g) Diff. de caut. et circumſp. ven. dat. accuſ. ſ. 7.

h) Conf. XII. n. 6.

i) Medic. Syſt. T. IV. P. III. S. II. c. 8. ſ. 6. et II et T. IV. P. I. S. I. c. II.

k) Anthrop. for. S. I. ſ. 10 ſq.

l) Medic. legal. S. I. ſ. 10. ſq.

Sic ex faucium infectione ſæpius colligunt quod ex actis obſervavit BOEHMER *m*), venenum propinatum fuiſſe, quum tamen hoc nonnunquam datum eſſe poſſit, ita involutum, ut fauces non inficiat. Quae dum ita ſint, prudens cautus-que iudex parum certitudinis tribuere debet hiſce indi- ciiſ, niſi adhibito prius Medicorum conſilio et auxilio. Quum enim omnia haec ſigna in aegroto aut mortuo abſque cadaveris ſecti- one obſervata, vel peritiſſimos in arte medendi fallere poſſint, ut citati auctores probant; quanto minus ſuis ſenſibus confidere debeant Juriſti, in HIPPOCRATIS ſchola ut plurimum peregrini? Unde optimo jure BOEHMER *n*) vapulat CARPZOV, quod iudicium *Medici* circa talem rem neglexerit, in qua omnis fere certitudo a ſumma artis medicae peritia pender.

§. XVII. *De peritiâ**Secundus modus.*

Multo magis *ſecundus modus*, interna nempe cadaveris inſpectio ad forum medicum pertinet. Ut haec inſpectio rite procedat, *legalis* uti vo- cant, *ſectio* iſtituenda eſt, omnia accurate inſpicienda ſunt, et in exactam atque ſpecificam relationem, quam *Viſum repertum* practici vo- cant, redigenda; ut non temere, ſed cauto ju- dicio de re tanti momenti iudicari poſſit. Hanc

I 4

inſpe-

m) ad C. C. C. art. 130. §. 2. *Ejuſd.* Obſ. l. ad Carpz. q. XXI.

n) Obſ. cit. cſ. ad C. C. C. l. c.

inspectionem leges quidem non diferte jubent; eum autem defectum analogiam art. 149. C.C.C. supplere monet BOEHMER o).

Quod ad modum attinet, quo sectio peragenda sit, is non semper Medicorum arbitrio indistincte reliquendus est; sed quandoque pro re nata Medicis injungendum, ut ad hoc vel illud magis attendant p). Non obscura est huius petiti ratio, Quum enim venena pro modo applicationis hanc vel illam partem magis afficiant, et iudici de eo nasci suspicio queat, oportet, ut haec instituta sectione vel diluatur, vel confirmetur. Quare, si iudex suspicatur, venenum non cum cibo potu vel medicamentis interne captis propinatum fuisse; sed vel per aures dormienti, vel herbae Nicotianae immixtum q), vel alio quocunque modo applicatum fuisse; illud

o) *Id est §. I.*
 p) Id quod etiam in aliis criminibus locum habet. Immo sectioni adstantem iudicem, ubi id fieri solet, quandoque medicum, ut hoc vel illud accuratius perscrutetur, monere posse, recte tradit. Joh. Pet. Brinkmann *Anweisung für Aerzte und Wundärzte, um ben gerichtlichen Untersuchungen vollständige visa reperta zu liefern; und wie die Rechtsgelehrten wissen können, ob von Seiten der ersten das Gehörige beobachtet worden.* Düsseldorf 1781. 8. 1. Abschn.

q) cf. BOEHMER *Obs. cit. et §. 32. nostrae Diss.*

huc Medicis eo fine indicandum est, ut non modo *truncum* sed et *caput* aperiant, et de iis, quae ibi detexerint, iudicem certiores reddant.

Aperto cadavere, vel sola partium internarum laesio apparet, vel residuum quid de materia applicata invenitur. *Prior casus* indicia praebet, ob easdem fere rationes, quas supra allegavimus, dubia atque fallacia. Nam si de veneni deglutitione quaeritur; oesophagi inflammationem, sphacelosam corruptionem atque perforationem in ventriculo, intestinis et aliis visceribus, maculas nigras, liquamen viride, vesicas et similia signa, quorum multa pro veneni genere diversa recenset CREMANIVS *r*) et modo citati auctores, illa, quae externe observari solent, certitudine non multum superare probat ALBERTIS *)* HOFFMANN *t*) et ESCHENBACH *u*).

E contrario METZGER *x*) casum adducit, quo quis deglutito arsenico mortuus est, quamvis nihil de hoc veneno ad canalem intestinorum

I 5

per-

r) de Jur. Crim. T. II. L. I. P. III. c. 2. art. 4. §. 199. not. I

s) Jurisprud. Med. P. I. c. 13. §. 29. sqq. p. 266. et P. II. casus 19. p. 134.

t) II. citt.

u) Med. leg. I. c.

x) Gerichtliche medicin. Beobacht. I. Jahrg. Königsb. 1778.

pervenerit. Num denique responsis, quae cum
 HEBENSREITIO y) denuatam ventriculi super-
 ficiem internam et crustam eius villosam liqui-
 dis ventriculi innatantem, pro indubitato vene-
 ficii signo habent, a iudice plena fides habenda
 sit, dubito. quum ea expendam, quae laudatus
 HOFFMANN z) de incertitudine indiciorum tam
 externorum quam internorum in genere docet.
 Verba notatu digna hic appono. *Ardua inquit
 sane provincia ei imponitur, cui determinandae
 ejusmodi quaestiones exhibentur, a quarum af-
 firmatione, vel negatione fama, quin vita ho-
 minum dependet. Valde ancipites enim plerique
 de veneficiis sunt casus; cum primis, si anato-
 mica defuncti corporis sectio deficiat. Hac facta;
 si venenum in substantia adhuc intra ventricu-
 lum reperitur, res est clarissima: ubi vero illud
 haud deprehenditur, res adhuc dubii plena exi-
 stit. Inflammationes enim ac siderationes inte-
 stinorum, in omni cholera, sive a veneno, sive
 aliis causis enata, quin et in aliis morbis, dy-
 senteria, colica convulsiva etc. vitae imponunt
 finem; nec ideo certi quidpiam ostendunt. Nec
 ex omni dubio extricamur per intumescentiam
 externi cadaveris, aut maculas coeruleas ac li-
 vescentes hinc inde in corpore efflorescentes:*
 quippe

y) Anthropol. forens. S. II. m. II. c. 2. art. 5.
 §. 21.

z) Med. Syst. T. IV. P. III. S. II. c. 8. obs. I.

quippe quae phaenomena in plerisque corporibus, quae sanguine turgent, ac subitanea abripiuntur morte, videre licet. Quamobrem in tali, casu praeter symptomata, et externas notas, ad morales quasdam circumstantias respiciendum est.

Cum HOFFMANNO conspirat MORGAGNI a) Immo GALENVS b) jam hanc incertitudinem agnovit, dum, eodem fieri affectus, observabat, et a lethalis veneni potione, et a corruptione quae a corpore ortum habeat, scilicet posse hanc esse adeo vehementem, ut veneni tum qualitatem, tum vires aequet. Hanc incertitudinem adhuc magis confirmat Trufaniae s. Trufaniae infamis veneficae Neapolitanae exemplum, quae a 1720 tanta arte suum componebat toxicum, Acquetta (di Napoli) dictum, ut non solum colore, odore, et sapore aquam fontanam referret, sed nullum fere in corpore humano vestigium relinqueret, et qui illo perierunt, pectoris morbo e vita decessisse viderentur. c).

Po-

a) de Sedibus et causis morborum T. II. L. IV.

Ep. 59. n. 17. sqq. p. 382.

b) I. 6. de loc. aff. c. 5.

c) Causes célèbres T. I p. 230. Edit à la Haye 1747. 8. art. célèbre empoisonneuse. Joh. Beckmann Beyträge zur Geschichte der Entdeckungen. 2 St. 6ter Auff. Commerc. Litter. a. 1737. p. 182.

Posterior casus, ubi nempe residui quid de materia applicata reperitur, solus veneni applicati certitudinem promittit. Ut itaque haec obtineatur, quanta unquam fieri potest, industria; vasa corporis, ad invenicndas veneni cujusdam reliquias exploranda sunt. Quod si non amplius in forma naturali appareant, contenta vasorum mediis chemicis examinanda sunt; qualia de multis toxicorum generibus tradunt, qui de chemia, de venenis, de medicina legali et similibus scripserunt eruditi. Aliud medium minus artificiale ad residuum explorandum proponit ESCHENBACH *d*), experimenta scilicet in canibus aliisque brutis instituenda, quibus vasorum contenta propinari deberent. Concedit quidem hic auctor ab effectibus quos in *brutis* exserunt venena, ad effectus in *homine* non simpliciter valere consequentiam. Quod si autem *effectus plane eosdem* iterata experientia testetur; hanc conclusionem tuto admitti posse, autumat, atque statuit: de hisce effectibus a venenis in specie *corrosivis* tam in *homine*, quam in *brutis*, iisdem, dubium post tot experimenta superesse nullum. Quam fallacia tamen sunt huiusmodi experimenta, ostendit MORGAGNI *e*); qui observationem adducit, ex qua patet, bilem aeruginosam infantis, a brutis devorata[m] fortissimi veneni effectus edidisse. Quod e contrario fortissi-

e) *Med. leg. c. I. S. I. §. II.*

d) *l. c. n. 18.*

fortiſſima venena rodentia, a brutis quandoque ſine mortis periculo ſumantur, probat SPROEGELIUS *f*) qui canibus vitrum Antimonii et Cobaltum, Arſenici mineram propinavit; quae venena incolumes evomuerant. Experimentum ipſe feci, atque catulo totam Arſenici albi drachmam propinavi. Elapſis duabus circiter horis Arſenicum atque carnem cui immixtum erat, evomuit; propinatam deinde aquam in ſe ingurgitavit, atque elapſis duodecim horis ſanitatem recuperavit. Eundem catulum nuce vomica deinde necatum diſſecui, atque nullam plane inflammationem in inteſtinis deprehendi.

§. XVIII.

Tertius modus.

Quaecunque hucusque de modis poſtერიorem corporis delicti partem in mortuis praecipue eruendi dicta ſunt, locum habere poſſunt, ſi cadaveris inſpiciendi copia ſit. Quodſi autem cadaver jam terrae mandatum ſit; illud effoſſum quoquo modo examinandum eſt. Cadavere vero jam temporis lapſu corrupto; ad *tertium modum* perveniendum eſt, nimirum teſtium examen, ita inſtituendum, ut illorum depoſitiones ſuper ſignis veneni atque ſymptomatibus bene

f) *Experim. circa varia venena etc.* Experimenta cum brutis inſtituta pro fallacibus in genere declarat quoque LUDWIG *Inſt. Med. for. Lips. 1765. 8. §. 331.*

ne ponderentur atque examinentur et ut postmodum jurato Medici sententiam suam aperiant atque judicem de hac re instruant *g*). Hunc modum omnium fere incertissimum esse, quilibet videt. Hinc etiam talia testimonia ad veneni propinationem probandam minime sufficiunt. Nec magis acquiescendum in sola depositione aegroti vel rei, venenum applicatum esse affirmantium, siquidem hic vitae taedio, ille odio vel alio animi affectu, uterque autem vana persuasione adacti esse possint. *h*).

§. XIX.

Quartus modus.

Concremationi denique vel totius cadaveris, vel illius partis ceu *quarto modo* nonnunquam fortasse locus esse potest, licet illud per sat longum tempus jamjam humatum fuerit; dummodo veneficii Arsenico commissi fundata suspicio talem effossionem suadeat, alias ob imminens infectionis periculum non temere peragendam. Concrematio haec eo nititur fundamento, quod minimam illius pharmaci quantitatem, oculis vix distinguendum, quando igni exponitur, aëra longe lareque alliaceo odore gravissimo inficere, notum sit. Haec Arsenici quali-

g) CARPZOV *P. l. q. XXI. n. 7.*

h) OLDEKOP. *T. IV. observ. 3.* STRYK *de jure sens. D. I. c. I. n. 27. Theod. Coll. crim. c. VIII. Th. 6. n. 14.*

qualitas forsan in caussa est, cur apud Romanos venefici ex regno ut plurimum vegetabili venena desumerant, uti ex Latii scriptoribus patet; ne scilicet rogos, eorum occulta facinora tam facile manifestaret. Melius adhuc *quartus* hicce *modus* procedere videtur, si concrematio in vase clauso instituitur. Quem in finem intestina retortae, uti chemici loquuntur, commissa sufficienti igne destillantur; quaeque destillationis ope obtenta fuerint, variis modis examinantur.

Sublestae fidei esse videntur, quae PLINIUS i) et SUETONIUS k) tradunt: cor in veneno interemptis cremari non posse, et exemplum adducunt *Caesaris Germanici* cuius mortem ulcisci voluit *Vitellius* in *Cn. Pisone*, quem veneficii, iussu Tiberii in illum commissi reum coarguit, illo usus argumento. Quicquid sit, res adeo probata non est, ut eam cum CARPZOVIO l) tam facile inter indicia veneni dati referrem; tum, quod ipse PLINIUS addiderit, idem de illis praedicari, qui cardiaco morbo obierint, et *Pisonem* genere morbi defensum esse; tunc praecipue, quod THUANVS m) idem de *Ulrico Zwinglio* in historia reformationis notissimo narrat,

i) *Hist. Nat. L. XI. c. 37. Sect. 71.*

k) in *Caligula c. 1. cf. TACIT. Ann. [III.*

l) *P. I. q. XXI. n. 3.*

m) *Hist. L. I. ad a. 1531.*

rat, quem veneno necatum fuiſſe, ex hoc ſcriptore nullus eruet; ſed potius fontem inveniet, ex quo eiſmodi hauriri ſolent traditiones. Tigurini inquit, vincuntur, ipſe Zwinglius in primis ordinibus fortiter pugnans occubuit. Religioni tributum a Tigurinis et qui cum illis ſtabant, quod, cadavere flammis ab hoſtibus tradito, cor exuri non potuerit; cum tamen conſtet, in quibusdam corporis humani, partem eſſe quandam, in quam nihil ignis poſſit... adeo turbatis odio aut amore animis ... pro ſe quiſque omnia ſuperſtitioſe interpretatur.

XX.

Detectae materiae examen.

Detecta qualicunque modo materia, cuius applicationi morbus aut mors inſecuta adſcribitur; inquirendum eſt in eiſ indolem et qualitatem; an ſcilicet illa naturam humanam alat aut mutet? Quanam ſit illius quantitas, et an ea, quae data fuit, doſis, homini mortuo vera necis cauſſa ſit, aut ſaltem illo non mortuo talis, neglecto auxilio fuiſſet? Quarum rerum diſquiſitio rursus a Medicis inſtituenda et ſupradictae ſpecificae relationi inferenda eſt, ut tandem iudicii innotescat, utrum *venenum malum*, an *materia nociva* modo porrecta ſit, et in quantum ideo de *corpore delicti* conſtet. De hoc autem conſtare debet plus vel minus, prout vel ad condemnationem, vel ad torturam, vel ad ter-

ritio-

tionem, vel ad juſjurandum purgatorium, ubi haec locum habent, veniendum ſit *n*); quae omnia certis limitibus includi nequeunt, ſed ſoli fere judicis arbitrio relinquenda ſunt.

Illud quidem certo affirmari poteſt, pleroſque veneficos, ſi certitudinem in ſolis veneni reliquiis poſueris, atrociffimum crimen impune patratuſe eſſe, quum venenum propinatum raro in cadavere reperiatur, et illius veſtigia ſaepeius a reo ſubdole aboleantur. Itaque ad condemnationem ſaris conſtare videtur, de corpore delicti, ſi cum criminis probatione ex indiciis auctoris petita, concurrunt luculenta propinati veneni ſigna *o*) quo etiam abolitionem veſtigiorum pertinere praejudiciis firmat LEYSER *p*). Quod ultimum vero non tam facile admitterem, morte non ſecuta, niſi aliunde de quantitate veneni dati conſtaret, vel venenum abſolutum porrectum eſſe, probari poſſit.

Illud autem reſpectu poenae parum referre videtur, quo genere veneni laeſio illata; dummodo verum venenum applicatum ſit *q*). Plane puta-

n) BOEHMER ad C. C. C. art. 6 §. II. ſqq.

o) art. 6. C. C. C. ſo viel möglich, und nach geſtalt und gelegenheyt eyner jeden Sache geſchehen kann, erkundigt werden muß.

p) Spec. 609. med 7.

q) cf. tamen §. 39. h. Diſſ.

putativum veneficium vere tale non esse, si opinio propinquantem fefellit, et nulla materia venenosa intercesserit, recte adnotat BOEHMER r).

§. XXI.

An morte non secuta ordinaria poena locum habeat?

Quum porro in veneficio constare debeat, jure Romano *insidias vitae structas esse*, jure Carolino autem *vitam vel sanitatem laesam esse*; sequitur ratione poenae ordinariae nihil interesse, utrum alter mortuus sit, nec ne. Et ita ad celeberrimam illam pervenimus quaestionem: *an sanitate veneno laesa, morte autem non secuta, in veneficio poena ordinaria locum habeat?* Quam alii ita proponunt: *an Conatus, qui ad actum proximum pervenit, in veneficio poena ordinaria puniendus sit?* qui ita loquuntur, sub *conatu* actum intelligunt, quo quis facti consummationem intendit; et sub *consummatione* talem effectum, qui intentioni delinquentis respondet s), adeoque mortem ad venefici-

r) ad C. C. C. art. 130. §. 1. fin.

s) cf. Carpz. P. I. q. II. n. 51. et P. I. q. XXII n. 33. sqq. Zöller et Wilke Diss. de Poena veneficii attentari quamvis irreparabile inde oriatur damnum, ad mortem non extendenda. Lipsiae 1761. §. 2. Vogel Diss. de Veneficii s. Homicidii per venenum attentati in casu, ubi mors non ipsa secuta, poena non capitali

cii conſummationem requirunt. Sub *ordinaria* poena eam intelligunt, quae in quodam delicto a lege expreſſa eſt. Eas vero poenas, quarum definitio iudicis arbitrio relicta eſt, *extraordinarias* ſive *arbitrarias* vocant t). Quum vero nonnulli dubitent an hae poenae, lege haud diſerte prohibente, ad mortem uſque extendi poſſint u); hinc in iis criminibus, in quibus gravius mortis genus pro ordinaria dictatur, DD. diſtinguere ſolent, inter poenam *ordinariam*, poenam *mortis* et poenam *extraordinariam* ſ. *arbitrariam* x). Multa hic forte dicenda eſſent, ſi haec accuratior examini ſubjicerentur; ſed ſi vel maxime illa admittimus, noſtram tamen ſententiam cum legibus convenire extra omnem dubitationis aleam poni poſſe, arbitramur.

Quod ad leges Romanas attinet, earum verba exhibemus. In L. 1. §. 1. ff. ac L. Corn. de Sic. et Venef. dicitur: Lege Cornelia tene-

K 2

tur,

capitali. Drefd. 1715. oppoſita *Wagneri* Diſſ. de Venef. ſ. homic. etc. poena capitali. Erfurti 1715.

- 3) *Carpzov* P. III. q. CXXVIII. n. 1. et 13. cf. *Boehmer* Elem. Jpr. Crim. S. II. c. 1. §. 9. *Meiſter* S. II. c. 1. §. 19.
 u) *Püttmann* El. Jur. Crim. L. 1. c. 2. §. 84.
 x) *KRESS* ad C. C. C. art. 178. §. 2. not. 6. n. IV *Boehmer* Obſ. IV, n. ad *Carpz.* P. I. q. II,

tur, qui hominis necandi causa venenum confecerit, dederit. In L. 3. pr. ff. eod. Ejusdem Legis Corneliae de sicariis et veneficis capite quinto, qui venenum necandi hominis causa fecerit vel vendiderit, vel habuerit plectitur et §. 3. Alio SCto effectum est, ut pigmentarius, si cui temere cicutam, salamandram, aconitum, pituocampum aut bubestrin, mandragoeam et id, quod lustramenti causa dederint cantharidas, poena teneantur hujus Legis. et §. 5. I. de publ. jud. Item Lex Cornelia de sicariis, quae homicidas ultore ferro persequitur, vel eos, qui hominis occidendi causa cum telo ambulant... Eadem Lege et venefici capite damnantur, qui artibus odiosis tam venenis, quam susurris magicis homines occiderint, vel mala medicamenta publice vendiderint.

NEMESIS CAROLINAE art 130. verba haec sunt: Item. wer jemand durch Giffte oder vbenen an Leib oder Leben beschädigt, ist es eyn Mansbildt, der soll eynem fürgesetzten Mörder gleich mit dem Radt zum Todt gestraft werden. Thät aber eyn solche Missethat eyn Weibsbilde, die soll man eutrencken, oder in andere Weg nach Gelegenheyt vom Leben zum Todt richten. etc.

Plane sunt hae Leges, et nulla ulteriori explanatione indigere videntur. Disertis enim ver-

his conatui, qui ad actum remotum pervenit, ordinariam poenam dictat legislator Romanus. Quare non video, cur ALOYSIUS CREMANIUS y) iis adſtipuletur, qui jure Romano mortem ſecutam eſſe volunt. Minus ſevere ſtatuit CAROLUS V, quum in conatu actum conſummationi proximum ſcilicet læſionem corporis aut vitæ requirat, ut ordinaria poena locum habere poſſit.

§. XVII.

CARPZOVII ſententia rejecta.

Quae cum ita ſint, rejicienda mihi videtur illorum ſententia, qui cum CARPZOVIO z) pro extraordinaria poena pugnant, et ne ullam quidem capitis poenam admittunt. Miſſis, quae ex jure Saxónico adducuntur, praecipua CARPZOVII argumenta quatuor propoſitionibus includi poſſunt.

I. In delictis etiam atrociffimis, conatibus quantumvis ad actum proximum devenit, ordinaria poena non eſſe puniendum niſi Leges expreſſe contrarium diſponant,

II. Jure communi in conatu hic nullam capitis poenam ſtatutam eſſe.

III. Contra jus commune aliud introductum eſſe, et de conſuetudine generali co-

K 3

na-

y) de Jure crim. l. c. §. 198.

z) P. l. q. XXI. n. 33. ſqq.

natum mortis poena non puniri, effectu non secuto.

IV. Particulam *oder ex more stili Carolini* pro *und* positam esse.

Quod ad *primam* propositionem attinet, ea regulam sistit ex JULIO CLARO desumptam, quam perperam *C. C. C. art 178.* approbatam esse contendit *a*); immo inferius docebo, contrarium plane ex hoc *art.* probari posse (§. 25.).

Quum *secundae* propositioni supra citatae leges Romanae aperte contradicant, auctor concedit quidem, eos qui necandi causa venenum vendunt, retinent vel tractant, poena *L. Corn. teneri*; sed poenas *L. Corn. varias.* in *L. 3. §. pen. ad L. Corn. de Sic.* recenseri asserit.

Verum enim vero diversitas haec poenarum, non ad varias criminum species, quae in hoc titulo occurrunt, respicit; sed ad personas, sintne honestiores aut viliores, et quidem ita, ut, hac ratione habita, unica modo poena sive potius idem poenarum gradus observetur. Id quod ex primis juris Romani principiis fluit *b*). De hac diversitate poenarum adhuc dabitur dicendi occasio, quando de poena nobis sermo erit (§. 36. sq.). Non dicam, quod hic auctor juris communis aylum perperam in *LL. Romanis* quae-

a *Carpzov. l. c. n. 38. cf. q. XVII. n. 11.*

sqq.
b) *cf. L. 41. ff. de Poen.*

quaesiverit, quod in Carolina quaerere debuisset, ex quo ipsa crimina potissimum aestimanda iudicavit, ea propter a BOEHMERO c) jam notatus.

Tertiam propositionem haud probatam esse, idem ostendit auctor d) et invitus confitetur CARPZOV, dum illam ex LL. scriptis probare vult; quod superfluum foret, si generalis consuetudo earum dispositionem sustulisset.

De ultima propositione vix est, quod moneam, quum ea a magni nominis DD. BEYERO e), LEYSERO f) WAGNERO g) BOEHMERO h) MEISTERO i) et PUTTMANNO k) satis superque refutata sit. Illud tantum addo; nos fere omnibus haecenus a DD. prolatis argumentis forsitan carere posse; quum Imperator alio loco distincte explicat, quid sub verbis *Leib oder Leben beschädiget* intelligit; scilicet art. 136. C. C. C. ubi verba an *Leib oder Leben*

K 4

Scha.

c) in *Observ. V. ad Carpz. P. I. q. XXI.*

d) l. c.

e) ad C. C. C. art. 130. Pos. 11.

f) *Spec 609. m 16. sq*

g) *Diss. de Veneficii s. Homicidii per venenum attentati in casu ubi mors non ipsa secuta, poena capitali.*

h) *El. Fur. crim S. II. c. 20. §. 236. not. e, in cit. Obs. V. ad Carpz.*

i) *Princip. Fur. crim. S. II. c. 22. §. 1. n 2.*

k) *Elem. Fur. crim. L. I. c. 22. §. 361.*

Schaden thun möchte mox ita exponit Schaden thāt oder entleibt, quae verba absque dubio disjunctiva sunt. Qui, quaeso, cum bonae hermeneuticae artis regulis conveniret, eandem locutionem, sub eodem rubro, paucis interiectis articulis, mox *disjunctive* mox *copulative* sumere?

§. XXIII.

CARPZOVII affeclarum argumenta ex jure Romano.

Infirmiſſimam *CARPZOVIANI* *rationis* plures videntur eius affeclae; quapropter nova, tam ex iure Romano quam communi Germanico excogitaverunt argumenta *l)* quibus probaretur, poenam ordinariam in crimine veneficii, morte non secuta, exulare. Ad hanc classem cum aliis pertinet *WILKE m)* qui inter alia nostrae sententiae opponit verba *PAPIANI n)*: *Fraudis interpretatio semper in jure civili non ex eventu duntaxat, sed ex consilio quoque desideratur.* Ex quibus concludit, quodsi unum ex his *eventus* sive *consilium* desit, poenam ordinariam locum habere non posse. Ut taceam, de fraude in causis civilibus hanc Legem loqui, quod ex Lege, quae nostram praecedat, et utrius-

l) cf. *VOGEL* Diff. cit.

m) Diff. cit. §. 9.

n) L. 79. ff. de R. J.

utriusque Legis inſcriptione patet ; falſam conſequentiam ex illa inferit WILKE. Nam illud quidem verum eſt, quod etiam in delictis non ſolus eventus ſpectari debeat, ſed et conſilium; quoniam alias de facti qualitate, utrum dolo, culpa vel caſu commiſſum ſit, conſtare non poſſet, et ſic unus ex praecipuis modis deficeret, quos in puniendo iudex conſiderare debet o), Sed exinde non ſequitur, conſilium ſolum, quod eventu caret, poena ordinaria puniri non poſſe. In Lege Cornelia certe ſolum conſilium ad poenam ordinariam ſufficere, probant verba PAULI p): *In Lege Cornelia dolus pro facto accipitur i. e. dolus ad poenam L. Corn. ſufficit, etiamſi eventus non fuerit ſecutus. Cum verbis PAULI conſpirant dicta D. HADRIANI q). In maleficiis voluntas ſpectatur non exitus; et ULPIANI r). Nihil intereſt, occidat quis, an cauſſum mortis praebeat.* HADRIANI tamen verba non tam ſtrictè capienda ſunt, ut in ſola voluntate nullo plane facto externo declarata ſubſiſtendum ſit, cogitationis enim nulla poena eſt s); ſed eorum ſenſus hic eſt; poena ordinaria reum afficiendum eſſe, ſi factum aliquod

K §

com-

o) L. 16. ff. de Poenis.

p) L. 7. ff. ad L. Corn. de S. et V. cf. L. 1.

§ 3. eod. et L. 16. §. 8. ff. de Poenis.

q) L. 14. ff. ad L. Corn. de S. et V.

r) L. 15. ff. eod.

s) L. 8. ff. de Poenis. c. 14. et 20. de Poenit. D. 1.

commisit, ex quo dolus a lege praesumitur, licet eventus intentioni non responderit.

His non obstant, quae in contrarium allegari solent leges: L. 1. §. ult. quod quisque jur. in alium stat. L. 1. pr. et §. ult. ff. de extr. crim. L. 6. L. 22. §. 4. ff. ad L. Corn. de fals. L. 21. §. 7. ff. de furtis. L. 3. ff. de his, qui not. infam. in quibus delicto non consummato, poenae ordinariae locus non datur. Hae enim leges primum ad alia delicta pertinent. Deinde verba HADRIANI: in maleficiis voluntas spectatur, non exitus, haud generalem regulam sistunt, quae in omnibus aut plerisque delictis obtinet, uti quidam existimant *t*), generalibus seducti verbis: in maleficiis; sed regulam specialem, quae ad casus in L. Corn. de Sic. et Venef. expressos, non autem ad alius generis delicta pertinet, nisi discretis verbis, voluntatem in hoc vel illo crimine spectandam esse *l* ex praeceperit *u*). Haec enim est ratio cur titulo ff. ad L. Corn. de Sic. et Ven. inserta est, et non titulo cuidam generalis. gr. de Reg. juris etc.

§. XXXIV.

1) Cujacius Obs. LVIII. c. 22. L. XV c. 25.

2) Ita quoque sentire videtur Binkershoek.

Obs. Jur. Rom. L. III. c. 10. qui existimat Hadriani descriptum non de quocunque maleficio, sed de maleficio, quod ita per eminentiam dicitur, et quod in Titulo C. Theod. et Justin. de Malef. et Mathm. damnatur, intelligendum esse.

S. XXIV.

Continuatio argumentorum ex jure Romano desumptorum.

Cui modo respondimus argumento, illud addit WILKE x) quod nequidem Lege Cornelia conatus ultimo supplicio punitus fuerit; idque probare conatur ex Nov. 115. c. 3. et 5. et c. 2. §. 2. ubi inter causas exheredationis refertur: *Si liberi vitae parentum suorum per venenum, aut alio modo insidiari tentaverint. Et si venenis aut maleficiis, aut alio modo parentes filiorum vitae insidiati probabuntur.* Ex his verbis ita suas rationes subducit: quod si conatus in crimine veneficii ultimo supplicio fuisset punitus, inutilem esse talem exheredationem; quia haec poenam involvit, quam mortuus subire nequit, et liberi ob delicta parentum poenas non luunt, nisi in crimine perduellionis. Hoc tamen ratiocinium, ut taceam illud disertae Legum dispositioni contradicere y), falso superstructum est fundamento, quia supponit reum semper ante testatoris mortem ultimo supplicio affectum esse. Haec thesis autem quam maxime vacillat, quum poena quandoque vel plane non, vel saltem post mortem testatoris demum irrogaretur. Illud factum est, si nec ipse testator, nec alius, eo vi-

x) l. c. § 9.

y) L. 1. in f. ff. ad L. Pomp. de Parricid. L. 1. §. 1. L. 3. pr et §. 3. ff. ad L. Corn. de Sic. § 5. J. de Jud. publ.

vente reum accusabat, et illo mortuo, reus querelam inofficiosi testamenti haud movebat eoque exheredationem justam agnoscebat. Hoc, contigit, si reus, testamentum dicta querela convellere studebat. Tunc enim probato a herede crimine, non solum exheredatio exitum habebat, sed reus quoque poenis afficiebatur Legibus definitis z) Idem illud dicendum de eo casu, quo accusatio quidem ante mortem testatoris, vel ab extraneo, vel ab ipso testatore instituta fuerit, hic autem ante rei condemnationem testamento facto mortuus sit.

§. XXI.

Carpzovii affectuum argumenta ex jure Carolino.

Plures Jcti, ut CARPZOVII sententiam defenderent, C. C. C. verba captant et in suos usus torserunt. Inter hos occurrunt GRASSUS, WERNERVS, et TEXTOR, quibus autem solide respondit BOEHMER a). Superest, ut WILKII b) argumenta rimemur. Hic relictis aliis praesidiis provocat ad NEMESIS CAROLINAE art. 178. qui in genere poenas dicat in delicta attentata. Quum autem secundum WILKIIUM in quaestione, an morte non secuta poena ordinaria in veneficio locum habeat? ageretur de delicto atten-

z) Nov. 115. c. 3. fin. etc. 4. §. 5. et §. 8.

a) Obs. V. in Carpz. P. I. q. XXI.

b) l. c. §. 10.

tentato; inde concludit, omnem litem ex hoc articulo 178. decidendam eſſe. Addit, quod ſi quaestio haec jam alibi in C. C. C. decisa fuisset, fruſtranea plane opera hunc articulum addidiſſet legiſlator. Id autem eſt, quod negamus. Nam ex eo, quod imperator in uno vel altero articulo C. C. poenam conatus in hoc vel illo crimine definiſſet; minime ſequitur, alium articulum, in quo regulam generalem de conatu puniendo tradit, ſuperfluum eſſe, quum innumeri dentur caſus, in quibus huius articuli diſpoſitione opus eſt; ſed id ſolummodo ſequitur, quod regula generalis, quae in art. 178. continetur, jam in art. 130. in ſpecie ad crimen veneficii applicata ſit.

Sed dabo auctori noſtro, litem ex art. 178. C. C. C. decidendam eſſe, nihilominus cauſa cadet, dum ex hoc articulo probare vult, non modo poenam ordinariam rotæ, ſed omnem mortis poenam in propoſita ſpecie exulare.

Nam verba finalia huius articuli an Leib oder Leben declarant, poenam mortis nonnunquam locum habere in conatu. Quænam vero ſint iſta crimina, ubi conatus morte puniſtur, ibi quidem determinatum non eſt. De atrociffimis certe, in quorum numero veneficium eſt, id intelligendum eſſe, nemo facile negabit. In huius ergo criminis conatu puniendo, ſi ad actum proximum peruenit; extraordinaria poe-
na

na, quod WILKIO placet, locum habere non po-
teſt. Quod autem non ſolum mortis poenam,
ſed ordinaria rotæ ex mente C. C. C. inflig-
genda ſit pluribus docet BOHMER ^c) et nos ſupra
probavimus. Quod adeo verum eſt, ut perito ju-
dici non tantum mortis poenam dictare, ſed et ge-
nus ſupplicii pro re nata determinare, adeoque ro-
tæ poenam imponere liceat, ut indicant verba *art.*
178. Aber in eynem Fall herter dann inn dem
andern, angeſehen gelegenheyt und geſtalt
der ſach, darumb ſolcher ſtraff halben die
Urtheiler, wie hetnach ſteht, raths pfle-
gen, wie die an leib oder leben zu thun ge-
bürt. Qui verborum ſenſus eo confirmatur,
quod eadem diſpoſitio et in aliis articulis C. C. C.
clarioribus adhuc verbis obtineat, quotieſcun-
que ſcilicet ultimi ſupplicii genus vel plane non,
vel non ſatis definitum eſt. Huc pertinent *art.*
104. C. C. C. ubi hæc: Nach ordnung
eynes guten Rechtverſtendigen Richters. .
die formm und weiß derſelben tödtung halten
und urtheylen et paucis interjectis die formm
und maaf. . . erkantnuß verſtendiger Rich-
ter bevelhen, und in derſelben willführ ſehen,
die ſtraff nach gelegenheyt und ärgernuß
der übelthat. . . zu ordnen und zu machen *art.*
124. C. C. C. ubi arbitrio committitur juris
peri-

c) Obſ. IV. n. 5. ad Carpz. Pl. c. I. ſ. 24. et
ad C. C. C. *art.* 178. §. 1. l. Eiusd. El.
Jur, crim. Sect. I. l. 8 ſqq.

peritorum; an dissectionem post decollationem, an vero dissectionem sine decollatione distare velint. art. 172. C. C. C. cuius verba finalia diese Dieb seynde zum todt, nach gelegenheyt der sach und Rath der Rechtverstandigen, zu straffen. Haud leve pondus addunt verba finalia art. 130. et 137. C. C. C. quibus arbitrio iudicis relinquitur externi apparatus augmentum vel deminutio, vil oder wenig, nach ermessung der Person und todtsung. Quocunque igitur se vertat Carpzovianum Lyceum, nil nisi leges offendet, sibi aperte contrarias,

§. XXVI

Leyseri et Kressi sententiae non admittae.

Facilius admitti posset illorum sententia quicum LEYSERO d) tres conatus constituunt gradus; in primo, quando valetudo eius; cui venenum datum, irreparabile damnum accepit, ordinariam C. C. C. poenam distant, eo tamen addito temperamento, ut iudex, si hoc ei aequum videatur, rotam et culeum in gladium mutare possit; in secundo gradu, quo is, qui venenum sum sit, pristinam valetudinem recuperavit, poenam ultimo supplicio proximam statuunt; in tertio denique gradu, quum venenum, antequam sumeretur, deprehensum sit, omnia judi-

d) Spec. 609. m. 15. sqq.

judicis arbitrio permittunt. Attamen ne quidem haec sententia legibus ex alle respondet; *tum*, quod art. 130. C. C. C. verba *an Leib oder Leben beschädigt*, indistincte quamcunque laesionem *sanitatis* i. e. integritatis actionum corporis et animi *e)* comprehendant; et non distinguente Lege, *J*Cti non sit distinguere; *tum*, quod in criminibus atrocioribus non tam *laesio* illata attendatur, quam sceleratus ac hostilis *animus* *f)*: *tum* etiam, quod difficillima immo incerta sit Medicorum decisio, quatenam laesio sit sanabilis, quatenam insanabilis; praesertim, quum venena acuta, depulsis symptomatibus violentis, haud raro abeant in venena lenta, quorum actio tam occulta est, ut mors, elapsis demum quibusdam annis secuta, alienae causae adscribatur *g)*, et ita periculosissima veneficia, venenis quae scilicet lentis committuntur, impunita maneant; *tum* denique, quia judici permissum non sit, sub aequitatis specie poenam ordinariam in mitiorem gladii commutare,

Ob easdem rationes multo minus legibus conveniens est KRESSII *h)* sententia, qui spre-

ta

e) Hoffmann Med. System T. II. P. I. c. 2. §. 4 p. 56.

f) BOEHMER Obs. IV. n. 5. ad Carpz. P. I. q. 11 et ad C. C. C. art. 178. §. 11.

g) cf. STENZEL de Venenis temporar. Hoffmann l. c. T. IV. p. 111. S. II. c. 8. obs. 4. p. 606.

h) ad CCC, art. §. 130. §. 4.

in omni Conatu ordinaria poena, in casu; quo perpetua invalidudo supervenerit, ad summum decollationem admittit.

§, XXVII,

Decisio ex C. C. C.

Stat ergo haec veritas: in crimine veneficii, quamcunque laesionem veneno illatam, ordinaria C. C. C. poena plectendam esse. Haec sententia non dura est, se aequitati satis amica. Neque enim, aequitatem solo justitiae temperamento et *miserericordia*, ut vulgo sentiunt, absolvi, sed in rationabili et objecto convenienti juris applicatione consistere, et rigorem poenarum ordinariorum ob singulares rationes aequae comprehendere, bene observat BOEHMER *i*). Quam sororio vinculo haec sententia cum sanae Jurisprudentialis criminalis juncta sit principiis, erudite demonstravit quoque ALOYSIUS CREMANIUS *k*) licet aliter de LL. Romanis sentiat (§. 22). Eidem fere nostrae sententiae favere videntur praecipue ZIRIZIUS *l*), et BEYERUS *m*), et modo laudatus BOEHMER *n*) qui tamen in duobus

i) Obs. V. ad Carpz. P. I. q. XXI.

k) de Jur. crim. T. I. L. I. P. I. c. I. §. 38 sqq. et c. 5 §. 51.

l) ad C. C. C. art. 130.

m) ad C. C. C. art. cit. Posit 13.

n) ad C. C. C. art. cit. §. I. et 3.

duobus me quidem non habet conſentientem. *Alterum*, quod ſtatuat, ceſſante læſione eaque antidotiſ *tempeſtive*, antequam nocere potuit, impedita, propinationem quidem in factum illicitum degenerare, ſed a noſione veneficii abeſſe, et *auſum non conſummatum* continere. Aliud dicendum eſſe, ſi alter tormina ſenſit, et *ſtatus morboſus* ſecutus, ſed medicamentiſ ſenſim repulſus, a quo læſio abeſſe nequit. Quod ſi hæc verba, prouti poſita ſunt, ſummas; contradictionem involvere videntur; quid enim ceſſans *læſio* antequam *nocere* potuit? Si autem auctoriſ ſententia hæc eſt, quod effectus veneni *tempeſtive* interruptus, ita ut ſanitas brevi reſtituta eſſe videatur, non tanquam læſio conſiderari debeat; juſto ſtrictius interpretatur verbum *beſchädiget*, ſub quo levior aeque ac gravior, tranſitoria, aeque ac permanens læſio comprehenditur. Nec rationes deſunt, quæ legiſlatorem ad talem deciſionem perducere potuerint. Ut enim taceam, quod reus ex ſua parte omnia ad conſummationem neceſſaria fecerit; vix eſt, quod talis homo ob rationes de incertitudine læſionis allegatas perfecte ſanatus dici queat. Hæc tamen quaëſtio rariuſ occurret, quum in leviſſima læſione vel veneni ſuſpicio haud facile oria-tur, vel, quod datum eſt, venenum non ſit.

Alterum in quo BOEHMERO non adſentior, eſt; quod, morte ne quidem per intervallum ſecuto

cuto, poenae ordinariae commutationem, in mitiorem quae gladii est, non invitus concedat o); quod, nisi aliae rationes mitigantes adfuerint, nec in hoc casu fieri posse, ex supradictis patet.

CAPUT. II.

De poena.

§. XXVIII.

LL. Mosaicae, Persicae, Graecae.

Leges Mosaicae nullam poenam singularem in Veneficos statuerunt, sed mortis poenam in genere iis dicant, qui hominem dolose occiderunt p)

In Persia veneficos ita punitos fuisse, ut in amplo lapide caput impingerent, rursusque alio superinducto illud effringerent, testatur PLUTARCHUS q).

Apud Graecos, qui alicui veneno insidias struxerit, ab Areopagi iudicio ad mortem condemnabantur r).

L 2

XXIX.

o) Obs. V. ad Carpz. l. c.

p) Genes IX 6. Exod. XXI, 12. Num. XXXV, 16. cf. c. 1. X. de Homicidio.

q) in Artaxerxe

r) Potters Archæol. I. Th. I. B. Cap. 19. p. 212. et p. 359.

XXIX.

LL. Romanorum antiquae.

Quum populus Romanus Regum manu gubernaretur, nulla veneficia occurrebant. Quare vix legem invenies, quae hocce crimen vindicavit. Distinctius de veneficio locuti sunt Decemviri circa a U. C. 303. quo priores XII. Tab. promulgatae et centuriarum suffragiis probatae fuerunt s) Harum LL. tabula VII. ita statuit: QUI MALUM CARMEN INCANTASIT, MALUM VENENUM faxit duitve PARICIDA ESTO. Nihilominus tamen ex hac L. ad commissam jam tum temporis veneficia concludi nequit; si vera sunt, quae LIVIUS t) narrat, de veneficiis quaesitum non fuisse ante annum ab U. C. 422. quo ad centum septuaginta matronae huius criminis reae damnatae dicuntur. Non possum, quin haec occasione I. V. GRAVINAM contra inculpationem defendam, quam illi gratuito fecit auctor quidam, operis, quod *Encyclopaediam* vocant, socius, u), dum asserit, Ictum illum absque ratione statuisse: nullam, ante annum U. C. 422. legem contra veneficos latam esse; quum a. U. C. 304. L. XII. Tabb. haec facinora coercuisset. Sed absque ullo fundamento; quum ipse GRAVINA di-

s) Heinecc Hist. Jur. L. I. c. 2. §. 26.

t) Hist. L. VIII. c. 18.

u) Encyclopaedie art. Poison.

disertis verbis doceat, LL. Decemvirales poenam veneficis dictasse x) verba autem, quae captat auctor Gallus, ex LIVIO y) desumpta sint. Quaestionem itaque sive inquisitionem in crimen cum legis poenalis latione confudisse videtur.

Postea temporis *Legem Semproniam* contra veneficos latam esse ex CICERONE z) colligi potest.

§. XXX.

L. Corneliae Historia succincta.

Ad celeberrimam nunc *Legem Corneliam de Sicariis et Veneficis* progredimur, Nomen habet ab eius auctore L. CORNELIO SULLA Dictatore, qui pluribus LL. suo nomine insignitis rempublicam instruxit, quas omnes anno ab U. C. 671, vel insequentibus perlatas esse putat HEINECIVS a). De criminibus, quae L. *Cornelia* vindicabat, non inter omnes constat. Eadem Lege de *sicariis, veneficis et parricidis* fuisse actum, quamvis diversis praetoribus essent demandatae hae quaestiones, cum PITHOE b)

L 3

et

x) Orig. Jur. Civ. L. II. c. 62. in eiusd. Oper. ed. Lips 1717. 4. T. I. p. 222.

y) l. c. cf. CRAVINA l. c. L. III. c. 103. Op. T. II p. 438.

z) Orat. pro Cluentio c. 56.

a) Hist. Jur. L. I. c. 3. §. 92. El. Pand. P. VII. §. 198.

b) ad collat. LL. Mos. et Rom. I. 2.

et SCHULTINGIO c) putat HEINECCIUS d) atque auctores allegat, qui varia huius Legis capita nobis servaverunt. Hodie tria potissimum L, capita de *Sicariis, Veneficis et Incendiariis* superesse idem auctor statuit e) Quatuor fuisse Leges, sive potius Capita L. Corneliae I. de *sicariis et veneficis*, II. de *falsis*, III. de *paricidis*, IV. de *injuriis*, totidemque a SULLA praetores creatos, qui has quaestiones sigillatim exercerent, existimat GABRIEL DE BELLIS f). Denique DRYFHOUT g) quod capitis quinti mentio fiat in L. 3. pr. ff. ad. L. Corn. de *sic* ad minimum quinque capita fuisse statuit, in quorum I. de *sicariis et homicidis*. II. de *magistratu ex proposito innocuum capitis damnante* III. de *veneficiis*. IV. de *falso teste in iudicio publico*. V. de *incendiariis* actum sit. Plura de hac re disseruerunt MATTHAEUS h),

GRA-

c) ad Pauli Rec. Sent. V. 24. I. p. 513.

d) Antiq. Roman L. IV. T. 18. §. 58.

e) El Pand P VII. §. 198 cf. Matthaei de Crim Lib. XLVIII. Tit. V. c. 1. pr.

f) in Tract. de Delict. in gen. et in sp. de crim. laes maj. sicariis, item de veneficiis; in ej. Oper. posthum. ab ej. fil. ed. Lugd 1645.4.

g) D ff. de Homit. venef. et mathem. Lugd. Batav. 1760. c. 2. p. 28. Idem etiam de causa impulsiva L. Corn. mentionem fecit cap. cit.

h) de Crim. ad Tit. L. Corn. de S. et V. c. 1.

GRAVINA i) SIGONIVS h) RAMOS l) aliique.

Quicquid ſit, varia crimina, inter quae *veneficium* legitur, ſub *Titulo ad L. Corneliam de ſicariis et veneficis* in *Digeſta* relata ſunt, poena, quae ibi ſtatuitur, plectenda. Ad hanc legem, tanquam ſupplementa acceſſerunt plura *SCta*, quorum non omnium auctores aut tempora produciuntur, et quae legis ſententiam extendunt, reſtringunt atque explicant. Eleganter ea pro more ſuo illuſtravit GRAVINA m).

§. XXXI.

L. Corneliae Poena.

Legis Corneliae poenam ſiſtit PAVLVS n) et MARCIANVS o) qui ita loquitur: *Legis Corneliae de ſicariis et veneficis poena inſulae deportatio eſt, et omnium bonorum ademptio etc.*

Quum autem deportationis poena tunc temporis nondum recepta fuerit, ſed ſub *Auguſto* demum introducta p); aquae et ignis interdictionem deportationi ſubſtituendam eſſe cum

L 4 CVJA-

i) cap. cit.

k) de *Judic* L. I. c. 31.

l) in *Triboniano ſ. erroribus Tribon. de Poena parric. Lugd. Bat. 1728.*

m) l. c.

n) *Rec. Senz V. 23. §. 1.*

o) in L. 3. §. 5. ff. ad *L. Corn. de S. et V.*

p) *CUJAC. Obſ. L VI. c. 39.*

CVJACIO q) autumat HEINECCIUS r) Sub
Imperatoribus deinde *deportatio* in locum prio-
ris poenae successit sine discrimine, cujus quis ef-
set conditionis, uti ex *cit. L. 3* apparet. Hoc
autem postea mutatum fuit ita, ut pro persona-
rum qualitate modo major, modo minor poena
locum haberet: *Sed solent hodie* inquit MAR-
CIANVS s), *capite puniri; nisi honestiore loco*
positi fuerint, ut poenam Legis sustineant: hu-
miliores enim solent, vel bestiis subjici, altiores
vero deportantur in insulam. Cum eo conspi-
rat MODESTINVS t) et CALLISTRATVS u)

Ex his LL. patet, jus Digestorum distinxis-
se inter *honestiores* s. *altiores*, i. e. dignitate
quadam conspicuos, atque *humiliores*. Quod ad
illos attinet, sancitum est ut x) poenam Legis,
scilicet *deportationem* sustineant. Hi autem so-
lent *hodie capite puniri et vel bestiis subjici.*
Hanc autem poenam non indistincte ad omnes,
qui *humiliorum* denominatione veniunt, exten-
derem, quod tamen plures cum Glossa fecisse

vi-

q) Interpret. J. Pauli Rec. Sent. V. 23 §. 1.

r) Antiq. Rom. l. c. et Hist. Jur. l. c. in
nota.

s) in L. 3. cit.

t) in L. 16. eod.

u) in L. 28. §. 9. ff. de Poenis.

x) Vulg. et Hal. habent quam ut. Hanc lectio-
nem si admittis, sub poena L. Corn. capitis
poena, quae proprie non est L. Corn. subin-
tel.

videntur, sed solummodo ad vilissimae conditionis homines. Personas autem, qui inter hos et altiores quasi fluctuant, quas sub iis, qui in *secundo gradu* positi sunt, intelligere videtur *MODESTINVS y)*; cum *CVJACIO z)* *SCULTINGIO a)*, *HEINECIO b)*, ad gladium damnatos fuisse putarem. Ut ita sentiam, me movent non solum dicta *MODESTINI* verba, in *secundo gradu*, sed et quod Idem capitis poenam in *Decuriones* facilius admittat *c)* qui tamen in ali-

L 5

qua

telligenda erit. *Cod. Flor.* electio a consuetudine dicendi norma paullulam aberrare quidem videtur; sed ex altera parte planiorem patitur interpretationem.

y) L. 16. ff. ad L. Corn. de S. et V.

z) *Interp. J. Pauli R. S. V. 23.*

a) ad J. Pauli R. S. V. 23. §. 1. in *Jrpd. vet. Ante-Just.* cui tamen non in omnibus consentio; uti mox videbimus.

b) *Antiq. Rom. L. IV. T. 18. §. 71.*

c) L. 16. cit. Nec obstat contorta *SCHULTINGII* interpretatio *Pauli R. S. V. 23. §. 1.* in *Jrpd. Vet. A. J.* qui tamen hoc refert ad poenam deportationis, quasi illa facilius *decurioni* infligi possit. Dubitatio enim in L. 16. exinde orta esse videtur, quod *Decuriones* minori dignitate gaudebant, et eorum honores onera vix aequabant, adeo, ut aliquando cogendi essent *municipes* ad nomina curiae danda. L. 38. C. de *Decur.* ut ad *decurionatum* aliis deficientibus, etiam admissi fuerint spurii et ex incestu nati, L. 3. §. 2. L. 6. ff. *cod.*

qua dignitate viventes d) inſignibus in foro poenali privilegiis gaudebant, vi quorum ad metalla vel lignem vel furcam ſive potius crucem, poenam illi beſtiarum æqualem e) tanquam viliffimorum hominum ſupplicia f) damnari non pote-

cod. itemque filii reorum criminis, L. 1. §. 7. *f. cod.* ut denique tot privilegiis invitandi eſſent municipes ad hancce dignitatem obeundam, Ex quorum numero illud L. 15. *ff. de Poen.* et L. 6. §. 2. *ff. de Interd. et Releg.* Hinc facilius capite puniuntur, ſed nonnifi ex reſcripto Principis, quo decurionis privilegium tollitur, ſi ob criminis enormitatem id Principi viſum ſit; niſi forte tumultus aliter ſedari non poſſit; tunc enim reum punire debet deinde ad Imperatorem ſcribere. L. 6. §. 9. *ff. de iniuſto* etc. Huic quoque ſententiae favere videtur *Dionyſ. Gottofred.* in notis ad L. 16. *cit.*

d) L. 6. L. 7. L. 12. *ff. de Decurion et fil. eor.* L. 3. *C. cod.*

e) *PAVL. R. S. V. 23. §. 1.* Notum eſt, *Tribonianum* furcam cruci, ubi occurrit, fere ſemper ſubſtituiſſe.

f) *Frid. Eſai. Puffendorſii de Culpa Comment. Juris. Nat. et Civ. Lemgoviae 1741 8; P. VIII. c. 2. §. 6.* Hinc eſt, quod *Suetonius* in *Galba* c. 9. hunc Imp. in coërcendis delictis vel immodicum appellat, quod tutorem, qui pupillum, cui ſubſtitutus hæres erat, veneno necaverat, cruce affecerit: implorantique leges, et civem Romanum ſe

poterant g): Immo, quod plus est, *Dirus* HADRIANVS et *Diri Fratres* eos plane capite puniri prohibuerunt, nisi qui parentem occidissent: sed ut poena L. Corneliae sc. *deportatione* punirentur, plenissime caveunt h). His accedit, quod gradus poenae apud humiliores, qui *deportationi* apud honestiores respondet, ordinarie sit gladius i) quam poenam quoque libri βασιλικῶν k) habent. Facilius admitterem, dirissimam istam poenam, ob graviora, quae rem circumstant, momenta, quandoque personis in secundo gradu constitutis dictari posse; regulariter vero decollationem obtinere. Inde lucem capiunt, quae memorat PAVLVVS l) honestiores poena capitis plecti, humiliores vero in crucem tolli aut bestiis objici. Nisi enim hic sub honestioribus cum HEINECCIO m) eos intelligas, qui in *secundo gradu* sunt, hunc locum vix alio modo cum supra allegatis LL. conciliare poteris. Lubenter tamen meliorem interpretationem ab aliis exspecto.

Ex
testificanti, quasi solatio et honore aliquo poenam levaturus, mutari, multoque praeter ceteris altiore et dealbatam statui crucem iusserit.

g) L. 9. §. II. ff. de Poenis.

h) L. 15 eod. L. 6. §. 2. ff. de Interd. et Releg.

i) Puffendorf l. c. §. 28.

k) ad Tit. L. Corn. de Sic. et Ven.

l) Rec. Sent. V. 23. §. I.

m) Antiq. Rom. L. IV. T. 18. §. 61.

Ex his itaque sequitur, honestiores personas lenius puniri, quam humiliores, et inter hos durius vilissimae conditionis homines; quae distinctio et in aliis criminibus apud Romanos usitata fuit. n).

§. XXXII.

An discrimen personarum abrogatum sit?

L. Julia etc.

Denique hoc personarum discrimen sublatum, et omnibus tam honestioribus, quam humilioribus capitis poenam praestitutam esse §. 5. f. de publ. judic. asserunt MATTHAEUS o) SCHOEPPFER p) LAUTERBACH q), CARPZOV r) et plurimi veteres juris criminalis DD. ab hoc auctore citati Verba §. 5 ita se habent: *Item lex Cornelia de sicariis, quae homicidas ultore ferro persequitur ... Eadem lege et venefici capite damnantur, qui artibus odiosis, tam venenis, quam susurris magicis homines occiderint, vel mala medicamenta publice vendiderint, Rectius tamen sentire videntur, qui cum*

HEIN-

n) L. 38. f. 9. ff. de Poenis, Puffendorf cap. cit.

o) de Crim. L. XLVIII. T. V. c. 3 §. 1. et c. 5. §. 3.

p) Synops. Jur. priv. Rom. et forens. Tit. ad 1. Corn. de Sic. et venef. n. 62.

q) Compend. Jur. eod. Tit.

r) P. 1. q. XX. n. 15. §1.

HEINECIO s) atque BOEHMEROT) statuunt, ordinis personarum rationem et jure Institutionum habendam esse. Ut enim taceam Institutiones ex ipsius JUSTINIANI testimonio medicrem isagogen esse u) prima tantum legum argumenta continere x) et in specie titulum de judiciis publicis eo fine scriptum esse, ut tiro-nibus possibile sit summo digito et quasi per indicem ea tetigisse y) adeoque Imperatorem solummodo praecipuas poenas indicare voluisse, diligentiorum vero delictorum poenarumque scientiam ex latioribus Digestorum et Codicis libris hauriendam praecepisse z); personarum discrimen haud obscure confirmat §. 7. f. de publ. jud. Inspiciamus ipsa verba: *Ejusque legis Corneliae de falsis poena in servos, ultimum supplicium est (quod etiam in lege de sicariis et veneficiis servatur); in liberos vero deportatio.* Num igitur L. Corn. de falsis caput fuerit L. Corn. de Sic. rimeptur alii a). Illud tantum volo,

a) El. Pand. P. VII. § 199. Ej. H. J. L. I. c. 3. § 29. in not

b) ad CCC. art 130. § 4. Aliud tam-n legitur Ejusd. Elem. Jrp. Crim. SII. c. 16 § 218. novif. recus. Halae 1774.

u) Const. Dedit. § 11.

x) Const. Tanta § 11.

y) § ult. Ide Publ. jud.

z) § 8. et ult. eod.

a) Conferas interim L. I. § 13. Lult. ff. de L. Corn. de Fals. L. 22. C. eod.

volo, quod, ſi veneficium abſque perſonarum diſcrimine ultimo ſupplicio puniri voluiſſet JUSTINIANUS, tota haec parentheſis abſque ulla ratione poſita eſſet atque lectores in errorem duceret.

In alia omnia abit ALOYS CREMANIUS *b)* qui abſque fundamento ſtatuit, veneficii poenam primo aquae et ignis interdictionem, poſtea deportationem, tandem ultimum ſupplicium fuiſſe.

Haec de poena ipſa L. Corneliae. Silentio non praetereundem eſt, veneficos ut et alios graviſſorum criminum reos vel die feriato tormentis ſubjici potuiſſe *c)* iſtos etiam maiorum ſepulchro privatos fuiſſe ex CICERONE *d)* patet. Denique veneficii damnatae mulieris dos publicari ſolebat, ſalvis tamen marito adverſus fiſcum actionibus; quod in paucis modo a reliquis criminibus exceptis obtinet. Alias enim damnatae mulieris dos penes maritum manebat *e)*. Illa tamen diſpoſitio poſtea temporis ſublata eſſe videtur *f)*.

Veneficia poſt L. Corneliā coercuit quoque Lex Julia de caede et veneficio, ad quam

b) de Jur. Crim. T. I. S. I. P. I. c. 5. §. 200.

c) L. 3 C. de Epif. Aud.

d) Orat. pro Cluentio C. ult.

e) L. 3 ſqq. ff. de bon. damnat. cf. h. Diſſ. § ult.

f) N 134. c. ult.

alludit NERO g) quod autem in Corpus Juris Justinianicum receptum non est. De illa legitur NOORDKERKIVS h) et SCHVBARTVS i).

§. XXXIII.

Praxis veterum Germanicae originis gentium.

Veteres Germanicae originis gentes varie de veneficii crimine sensitse, et pro morum atque temporum ratione a multa usque ad poenam ignis, immo vividefossionis ascendisse docet BOEHMER k).

§. XXXIV.

Sententia Juris Carolini.

NEMESIS CAROLINA distinguit inter masculos et feminas. Illis rotam, his culeum dictat. De modo crurifragii filet. Illud vero ab inferioribus partibus inchoare debere, exinde colligo, quod CAROLVS V. ad poenam exasperandam forcipum imprimis candentium prehensionem dictaverit, quod probabiliter non fecisset, si in ipsi

g) Sueton. in eius vita c. 33.

h) Disquis. de L. Petronia.

i) de Fatis Jurispr. Exer. III. § 52. p. 595.

k) El. Jurd Crim. S II. c. 26 § 237. et ad CCC. art 130. § 5 cf. Aloys. Garmannius in Epistola ad Lampredium Tract. de Jur. Crim. praemissa p 24.

ipſa exſequendi methodo poenam aggravandi medium ſuperesse voluiſſet. In praxi tamen mitior, quae a *ſuperioribus* partibus fit, executio obtinet, altera ad caſus graviores reſervata l). Feminis *culeum*, tanquam mitius ſupplicium, favore ſexus impoſitum eſſe, contra CARPZOVIVM m) et WERNHERVM ſtrenue defendit BOEHMER n); licet in praxi Saxoniae electoralis etiam feminae *rotae* ſupplicium ſubeant o). Quam maxime differt a LL. *Romanis* jus *Carolinum*, quod ſexus, non autem conditionis rationem habeat p) adeo, ut etiam Medicum, qui ex propoſito fata aegri medicamentis proſperavit, eadem, qua veneficium poena plecti jubet CAROLVS V. C. C. C. art. 134. *Sett aber eyn Artzt ſolche tödtung willigklich gethon, ſo wet er als eyn fürſetztlicher Mörder zu ſtraffen.* Cum illis e contrario in eo concordat, quod levior ſors expectanda non ſit illi, qui veneno *lento*, quam qui *acuto* necavit q). Immo illum gravius puniendum putat I. F. W. DE NEUMANN r)) Vera ne ſit, hujus

l) Ludovici art 130 CCC.

m) P. I q. XX. n 22 ſq.

n) Obſ. II ad Carpz. q c.

o) Carpz. et BOEHMER II. ec. *Leyſer Sp.* 609. m. 9.

p) Beyer ad CCC. Poſ. I.

q) Wernher P. III. Obſ. 75.

r) *de delict, et poen. Princ, p. 178.*

juſ auctoris ſententia, in dubium vocat PÜRT-
MANN 1) hujusque quaestionis deciſionem aliis
relinquit. Liceat mihi aequè ancipiti in utram-
que partem quaedam diſputare, nulla tamen
abſciſſe adiecta deciſione. Ex altera parte pro
NEUMANNI ſententia afferri poteſt, quod is qui
venenum lentum dat, hominem lenta tabe ex-
cruciet, adeo, ut ei mors ſit ſolacium. Accedit,
quod rei per totum plerumque, quod langue-
ſcenti ſuperest vitae curriculum, amicitiam ſi-
mulent. Tum etiam exemplo opus eſſe vide-
tur in criminis ſpecie, quae rariffime detegitur,
nihilominus tamen certiffimam mortem parat.
Et quamvis CAROLVS V. poenae exaſperatio-
nem inprimis ob perſonarum conjunctionem
praeceperit, caſus tamen ſimiles aut plane gra-
viores non excluſiſſe videtur.

Ex altera parte opponi poſſet, Imperatorem
non diſtinxiſſe inter venenum *acutum et lentum*;
ſed ſimpliciter ſcripſiſſe Gift; tum etiam in ru-
brica art. 130. C. C. C. verba *heymlich*
vergeben omnia venena comprehendere, qui-
bus uti poſſunt venenarii.

Quicquid ſit, anceps haereo, an non cau-
tum iudicem in mitiori potius poena ſubſiſtere
deceat, quum interpretatione Legum poenae
mol-

1) Elem. Jur. Crim. L. 1. c. 22. § 365.

molliendae sint potius, quam exasperandae t): nisi et aliae rationes poenam aggravare suaserint, de quibus mox sermo erit. PÜTTMANN u) certe hoc discrimen in foro attendi affirmare vix aufit.

Nullum quoque discrimen faciendum esse, an in veneficio mors secuta sit, an non, supra probavimus. In praxi tamen poenam ordinariam, morte non secuta, locum non habere, testantur BOEHMER x) MEISTER y) alique. Silentio hic premendum non est, dari casum, ubi venenum propinatum fuisse dicitur, et ubi tamen ordinariam poenam ipsae leges non dicunt: si scilicet id quod datum fuit, nociva quidem materia fuerit, quae vulgo *venenum* appellatur, revera autem ratione modi quo datum, et ratione personae cui datum est, *venenum* non sit. Hic enim nullum proprie veneficium adest.

Nil denique refert, *directe* an *indirecte* quis nocuerit, modo animus necandi adfuerit.

§. XXXV.

t) L. pen. ff. de Poenis.

u) l. c.

x) El. Jur. Crim. S 2 c. 20. § 238 Obs. IV. ad Carpz. P. l. q. 11. et ad CCC. art. 130 §. 6.

y) Princ. Jur. Crim. S 11 c. 22 § 3.

§. XXXV.

De Gallia et servis coloniarum Americae.

In Gallia veneficium vi *Edicti* LUDOVICI XIV²) a LUDOVICO XVI. confirmati a) ultimo supplicio punitur. Verba huius Legis ita se habent. *Art. IV. seront punis de mort tous ceux, qui seront convaincus de s'être servis de venéfices et de poison, soit que la mort s'en soit ensuivie ou non, comme aussi ceux qui seront convaincus d'avoir composé ou distribué du poison pour empoisonner. Et Art. V. Ceux qui seront convaincus d'avoir attenté à la vie de quelqu'un par vénéfice et poison, en sorte, qu'il ne s't pas tenu à eux que ce crime n'ait été consommé seront punis de mort.* Edictum hoc illustrat VOUGLANS b) et JOUSSE c), qui notabiles quasdam condemnationes affert.

M 2

ficiis

z) *Edit du Roi de 1682* (v. h. Diff. not 15)

Notum est a 1680. jam speciale iudicium quod quaestionem de veneficio exerceret, constitutum esse, *chambre ardente* vocatum.

Huic curiae occasionem dedit crescens veneficorum numerus, inter quos chorum duxit famosa d'Aubray de Brinvillier ad gladium damnata, accedente apparatu quodam externo. v. *les Causes célèbres* T. I.

a) *Declaration du Roi de 1780.* (v. h. Diff. not. 15.)

b) *Inst. au Dr. crim. Traité des crimes. T IV. ch. 3.*

c) *Traité de la justice criminelle de France* T. IV, P IV. z. 42. p 41.

Eodem fere modo ſaluti colonorum in America contra eorum ſervos, quorum multi veneficiis dediti ſunt, proſpectum eſt. Nam *Ordinatione Regia* cautum eſt, ut qui venenum hominis necandi cauſſa fecerint, vendiderint, deſiderint, quamvis irrito conatu, morte punirentur; et illi, qui rei notitiam habuerint, nec Procuratoribus Regiis illud denunciaverint, tanquam criminis fautores et participes tenerentur d).

Britanni ſervos veneficos Jamaicae patibulo vel igne plectunt e).

§. XXXVI.

Quando poena exaſperatur aut commutatur?

Quandoque ordinaria veneficii poena, ob juſtam cauſſam apparatu quodam externo exaſperatur, aut plane in gravius ſupplicii genus commutatur. Si veneficium concurrit cum paricidio, jure Romano reus culeo inſutus cum cane et gallo gallinaceo et vipera et ſimia inter feraleſ anguſtias comprehenſus, ſerpentium contuberniis miſceatur; et ut regionis qualitas tulerit, vel in vicinum mare vel in amnem pro-jicia-

d) ORDONNANCE DU ROI ſur les vénéfices et poifons art. 1. 2. 1724. Fevr. cf. Ebrlen Diff. de Servis Aethiopibus Europaeorum in coloniis Americae. Argent. 1778 p. 60.

e) Idem I. c. p. 61.

jiciatur, ut omni elementorum usu vivus carere incipiat, et ei coelum superstiti, terra mortuo auferatur f). Nec quicquam remittitur, si quis emit venenum, ut patri daret, quamvis dare non potuerit g). Frater autem eius qui emtionem cognovit tantum nec patri indicavit, relegatur, et Medicus supplicio afficitur h). Parricidii poena tenentur etiam criminis conscii, ut et qui ad scelus committendum pecuniam crediderunt, aut credendam quaesiverunt i). Hanc culei poenam repetiit *Const. Sax. 3. P.*

IV. ...

Jure Carolino poena ordinaria veneficii locum habet, accedente trahae impositione et forcipum ustulatione, modo ab art 137. C. C. E. ad quem verba eynem vorgefetzten Mörder gleich, respiciunt, praescripto: Augmentum poenae sustinere etiam, qui alios consanguineos affines, ut et herum, non autem, qui adoptivum, necant, docet BOEHMER i). Idem dicendum, si veneficium concurrit cum assassinio. Aggravatur quoque poena, si crimen iteratum fuerit k) aut plures inde perierint. Inde

M 3 annuarius etiam

f) L. 9 ff. de L. Pomp. de Parric. L. un. C. de
bis, qui par. vel lib. accid.

g) L. I ff. de L. Pomp. de Parric.

b) L. 2. ff. eod.

2) L. 6. L. 7. ff. eod.

k) ad CC C-. art. 130. §. 7.

1) Carpozou q. XXX. in fin.

etiam videtur ratio petenda, cur antiquum *jus provinciale Saxonicum m)* quod veneficis poenam ignis interminabat, retinuit *Const. Elect. Sax. 18. P. IV.* quod ad eos, qui pascua inficiunt; modo damnum homini datum fuerit *n)*. Id quod tamen ad quadrupedes restringi, nec ad volucres extendendum esse, existimat LEYSER *o)*. Curia suprema Parisiensis die 31. Martii 1764. eos, qui globulos venenatos in prata sparserunt, relegavit *p)*.

An verum sit, *exasperationem* ponae ad solam necem restringendam, non autem ad aliam *laesionem* extentendam esse, quod ex verbo *tödtung* cum STEINIO *q)* colligit BOEHMER *r)* addubito, quum *laesio* et *occisio* pari passu ambulent in *art. 130.* et vox *tödtung* hic sit nomen genericum, sub quo veneficium tanquam species continetur, ut ex rubro elucescit, ubi eadem vox occurrit.

In Gallia supplicium usque ad poenam *rotae* dispositum.

m) Landr. L. II. art. 13. vers. welcher Christenmann. M

n) KRESS art. 130. § 5 CCC.

o) Spec. 609. m. 21. sq.

p) Arrêt in Journal oeconom. Janvier 1765. p. 27.

q) ad Jus Lubecens. T. III. §. 422.

r) ad CCC. art. 130. § 7. In conatu tamen poenam aggravari permittit. v. § ult in fin.

aut ignis aggravari potest. s). Hanc ultimam dispositionem nuper quoque secutus est Senatus Argentoratensis, in puella, quae fratrem suum, ut illius heres existeret, veneno necavit, eiusque uxorem et famulam vehementer laesit; licet ordinarie secundum C. C. C. in judiciis criminalibus pronunciet; ea potissimum ratione adductus, quod poena aquae, quae in C. C. C. dictatur, jamdudum in nostra civitate extra usum sit.

§. XXXVII.

Quando poena mitigatur.

Nonnunquam ob varias rationes poena ordinaria mitigatur, et vel in gladium vel plane in minorem et extraordinariam commutatur. Sic poenae diminutionem sperare potest reus, qui poenitentia ductus, se venenum dedisse statim confitetur, ut aegroto tempestive succurri possit; quo in casu, si aeger moriatur aut languescente morbo corripiatur, de cuius desperant

M 4

cu-

s) DECLARATION DV ROI conc. les Emp: de 1780. cit. Immo poena ignis in ordinariam fere transiisse videtur, cf. *Ferriere art. homicide volontaire*, „l'homicide, qui se com-
„met par le poison, est puni de feu.“ Tanquam ordinaria eadem poena obtinet quoque apud Mediolanenses. *Const. Domin. Mediolan. L. IV. tit. de Poen. in princ. Al. Crematius de Jure Crim. T. I. L. I. P. I. c. 5. §. 200.*

curacione medici, gravioris mortis genus, non autem mortis poena exulat *t*). Quodsi relevetur aeger, tunc arbitrariam modo poenam locum habere existimo; non solum ob aequitatem erga reum et analogiam juris *u*), sed et ex ea ratione, ne rei de capitis poena certi maiorem spem in celando, quam in confitendo crimine habere coacti fere sint. Multo magis adhuc illud dicendum est, ubi factum substituitur conatu, effectu non secuto *x*). Ita quoque sentire videtur eruditus Advocatus ille generalis curiae supremae Gratianopolitanae *y*), dum contra LL. quae hocce principium neglexerint, ita exclamat: *Est-il bien juste aussi que le dessein d'un meurtre, soit puni comme l'exécution? et pourquoi nos loix nous ont elles oté, contre le scelerat, la ressource du repentir?* Non tanta quidem clementia dignus est, qui invitus crimen perficere non potuit *z*); quo et ille referendus est, qui palcua, fontes etc. siue damno dato infecit

z) cf. Kress ad CCC. art. 178. §. 4.

u) CCC. art. 178.

x) Kress l. c. § 1. ult.

y) Discours sur l'administration de la justice criminelle, prononcé par Mr. Servan, Avocat-Général au Parlem. de Grenoble. Dans ses (Oeuvres diverses, II. Vol. 12. imp. avec permission du Roi, à Lyon 1774. T. I. p. 98.

z) CCC. art. 178.

fecit; attamen non mortis poenam, sed extraordinariam pro facti ratione vel maiorem vel minorem subire debet. a) Indulgentiam porro meretur, qui animo necandi fuerunt destituti; licet vel mera culpa vel cum nocendi cupidine conjuncta haud abfuerit.

Mitius quoque punitur reus, si de corpore delicti non plene constat, sive quod Medici justas dubitandi rationes circa qualitatem et effectum veneni afferant, sive quod cadaveris inspectio non rite facta sit, sive quod armis venenatis vulnus per se lethale inflictum sit b). Denique ob justum dolorem poenam mitigandam esse censeo, si v. g. reus talem occiderit, qui coniunctissimam sibi personam veneno interfecit; praesertim, si hic mortem occiso minatus sit, et reus eum saepius monuerit, ne minas effectui daret c). Nec tamen impunitate frui debet, qui crimen crimine vindicavit. Quare nullum applausum meretur Areopagi iudicium, quod neque damnavit, neque absolvit matrem familias Smyrnaeam, quae maritum et filium interemit, cum ab his optimae indolis juvenem, quem ex priore marito enixa fuerit, comperisset occisum, sed

M 5 in-

a) BOEHMER ad CCC. art. 130 §. ult.

b) Idem l. c. Kress ad CCC. eod. art. 130 §. 4.

c) Arg. Nov. 117. c. 15.

inspecta causa, et accusatorem et ream post centum annos adesse iussit d).

CAPUT II.

De effectu civili.

§. XXXVIII.

Superest, ut de effectu civili in veneficio pauca commemoremus. Primum illud est, quod filii, qui vitae parentum, aut parentes, qui filiorum vitae per venenum insidiari tentarint, exheredari possint e). Porro coniux, alterum coniugem veneficio occupatum esse ostendens, non solum causam divortii habet, sed et dotem nec non antenuptialem donationem lucratur f). Confirmatum hoc cum quibusdam limitationibus Nov. 117. c. 8. et 9. Deinde occisi cognatis ex venefici bonis aliquid pro satisfactione adjudicatum fuisse ex *Collat. leg. Mos. et Rom.* exsculpit cum *CUIACIO g)* HEINECCIUS h). Hanc sententiam

vero

d) *Valer. Max. L. VIII. c. 1. et A. GELLIUS L. XII. c. 7.*

e) v. supra §. 24. h. Diff.

f) *Nov. 22. c. 15. §. 1.*

g) *Obs. XIV. 40.*

h) *Hist. Jur. L. 1. c. 3. §. 92. in not.*

vero fundamento deſtitutam eſſe oſtendere conatur SCHULTINGIUS i) atque RITTER k)

Quicquid ſit, per veneficium laeſis, poena publice licet reo inflicta, privatim quoque ſuccurrendum eſſe nullus dubito; quum privatam ſatiſfactionem, delicto laeſis praestandam, ex principiis juris tam naturalis quam civilis fluere ſatis doceant BOEHMER l) atque MEISTER m). Ita quoque Curia ſuprema Pariſienſis contra famoſam veneficam ex nobili genere ortam, in favorem cognatorum pronunciavit n). Plura de quaestione, quatenus ſatiſfactio privata in delictis locum habeat, legi merentur apud QUISTORP o), qui illam ex proſeſſo pertractavit.

i) ad Collat. LL. Moſ. et R. in Jyrd. v. Antequiſt. T. I. § II. p. 734.

k) in Not. ad Heinecc. l. c. cf. NOODT ad L. Aquil. c. 2.

l) El. Jurispr. Crim. S. II. c. I. § 30.

m) Princ. Jur. Crim. S. II. c. I. § 38. cf. Strölich ad CCC. L. II. T. 20 von Abtrag der beleidigten Freundschaft.

n) Arrêt du Parlement de Paris rendu contre Dame Marie Marguerite d'Aubray Epouse de Sieur Marquis de Brinvillier du 16 de Juillet 1676. dans les Causes célèbres T. I.

o) Venträge zur Erläuterung verſchiedener mehr theils unentſchiedener Rechtsmaterien aus der bürgerlichen und peinlichen Rechtsgelehrſamkeit I. Band Roſtock und Leipzig, 1780. 8. 4tes Stück 14te Abhandl.

XVIII.

IOANN. FRANCISCIEHRMANN.

Dissertatio,

De

Veneficio culposo.

Argentorati, 1782.

PRAEMONENDA

*De Veneficio culposo.**In Genere.*

Veneficium culposum est delictum, quo quis culpa hominis vitae vel sanitati veneno nocet.

Ex hac definitione fluit; I. Veneficium culposum esse delictum. II. Sine culpa non intelligi. III. Veneno committi. IV. Hominis vitae vel sanitati nocere.

Quum itaque Veneficium culposum sit delictum sive factum contra legem poenalem commissum: sequitur, in statu civili non omnem usum

usum veneni nocivum esse delictum; sed illum modo, qui lege poenali est prohibitus a).

Quum porro sine culpa non intelligatur: consequens est, in hac potissimum differentiam positam esse inter veneficium *dolosum et culposum*.. Quae cum ita sint, notio *culpae* paullo accuratius explicanda erit

Culpa in genere est omissio debitae diligentiae. *Diligentia* hic est, cura in dirigendis actionibus nostris adhibenda. Quamque cura vel maior vel minor adhiberi possit; hinc orta est vulgata illa *culpae* divisio in *latam, levem et levissimam* b). Ulteriori huius culpae divisionis explicationi haud immoror. Illud tantum moneo, re ad unguem sumta, *culpae gradus* ratione imputationis dari *infinitos*; prouti quis principia, contra quae peccavit, magis aut minus cognoverit, vel cognoscere potuerit. Ita sere bene hanc doctrinam paucis verbis explanare videtur IOH. AUG. EBERHARD c).

Ut in *dolo*, ita in *culpa* alia contra leges civiles admittitur, et in *negotiis civilibus* occur-

a) *Meister Princip, Jur. Crim. S. II. c. II. §. II.*

b) cf. *Frid. Esaj. Puffendorffii de Culpa Comment. Lemgoviae 1741. 8. P. II. c. 4.*

c) *Neue Apologie des Socrates. Berlin und Stettin I. Band 1776. 8. p. 388.*

rit; alia autem contra leges poenales committitur et *culpam in delictis* sistit; et sicut delictum *dolo* commissum vocatur *dolosum*, ita, quod culpa commissum est, *culposum* audit. Haec autem non tam stricte capienda sunt, quasi semper delicta dolosa *mero dolo*, et *culposa mera culpa* constarent. Dolus enim et culpa saepissime concurrunt in uno eodemque delicto, ita, ut in genere effectus in delicto *partim ex dolo*, *partim ex culpa* oriri possit. In histamen casibus, nisi legibus aliud definitum sit, a *potiori* fieri solet denominatio. Huius autem regulae applicatio multum pendet a *notione doli*, an hic *in sensu lato* pro *animo nocendi* an vero *in sensu stricto Legis Corneliae de Siciariis et Veneficis* pro *animo necandi* sumatur. Illo casu delictum aliquod *culposum* audit, si plus *culpa*, quam *animi nocendi* adest; hoc casu delictum aliquod referri potest ad *culposa*, licet *animus nocendi* haud absit, dummodo non adsit *animus necandi*, sive *Dolus in sensu Legis Corneliae*. Exemplum praebet poculum abortus et amatorium, de quo, ultimo praecipue, in Diss. de Veneficio doloso d) verba feci, et in praesenti opusculo quaedam disputaturus sum. Hoc delictum, secundum JCtorum Romano-

d) quam Praeside Joh. Dan. Reisseissen, J. U. D. et Jur. Canon. P. P. O. Capit. Thom. Canon. defendi Argemorat d. XI. Sept. 1781. §. 11. sqq.

manorum Stoeae plerumque addictorum principia, ad *culposa* refertur; non quod *omnis* plane *dolus* semper adsit; sed quia talis *dolus*, sive gradus doli, qualis in *Lege Corn.* requiritur, abest, scilicet *animus necandi*; licet *dolus* in *sensu lato* adesse possit, qui et *animum nocendi* comprehendit. Haec est ratio, cur veneficium culposum non inter *quasi delicta* referam, quippe quae *sola culpa* absolvantur, sed in denominatione *delicti culposi* subsistam, sub qua omnia delicta, culpa omitta, sive *dolus* concurrat sive absit, commode comprehendi possunt. Alia quidem principia recentiores agnoscunt Philosophi et J.Cti. Hinc quaedam delicta, quae apud Romanos ad *culposa* referebantur, hodie *dolosis* adnumerantur. Mihi autem placuit, ratione distributionis delictorum in *dolosa et culposa*, ad *Legem Corneliam* magis respicere, quam ad hodiernos mores, quia in prima mea Dissertatione dictam *Legem* pro fundamento adsumsi.

In tertia propositione diximus, *venenum* requiri in veneficiis culposis. Quum autem *venenum* vel in *sensu stricto* sumi possit, pro corpore, quod nunquam alit, sed naturam animalem mutat et ultra certam quantitatem, experientia determinatam, assumptum necat e); vel in *sensu lato*, quo omnis materia, quae humano

e) v. Diss. mea cit. §. 3.

no corpori in data dosi nocet, comprehenditur f); veneficiū culposum quoque haud inepte dividitur in *Veneficiū culposum strictē sic dictum* et *V. culpos. late sumtum*.

Denique in Veneficio culposo tam strictius quam latius sumto, aut vitae aut sanitatis laesio requiritur, ut in veneficio doloso; quoniam alias nulla plane de qualicunque veneficio quaestio esse possit.

Quemadmodum veneficiū dolosum, ita et culposum tam immediate quam mediate multis modis committi potest. Inde varia oriuntur delicta, quae prouti magis aut minus nota sunt, prout ad veneficiū culposum in sensu stricto aut lato pertinent, vel speciali nomine gaudent, vel eo destituuntur. De illorum praecipuis disserere animus est; et quidem primo de veneficii culposi reis, qui immediate venenis nocent, deinde etiam de iis, qui mediate damnum toxicis inferunt.

f) v. ead. Diff. cit. §. 2. fin. cf. STENZEL. Diff. de philtis §. 17. p. 53. Eschenbach Medic. Legal. Sect. I. §. 9. p. 25. BOEHMER. ad CCC. art. 134. §. 1.

SECTIO I.

SECTIO I.

DE VENEFICIO CULPOSO IMMEDIATE COMMISSO.

CAPUT I.

De poculo abortus.

§. I.

De abortu procurato in genere.

Inter eos, qui *immediate* veneficium culposum committunt, primo loco nominamus eos, qui *Poculum abortus* dant vel assumunt. Quodsi hoc delictum paullo fusius pertractare vellem, peculiaris de illo conscribenda mihi foret dissertatio. Quod cum a scopo alienum sit: praecipua modo adducam, quae hanc materiam illustrare queant.

Procuratio abortus in genere dicitur illud delictum, quo foetus humanus in utero matris contentus dolo vel culpa expellitur g).

Variis modis hoc delictum perpetrari potest. De illa modo specie mihi sermo erit, quae *poculo*

g) L. 8. ff. ad L. Corn. de Sic. et venef. L. 4. ff. de extr. crim. L. 38. ff. de poen. arr. 133. C. C. C.

culo sive medicamento abortivo committitur. Ex his sequitur: I. Procurationem abortus, quae poculo fit, esse delictum. II. Et dolo et culpa committi. III. Medicamentis abortivis peragi. IV. Expulsionem foetus requiri.

§. II.

Est delictum.

Abortus procurationem, quae poculo fit, delictum esse dubium non est; quia procuratio abortus in genere legibus poenalibus modo citatis est prohibita. Huius delicti coercitionem apud Romanos poscebant inprimis corrupti mulierum mores, quae saepe ob causas levissimas partum abigebant; praesertim, *nerugis*, ut ait *ovindius*, *ventrem Lucina notaret h*). Huic pravae consue-

b) Quorsum alludunt etiam, quae *Idem de Nuce v. 23. canit*:

Nunc uterum vitiat, quae vult formosa videri.

Raraque in hoc aevo est, quae velit esse parens.

Seneca de Consol. ad Helv. c. 16. Nunquam, inquit, te foecunditatis tuae, quasi exprobraret aetatem, puduit: nunquam more aliarum, quibus omnis commendatio ex forma petitur, tumescentem uterum abscondisti, quasi indecens onus, nec intra viscera tua conceptas spes liberorum elisisti. *Juvenalis Sat. 6. v. 595.* ita loquitur:

Sed jacet aurato vix ulla puerpera lecto

Tantum artes hujus, tantum medicamina pro-
sunt

Quae

fuetudini favisse quodammodo videntur Philosophiae stoicae principia, quibus imbuti plerique Romanorum Jcti, quod mater intus gerebat, hominem esse negarunt *i*). In Germania hoc delictum tunc demum invaluit, postquam peregrini maiorum nostrorum mores corruperant. *k*).

§. III.

Et dolo et culpa committitur.

Quum deinde et dolo et culpa delictum hoc committatur; consequens est, illud vel *dolosum* vel *culposum* vocari posse, prouti vel *dolus*, qui hic *animum nocendi* denotat, vel *culpa* praevallet. Rationem, cur delictum hoc inter *culposum* referam, quod scilicet id fiat *ratione Legis Cor-*

N 2

ne-

Quae steriles facit, atque homines in ventre necandos.

Quantum humanae naturae repugnent haec facinora, congrue exprimit OVID. *Amor. L. 1 l. Eleg. 14.* ubi graviter in puellas invehitur: *Quae prima instituit teneros convellere foetus Militia fuerat digna perire sua.*

Et paucis intermissis:

Hoc neque in Armeniis tigres fecere latebris,

Perdere nec foetus ausa leaena suos:

At tenerae faciunt, sed non impune, puellae;

Saepe, suos utero quae necat, ipsa perit;

Ipsa perit, ferturque toro resoluta capillos,

Et clamant, Merito, qui modo cunque vident:

i) L. 9. §. 1. ff. ad L. 1. de ventr. insp. L. eod. etc.

*k) Engau Elem. Jur. Crim. L. 1 Tu. 32. §. §. 407. **

neliae, quae sub dolo animum necandi intelligit, supra (Praem.) exposui.

§. IV.

Medicamentis abortivis peragitur.

Quum porro de abortu medicamentis procurato sermo sit: omnis delicti probatio pendet à quaestione: Num dentur vera medicamenta abortiva, id est, talia, quae conceptum in utero embryonem tamdiu conservari haud sinunt, ut natus inter vivos manere queat, sed ante lapsum illius temporis spatium eundem, sive vivum, sive mortuum exturbant? l). Quaesitio haec inter eruditos controversa est. Negat illam HOFFMANN m) causam foetus expulsi morbosae dispositioni corporis et naturae tribuens, graviterque increpat Ictos, quod sine corpore delicti poenam definiant. Illum variis argumentis refutare studet BOEHMER n) praesertim, quod abortiva causam sine qua non, uti in schola loquuntur, constituent.

Bene distinguit ESCHENBACH o) inter quaestio-

l) Eschenbach Medic. legal. S. 11. §. 20. p. 42.

m) in Diss. de laesionib. extern. abortiv. venen. ac philtr. Obs. XII. in ejus Opusc. Pathol. pract. seu Dissert. selectiorib. Halae. 1738. 4. Decad. 11. Diss. V.

n) Obs. V. ad Carpz. P. I. q. XI.

o) l. c. §. 23. p. 47.

tionem: Num dentur medicamenta, abortum semper et cum effectu certo procurantia? et illam: Nam abortus, usum quorundam medicamentorum, abortum procurandi scopo subministratorum brevi secutus, hisce medicamentis adscribi mereatur? Negat illam aliorum experientia edoctus; hanc vero affirmat, dummodo nulla alia causa ad effectum secutum aliquid contribuerit. Hanc distinctionem invitus agnoscere videtur HOFFMANN p) dum remedia admittit, quae uterum ad abortiendum disponant atque reorum votis nonnunquam satisfaciant; ibique omnia calidiora emmenagoga ac diuretica, fortiora purgantia et emetica refert.

S. V.

Expulsio foetus requiritur.

Quum denique *expulsio foetus requiritur*, sequitur, partum revera abactum esse debere, et quidem brevi post assumptionem abortivorum tempore q); alias enim cum Medico incertus lueret iudex, annon alienae forsitan causae tribuendus esset hicce effectus? adeoque de corpore delicti nunquam penitus constare posset. De delicti huius consummatione autem certiores nos reddunt vel inspectio, si foetus extat,

N 3

vel

p) Medicin. Systemat. T. IV. P. III. c. 9, §. 16.

q) Eschenbach l. c.

vel *confessio* feminae indiciis suffulta, aequae ac in infanticidio r).

§. VI.

Poena Juris Romani.

Quod ad poenam apud Romanos attinet: SEVERUS et ANTONINUS s) rescripserunt, eam, quae data opera partum abegit, a Praefide in temporale exilium dandam esse: *indignum enim, ajunt, videri posse, impune eam maritum liberis fraudasse.* Quum itaque iniuriam marito illatam pro decidendi ratione allegent Imperatores: facile patet, hanc legem ad extirpationem foetus ante contractum matrimonium a muliere scienter factam non pertinere. Post contractum vero matrimonium poenae dictatae locus est; si ve hoc subsistat, si ve divortium factum fuerit t) si quidem in utroque casu maritum liberis fraudet uxor. Divi temporale exilium interminari Imperatores, et ad hoc probandum cum aliis Legen. 39. ff. de poenis allegavi. Huius autem legis verba finalia, quae de temporali exilio mentionem faciunt, pugnare videntur eum verbis initialibus eiusdem legis, quae ita posita sunt: *Cicero in oratione pro Cluentio Avito scripsit, Milesiam quandam mulierem, cum esset in Asia,* quod

r) Boehmer ad C. C. C. art. 133. §. 4.

s) L. 4. ff. de extraord. crim. L. 8. ff. ad L. Corn. de Sic. et venef. L. 39. de poenis. L. 39. cit.

quod ab heredibus secundis accepta pecunia partum sibi medicamentis ipsa abegisset, REI CAPITALIS esse damnatam. Quid itaque sibi vult TRYPHONIUS, ex cuius scriptis haec lex desumpta est, quod poenam duriores ab initio dictatam, mox eleuet? Num sibi contradicit? Minime gentium; regulam enim tradit verbis finalibus, exceptionem initialibus. Huius exceptionis rationem ipse CICERO (u) in turpissimo quaestu et avaritia ponit, quae spem parentis, memoriam nominis, subsidium generis, heredem familiae, designatum reipublicae civem sustulisset.

Haec de muliere, quae sua sponte sibi ipsi partum abegit. Quodsi alius tale pharmacon mulieri dat: illud vel *scienti* ac volenti, vel *ignoranti* et invitae propinat.

Illo casu citatae leges quod ad mulierem disponunt, nisi quod forsan, pro ratione momentorum, poena mitigari possit. Quod autem ad poenam ejus attinet, qui alii scienti propinavit: leges nil diserte disponunt. Legum autem analogia suadet, talem, si femina periit, graviore poena, quam illa L. 3. §. 2. ff. ad L. Corn. de S. et V. mitiori autem illa L. 38. §. 5. ff. de poen. puniendum esse. Nam in L. 3. cit. relegatur ea, quae non quidem malo animo, sed malo

N 4 ex-

u) Orat. pro A. Cluentio C. II. Oper. Vol. II. P. I. p. 564. Edit. Hal. 1756. cf. Boeber Obs. I, ad Carpz. P. I. Q. XI.

exemplo medicamentum ad conceptionem dedit, ex quo ea, quae acceperat, decesserit; in *L. 38. cit.* vero ultimum supplicium dicitur ei, qui *ignoranti* poculum abortus dedit, ex quo decesserit. Is igitur, qui scienti dedit poculum abortus, ex quo decesserit mulier, plus fecit, quam femina, quae in *L. 3.* depingitur, minus tamen, quam ille reus, quem *L. 38.* sistit. Multo magis adeo indulgentiae locus esse debet, si non mortua sit mulier.

Hoc casu, quo quis scilicet *ignoranti* poculum abortus procuraverit, gravior poena reum manet. Humilior enim in metallum, honestior in insulam amissa parte bonorum relegatur x).

Quod si

x) *L. 38. §. 5. ff. de poenis.* Quod Lex haec de eo loquatur, qui feminae *ignoranti*, non de eo, qui *scienti* poculum abortus dedit; ex eo conjicio, quod crimen hoc cum amatorio, quale nunquam scienti datur, in eadem lege conjungatur et pari passu cum eo ambulet.

Citatae *L. 38.* speciem olim jam antiquiori Romanorum aevo, impunem non fuisse, licet mulier non perierit, existimat *Aloysius Cremanius de jure Crim. L. 1. P. III. c. 5. art. 8. §. 231. not. (II.)* non quidem ratione foetus, sed ob iniuriam, quae facta censebatur mulieri, quam vix cogere possumus, ut intempestive pariat, quin uno eodemque tempore in aliquo vitae periculo eam ponamus. Idem auctor l. c. jus Romanum recentius mira severitate interpretatur, dum statuit

Quodsi ex eiusmodi poculo mulier perierit summo supplicio afficitur *y*); etsi dolo non faciant, ut dicit PAULUS in dicta lege 38. quicquid sub eo intelligas *z*); sed quia res mali exempli est. Haec sola est ratio decidendi, quam disertis verbis JCtus allegat. Sub malo autem exemplo non frequentia delinquendi, uti nonnullis visum, intelligenda videtur, neque sola pernicies reipublicae, dum multi in furorem, alii in insaniam, plerique in vitae periculum incidunt, quod BOEHMERUS *a*) putat; sed potius eam ob rationem poculum abortus aut amatorium rem mali

N 5

ex-

ruit: et maritum, qui futuram suae conjugis prolem quodammodo abhorrens abortum illi procuraverit, et mulierem, quae sponte et improbo consilio immaturum foetum expellere tentaverit atque expulerit etiam, in *Legem Pompejam de parricidiis* incidere. Ratio, quam allegat haec est; quod homo sit ac filius etiam ille, qui talis est futurus, nec referat, natum quis disturbet animum, an nascentem, perfectum jam, an designatum civem Reipublicae tollat. Quicquid sit, sententia haec in legibus Romanis certe nullum praesidium invenit.

y) In hoc ipso discrimen positum est inter huius delicti reum et veneficum dolosum. Nam hic ordinaria poena plectitur, licet mors non secuta fuerit. v. *Diss. mea de Venef. Dolos. §. 21. sqq.*

z) cf. *Diss. mea de Venef. Dolos. §. 11.*

a) *ad C. C. C. art. 133. §. 5.*

exempli vocasse videtur PAULUS, quod in huiusmodi poculo praesidium facile invenirent, quo contra veneficii *dolosi* inculpationem sese defendere possent, dicendo: se abortum aut amorem, non vero mortem alicui intentasse, adeoque impunitatis, vel saltem levioris poenae spes propensum in atrocissimi criminis animum ad veneficium dolosum committendum alliceret, ne dum ab eo repelleret,

§. VII.

Poena Iuris Germanici.

Germani veteres varias poenas in eos, qui partum abigunt, statuerunt; quarum plerasque tamen iis magis, qui mulieri *causam* abortus dederunt, quam ipsi matri delinquenti, decretas fuisse observat BOEHMER *b*).

Sequitur dispositio NEMESEOS CAROLINAE, quae *Articulo* 133. ita loquitur:

Straff der ihenen so schwangern
Weibßbilden Kinder abtreiben.

Item so jemandt eynem Weibßbilde durch bezwang essen oder trincken, eyn lebendig Kindt abtreibt, wer auch Mann oder Weib unfruchtbar macht, so solch übel fürsetzlicher und bößhafter weiß beschicht, soll der Mann mit dem Schwert als eyn Todtschläger, und die Frau so
sie

ſie es auch an ir ſelbs thette, ertrent oder ſunſt zu todt geſtrafft werden. So aber eyn Binde, das noch nit lebendig wer, von eynem Weibsbilde getrieben würd, ſollen die Urtheyle der ſtraff halber bei den Rechtsverſtendigen oder ſunſt wie zu ende diſer ordnung gemelt, radts pflegen.

Duplex hic articulus ſiſtit crimen, *partus abacti et procuratae ſterilitatis*. De hoc inferius, de illo nunc agendum. Monet Imperator, delictum illud *duplici modo committi, vel vi externa durch bezwang e. gr. fuſte uterum percutiundo, ſe fortiter cingendo et aliis eiſmodi factis; vel abortivorum propinatione durch eſſen oder trincken*. Hunc modum hic praecipue in ſenſum venire, jam ſupra notatum eſt. Distinguit porro legislator in abortu inter partum *vivum* eyn lebendig Binde, et *non-dum vivum* eyn Binde, das noch nit lebendig wer. *Distinctio haec originem traxiſſe videtur ab illa inter partum animatum et non animatum, de cujus fonte et fatiſ magni nominis egerunt auctores c).* Quicquid ſit, recepta

a CA-

c) Fuſt. Henning. Boehmer in nota 82.)
ad c. 9. C. 32. q. 2. Corp. Jur. Can. ſuae
edit. Joh. Sam. Frider. de Boehmer
in Olf. I. ad Carpz. P. I. Q. XI. Walch
de genuino fonte diſtinctionis inter foetum ani-
matum

a CAROLO V. distinctione inter partum *vivum et non vivum*: Jcto nil superest, quam ut sana interpretatione legislatoris mentem eruat. Verum enim vero heic magna conversio et perturbatio rerum oritur. Quum enim de termino vitae nil diserte disponat CONSTITUTIO CRIMINALIS CAROLINA: quilibet interpretes pro sua fere ingenii fertilitate illum definit, simulque de vita rei decidit. *Alii* enim hoc tempus constituunt in masculo post diem 40um, in femina vero 90mo a die conceptionis; *alii* post diem 30um in masculo, 40um in femina d); *alii* cum THEODORICO e) distinguunt inter partum *formatum*, ubi de sexu evidenter constat, et *non formatum*, ubi id non constat, atque illum pro vivo habent; *alii* porro secundum praxin Saxonicam et Austriacam dimidii graviditatis temporis excessum pro termino agnoscunt f);

rursus

matum et inanimatum. Cum his auctoribus conferri merentur KALTSCHMID Diff. de distinct. inter foetum animat. et non animat. ex medicina forensi eliminanda Jenae 1747. LANGGUTH Diff. de foetu ab ipsa conceptione animato. Wirt. 1747. LUDWIG Medic. forens. p. 85.

d) CARPZOV. P. I. q. XI. no. 6.

e) Coll. Crim. p. 1047. cf. Seignoux Systeme de Jurisprud. Crim. ch. 32.

f) CARPZ. l. c. no. 5. sq. KRESS ad C. C. C. art. 133. §. 3. Nied. Oest. Land; Ordn. art. 66. §. 6.

rursus alii cum LEYSERO *g*) ad Physicorum et Medicorum argumenta *h*) provocant, quae partum a conceptionis momento vivere probant, ideoque omnes, qui abortum qualemcumque procurant, pro homicidis habent.

Infirmiorem harum opinionum agnovit BOEHMER *i*); unde cum BERGERO *k*), ENGAVIO *l*) et aliis ad motum in utero recurrit; et quum de hac re vix aliter, quam ex confessione matris constare possit: plerumque purgatorio vel tormentis opus esse arbitratur, secundum qualitatem indiciorum, ream gravantium.

§. VIII.

Quaenam sententia admittenda?

Sed etiam hanc BOEHMERI doctrinam gravissima premunt dubia; quum flatus, spasmos aliasque causas, eosdem in uteri regione effectus producere posse, quotidiana doceat experientia *m*). Quam parum itaque mulierum ea in re confessioni credendum sit, quis non videt? Dato etiam, sed non concessio, motum in utero

g) Spec. 597. med. 24.

h) cf. citati in nota 26) h. Diss.

i) ad CARPZ. l. c. Obs. II. et ad C. C. C. art. 138. §. 3.

k) Elect. crim. p. 112.

l) Elem. Jur. Crim. L. I. T. XXXII. §. 408.

m) Goelike Med. forens. Spec, IV. §. 9.

ro certum esse vitae signum; attamen minus probabile est, CAROLUM V. tam breve tempus, intra quod foetus se movere incipit, pro vitae termino agnoscere voluisse. Siquidem crimen abortus homicidio æquiparet verbis als eyn **Todtschläger**. Hoc certe non fecisset, nisi magnam similitudinem inter haec duo crimina invenisset. Haec autem similitudo *maxima* est in necato foetu, qui in vivis manere potuisset, si absque poculo abortus eodem tempore natus fuisset; *minima* vero, si ea aetate abactus est foetus, qua sese movere in utero incipit. Quo propior enim huic termino adhuc est foetus: eo minus in lucem editus vitam agere potest.

Verius itaque videtur, CAROLUM V. sub voce lebendig partum, quem vocant *vitalem* intellexisse, adeoque partum septimestrem demum pro *vitali*, immaturiorem vero partum pro *non-dum vitali* agnovisse; quum hic in lucem editus inter vivos nunquam fere maneat *n*) illi autem nato

n) τὸ fere adjeci, quia van *Swieten* Comment. ad Boerhaave Aphor. T. IV. §. 1309. p. 512. exemplum affert partus minoris adhuc septimestri, qui recens natus non superabat palmarum magnitudinem, et tamen a patre medico fuit servatus. Sed talia exempla nimis rara sunt, quam ut ad illa respicere debeat iudex.

nato saepissime vita supersit o). Quapropter nonnulli eruditorum nondum vitalem partum *vivum* modo vocarunt, eamque a *vitali* distinxerunt p).

Haec sententia cum mente Imperatoris optime conspirare videtur, qui verba *eyn lebendig* *Bind* paullo ante q) conjungit cum verbo *gliedmässig*; quod non *membra distincta* significare videtur, quum alias quaestio moveri possit: utrum oculus *naturalis* requiratur, an *armatus* ad hoc indagandum sufficiat? uti ipse observat BOEHMER r); sed potius partum, *cujus*

o) HOFFMANN *Med. Syst. T. IV. P. III. c. 9. §. 2. p. 621.* Georg Albrecht Fried *Anfangsgründe der Geburts-Hilfe, Straßburg 1769. 8. 5. B. I. Kap. §. 557.*

Distinctionem inter partum *vitalem et non vitalem* admittit, optimis rationibus firmat, et modum eruendi corpus delicti indicat *Car p-zov P. I. q. XI. no. 37. sqq.* in crimine infanticidii. Ubi autem de abortu verba facit, veterem de partu *animato et inanimato* cantilenam modulatur l. c. no. 2. sq.

p) ESCHENBACH *Medico. legal. Sect. XVII. §. 124.* Cum his non confundenda est vulgaris illa divisio partus in *matutum* (*zeitige Geburt*), quae in fine mensis noni editus est, et *immatutum* (*unzeitige Geburt*), qui ante hoc tempus nascitur. v. *Fried l. c. 3 B. I. Kap. §. 156. sq. p. 55.*

q) C. C. C. art. 131.

r) ad C. C. C. art. 133. §. 3.

jus artus in ea proportionem sunt, ut inter vivos manere queat. Huic interpretationi et illud favet, quod in C. C. C. art. 133. ubi verbum *lebendig* nude occurrit, eadem poena, scilicet aquae, feminam maneat, quae huic dictatur in art. 131. in quo verbum *lebendig* verbo *glied* *messig* jungitur s).

§. IX.

Poena ordinaria C. C. C.

Qui ex proposito abortum procurant, poena ordinaria afficiuntur. Distinguendum hic inter *virum* et *mulierem*. Illi porrigenti, tanquam homicidae, gladius; huic, vel porrigenti vel scienter deglutienti, indistincte *aqua* dictatur, cum additamento *oder sunst zum Tode*.

Ex his sequitur, affirmandam esse quaestionem: *Num pater sub verbis so jemandt et soll der Mann comprehendatur?* Verba enim illa generalia sunt, et non distinguente lege, *Iti non est distinguere, nec disertis legum verbis duriores esse t*). Consentit BOEWMER u) *analogiae*

s) Cum hac tamen differentia, quod in art. 133. poena aquae simpliciter dictetur; in art. 131. autem cum additamento: *Wo aber solche übel oft geschehen, wollen wir die gemelten gewohnheyt des vergrabens nun pfälens, umb mher forcht willen -- auch zulassen.*

s) C. C. C. art. 104. L. penult. ff. de poenis.

u) ad C. C. C. art. 133. §. 2.

logiae tamen juris propius accedere fatetur illorum sententiam, qui patrem non *minori* poena, quam matrem, dignum esse existimant. Affirmative etiam respondendum est quaestioni: *Utrum in tertio abigente sexus circa poenam habeatur ratio?* Quum suffocationem in aqua, tanquam poenam feminis in genere propriam distulerit CAROLUS in art. 133. Hoc probat verbum *auch*, ut recte observat KOCH x), cum quo conspirant CONST. CRIM. BAMBERGENSIS y) et BRANDENBURGICA z) ubi: *tert es aber eyn Weysbild an ihr selbst, oder eyner andern, die soll ic. „Quicquid sit“ inquit BOEHMER a) „dispositio paullo durior, et ob praevalem hodie in infanticidio, loco suffocationis poenam gladii, fere otiosa est. „*

Quod ad illos attinet, qui feminae abortum persuaferunt, eos, si illecebrae repetitae fuerint, ut colligi possit, sine his illam facinus ausuram non fuisse; capite damnandos esse, cum BERLICHIO b) statuit BOEHMER c). Alias complices

ne

x) *Inst. Jur. Crim.* §. 482.

y) *art.* 158.

z) *art.* 160.

a) *l. c.* §. 9.

b) *P. III, conclus. VII.*

c) *l. c.*

arbitrarie, pro ratione adjutorii coërceri asserit KRESS d). Quo fundamento ENGAU e) in puniendis hujus delicti sociis ad cognationem inter eos et foetum abactum intercedentem respicere praecipiat, ignoro; quum ne quidem in ordinaria poena conjunctionis rationem habeat Imperator. Solam aequitatem eum ad hanc distinctionem impulisse suspicor.

A disertis C. C. C. voluntate abit praxis hodierna, quae absque sexus differentia et porrigentem et accipientem *ferro ultore* persequitur. f).

§. X.

Quando poena mitigatur?

Finalia legis nostrae verba de *mitigatione poenae* agunt, et arbitrariam poenam dicant quoties partus *nondum vitalis* abigitur; de quo ex Medicorum consiliis constare debet.

Dentur et alii casus, in quibus et Romanorum leges et C. C. C. non quidem disertis verbis, sed ex illorum rationibus poenam minuere permittunt. Talis est, si *mera culpa*, nullo intermixto nocendi proposito peccatum fuerit; e. g. quando quis abortiva sanandi scopo im-

pru-

d) ad C. C. C. art. 133. §. 6.

e) Elem. Jur. Crim. L. 1. T. 32. §. 412.

f) Kressl. 6, §. 56

prudenter propinavit *g*), aut Medicus personis suspectis talia petentibus incaute dedit aut formulis praeſcripſit. Statuta tamen *Argentoratensis* hoc in casu quandoque ob graviora momenta, quae factum circumstant, usque ad poenam mortis procedi jubent *h*).

Veniam quoque meretur, quae parentum persuasionibus inducſta hausit abortiva; modo minorennis sit, alias illam gladii poenam non evitare statuit *BERLICH i*). Conspirat *FROELICH, k*). hancque sententiam jure *Austriaco l*) receptam esse monet. Cessat quoque poena ordinaria, si non foetus, sed *mola* clam abacta fuerit *m*). Quum denique morbo aequae ac malis artibus foetus extirpari queat, adeoque de *vi* abortivorum, seu causae abortus certo constare debeat: poena ordinaria cessat, quoties medici de ea re dubitant. Quod, quia saepe fit, atque ita de *corpore delicti* plerumque non satis constat: in crimine abacti partus hodie vix ultra poenam ergastuli quatuor per annos sustinendam procedi, adnotat *PÜTTMANN n*).

O 2

§. XI.

g) *MOLLER ad Const. Elect. IV. 4.*

b) *Bey Leibs- und Lebens- Straffe v. der Medicorum Ordnung § 23. in Strasburgischem Collegio Medico 1757. p. 19.*

i) *P. IV. Conclus. 8.*

k) *ad CCC. L. II. T. 13. No. 6.*

l) *Nied. Oestr. 2. O. art. 66. §. 13.*

m) *Frœlich ad CCC. l. c. No. 5.*

n) *Elem. Jur. Crim. L. L. c. 21. §. 351.*

§. XI.

Quando poena exasperatur?

Quemadmodum poena quandoque mitigatur, ita ob momenta atrociora, veluti criminis *iterationem*, turpissimum *lucrum* (§. 6.) coniunctum, *internecionem gravidæ* et *familia*, *exasperatio poenæ* locum habere potest o).

§. XII.

De satisfactione privata.

Supereſt, ut de eo quod privatorum interest aliquid adjiciam p). Scilicet, eum, cui spes fundata commodumque moraliter certum per foetus abactionem eripitur, indemnem præſtare, et leges positivæ et naturalis æquitas fua-
dent. q).

CAPUT II.

De Poculo sterilitatis.

§. XIII.

An talia dentur?

Proxime sequuntur, qui pocula *sterilitatis* feminis,

o) Engau Elem. *Fur. crim.* L. I. T. 32. §. 4II.
BOEHMER ad C. C. C. art. 133. §. II.

p) De hoc quædam in *Diff. de Venef. dolos.* §. ult. præoccupavi.

q) Kress. ad C. C. C. art. 133. §. ult.

feminis, aut viris impotentiam medicamentis conciliare dicuntur. Quum autem talia remedia dari praefractenegent HOFFMANN r). ESCHENBACH s) aliique; et, si ejusmodi darentur, de corpore delicti non satis constare posset, quoniam probari nequit, hominem, poculo non haulto, ad sobolem procreandam aptiorem fuisse; medicamenti datio, quod pro tali habetur, vix inter delicta referri meretur.

§. XIV.

Dispositio C. C. C.

CONSTITUTIO C. C. C. art. 133. procuratam sterilitatem crimini abortus exaequat verbis: **wer auch Mann oder Weib unfruchtbar macht** etc. Sanctionem hanc principiis primis jurisprudentiae criminalis manifeste contrariam esse, adnotat BOEHMER t). Quod autem cum BERLICHIO u), KRESSIO x) aliisque poenam *arbitrariam* concedat, de prava intentione intelligendum esse autumo, quam impuam relinquere, quia tale factum mali exempli res est, consultum non foret.

O 3

Num

r) Diff. De laesionib. ext. abortiv. venen. ac philtr. Obs. 13.

s) Medic. legal Sect. XV. §. 119.

t) Obs. IX. ad Carpz. Q. XI.

u) P. IV. Conclus. 8. No. 58.

x) ad C. C. C. art. 133. §. 4.

Num vero dispositio C. C. C. plane inutilis est? Minime gentium; recte enim BEYER y) castrationem cum hoc crimine coincidere et ab omnibus fere gentibus graviter vindicari testatur. Hanc sententiam confirmant verba art. 133. durch Bezwang, generalia et de omni medio violento, quo sterilitas procurari potest, intelligenda. Me tamen in eo haud consentientem habet idem auctor, quod *ultimo supplicio* locum non faciat; nam *vel* castrationis crimen cum crimine sterilitatis procuratae coincidit, *vel* ab eo differt. Dum prius assumit BEYER; absque regularum sanae interpretationis offensa, poenam crimini sterilitatis dictatam, quae illa mortis est, tanquam consequens declinare nequit; praesertim, si invito virilia exsecantur. Immo, et tacente C. C. C. jus Romanum poenam *Legis Corneliae* dictat ei, qui etiam volenti virilia exsecaverit z).

Excipi tamen debet ille, qui jussu principis masculinum castravit a). Si modo hodiernum adhuc principes dentur, qui effeminatas voces humanae felicitati praeferre cupiunt; postquam

y) b. art. ad C. C. C.

z) L. 4. §. 2 ff. ad L. Corn. de Sic. et Venef. Illi, qui thlibias faciunt in eadem causa sunt cum iis, qui castrant. L. 5. eod.

a) Eng a w Elem. Jur. Crim. L. I, T. 33. § 415:

quam Φιλάνθεωπος CLEMENS XIV. Summus Pontifex sapienti consilio spadones fieri prohibuerat.

CAPUT III.

De philtro, poculo odii etc.

§. XV.

Philtrum.

De *Philtri* propinatione quaedam in priori Dissertatione de veneficio dolofo jam praeoccupavi *b)*. Nunc eius naturam et indolem paulo accuratius rimabor.

Philtri propinatio est delictum, quo quis medicamento, quod *philtrum* vocant, alteri invito amorem excitare studet, malo eventu secuto.

Ex hac definitione sequentia fluunt: I. *Philtri* propinatio est delictum. II. Dolo vel culpa committitur. III. Conficitur philtro. IV. Effectus philtri requiritur.

§. XVI.

Est delictum.

Philtri propinationem delictum esse, non modo ipsius facinoris natura, sed etiam leges poe-

O 4

nales

b) §. II.

nales docent, ad illud cöercendum latae c). Quum delicti hujus indoles ab illa philtorum pendeat; de ea in sequentibus demum, quando de his sermo erit, dicturus sum.

III §. XVII. A

Dolo vel culpa committitur.

Quandoquidem non solum *dolo*, sed et *culpa* admittatur hoc delictum: consequens est, vel *meram* culpam, a qua omnis dolus absit, poenam licet leviozem, mereri. Unde miror, BOEHMERUM d) Areopagi iudices excusasse, qui mulierem, quae amatorium poculum marito dedisse fertur, quo is perierat, penitus absoluerunt, adeoque veneficiis refugium quodammodo aperuerunt. Quod ad *dolum* attinet, eum a se declinare nequit vir, qui probare vult, se mulierem, cui poculum amatorium dedit, in uxorem ducendi propositum habuisse; aut vice versa mulier, quae probare vult, se animum nubendi habuisse viro, cui philtum propinavit; quum ille, qui inscium ac invitum violento remedio in sui amorem rapere studet, animo nocendi haud vacet.

§. XVIII.

Conficitur philtro.

- Philtum* s. *Poculum amatorium*, Φίλτρον e),
 c) L. 38. §. 5. ff. de poen.
 d) Obs. III. ad Carpz. Q. XXI.
 e) a Φιλεῖν amare,

liol), anguium ossa m), vespertilionis sanguis n), stergethron o) mandragora p) et sexcenta alia.

Haec tamen omnia ceu aniles fabulas multi derident. quibus facem praefert OVIDIUS q), qui sic canit:

*Fallitur, Aemonias si quis decurrit ad artes;
Datque, quod a teneri fronte revellit equi.
Non facient, ut vivat amor, Medeides herbae;
Mistaque cum magicis mersa venena sonis.
Phasias Aesonidem, Circe tenuisset Ulysssem;
Si modo servari carmine possit amor.*

Hujus poëtae vestigia presserunt fere omnes medici. e quibus HOFMANNUM r), HEBENSTREITIIUM s), et ESCHENBACHIUM t) nominasse sufficiat. Quum itaque ex horum sententia sequeretur, nullum omnino corpus delicti in philtro porrectione adesse posse, de cujus tamen existentia, tanquam de quaestione praecjudicali

ju-
l) lacertae species PLIN. H. N. L. XXX. c. 10. S. 49. Ed. Hard.

m) Propert. L. III. Eleg. 5.

n) PLIN. l. c.

o) Planta. Idem L. XXV. c. 13. S. 102. E. H.

p) Planta. Levinus Lemnius c. 2. Explic. herb. bibl.

q) de Arte amandi L. II v. 99.

r) Diff. de laes. ext. abort. ven. de philtro Obs. XVI.

s) Anthropol. forens. S. II. m. 2 c. 2 § art. 5. 17.

t) Med. leg. S. III. §. 25.

judex ante omnia certus esse debet; factum illud e foro criminali statim eliminandum esset. Verum enim vero verbis ludere, qui philtra dari negant, re ipsa non dissentire ab eis, qui talia dari statuunt, bene observat BOEHMER *u*), quum omnes fere in eo consentiant, quod plura corpora, pro philtris dari solita, licet amorem erga *certam personam* conciliare non valeant; phantasiam tamen obnubilare, amores igneos et furorem *x*) excitare, immo ipsam mortem *y*) haud raro asferre possint ac soleant *z*). Hoc affirmat jam OVIDIVS *a*)

Nec

u) Obs. III. ad Carpz. P. I. Q. XXI.

x) Caligula amatorio a Caesonia uxore in furorem actus fertur. *Sueton. in eius vit. c. 50. Juven. Sat. VI. v. 613.* Quam infinita mala ex furore oriri possunt. experientia docet. Exemplum praebet inter alia Theologus quidam, qui teste *Petr. Borello Hist. Med. Cent. I Ob. 65.* hausto philtro tanto furore correptus fuit, ut proprium occideret patrem.

y) Lucullum Imperatorem clarissimum amatorio periisse tradit PLINIVS *H. N. L. XXV. c. 3. S. 7 Ed. Hard.*

z) Eiusmodi philtra *venenata* vocat Stenzel *Diff. cit. § 9. et 13.* Pleraque eorum ad venena narcotica pertinent. Eiusdem farinae sunt, multa ex *aphrodisiacis* sive istis corporibus, quae ad venerem languentem resuscitandam commendantur, quaeque exinde etiam philtra quandoque dicuntur *Cf. Christ. Vareri Physiol. Experiment. Append C. I. Q. 4 p. m. 843.*

a) *de Art. am. L. II. v. 105.*

*Nec data, canit, profuerint pallentia Philtra
 Puellis;
 Philtra nocent animis; vimque furoris
 habent.*

Idem fatentur modo citati HOFFMANN b),
 HEBENSTREIT c) et ESCHENBACH d).

Concedi itaque potest iis, qui philtra dari
 negant, talia in *sensu stricto* forsan dari nulla;
 attamen dubitari nequit, philtra dari in *sensu*
lato, quo in sensu omnia medicamenta nociva
 pro philtris strictè sic dictis propinata, sub *Phil-*
tri nomine veniunt,

§. XIX.

Effectus Philtri requiritur.

Effectum denique *requiri*, dubium non est;
 quum alias de *corpore delicti* haud constaret.
 Hinc ad delicti probationem non sufficit amato-
 ri-

b) Diff. de laes. ext. Obs. cit. Medic. Consult.
 P. I. Dec. III. Cas. 8. et Med. Syst. T II.
 P. II. c. 2 § 10. p. 178. ubi tradit, amorem
 insanum per philtra ex certis materiis parata
 in aliis excitari posse. „Neque enim, adicit,
 „ex toto insuper habendae sunt illae observa-
 „tiones, quae de philtrorum noxa nos certio-
 „res reddant, “ Immo ipse, sibi non constans
 vera philtra dari, aliquo modo concedere
 hoc loco videtur. cf. Ejusd., Diff. de Saliv.
 et eius morb. p II.

c) l. c.

d) l. c.

rium propinatum esse, sed vel mortem, furorem, insaniam, amorem invitum, vel aliam sanitatis laesionem secutam esse oportet. Ex laesionis genere ac gradu constat, an ordinaria, an vero extraordinaria poena locum habeat (§. 21. *sqq.*). Ut autem iudex certo sciat, an effectus secutus dato philtro tribuendus sit; etiam in hoc delicto Medicorum responsis quam maxime indiget,

§. XX.

Poena Juris Romani.

Qui philtum dant, eadem poena plectuntur, quae iis imminet, qui poculum abortus propinant e) Scilicet, si nemo ex amatorio perierit: *humiliores in metallum, honestiores in insulam, amissa parte bonorum, relegantur.* Ut autem ordinaria haec poena locum habeat, non quamvis leviolem ac transitoriam laesionem sufficere, existimo; sed graviolem atque stabilem quodammodo, furorem e. gr. insaniam et similia requiri sentio; partim, quia eiusmodi effectus Romanorum tempore philtis in genere tribuebantur (§. 8.); partim, quod dicta poena adeo gravis sit. ut parum distet ab illa *Veneficii dolosi* f).

Quod-

e) L. 38. § 5 ff. de poen. cf. § 6. h. Diss. et Diss. de Venef. dol. § 1.

f) v. Diss. mea de Venef. dol. §. 31. cf. Frid. Esai. Puffendorffii de Culpa Comment. Lemgoviae 1741. 8 P. VIII. c. 2 §. 8 et 23.

Quodsi homo perierit philtro : *ultimum supplicium* locum habet *g*). Sub *ultimo* autem *supplicio*, cuius mentionem facit citata *L. 38. §. 5. ff. de poen.* non instincte mortem naturalem, sed poenam *Legis Corneliae de Sic. et Venef.* intelligendam esse videtur, quae altiores ad *deportationem*, eos, qui in secundo gradu sunt, ad *gladium*; vilissimae autem conditionis homines ad *bestias* damnat *h*). Sententiam hanc duobus praecipue argumentis firmabo.

I. Non probabile est, leges Romanas philtro porrectionem, tanquam veneficium *culposum* (*Praem.*) majori poena afficere voluisse, ac ipsum veneficium *dolosum*; quod tamen accideret, si personarum altiori loco positarum non haberetur ratio.

II. Cum hac interpretatione egregie concordat *L. 3. §. 2. ff. ad L. Corn. de S. et V.* in qua dicitur, amatorium, quod hominis necandi causam *i*) habet, *i. e.*
i. e.

g) *L. 38. cit.*

h) *L. 3 §. 5. ff. ad L. Corn. de S. et V. cf. Dist. cit. l. c*

i) Sic enim legendum esse putat cum *vulgata. Codex. Florent.* habet *caussa*. Sed minus recte, ut mihi videtur, quum sensus contortus reddatur,

i. e. quod *venenum in sensu stricto* est, in Lege Cornelia notari. Haec autem verba cum verbis finalibus L. 38. §. 5. ff. de poen. collata, nullum alium sensum admittere videntur, quam hunc: „ quive-
 „ nena (*in sensu stricto*) pro amatoriiis
 „ propinant, iisque hominem interficiunt:
 „ poena Legis Corneliae plectendi sunt. “

Quod ad philtra *magica* in specie attinet, de iis loqui videtur Imp. CONSTANTINUS in L. 4. C. de malef. et math. ubi severissimas poenas hujus legis infractoribus infligi jubet.

§. XXI.

Poena Juris Carolini.

De philtri propinatione nil diserte disponit C. C. C. BOEHMERUS in *Meditationibus*, quas in illam scripsit k) gladium cum LEYSE-RO l) dicat ei, qui aliquem amatorio interemit ob *intercedentem*, ut ait *infimum doli gradum m)* Nec LEYSERUS ultimum supplicium remittit; quamvis homo post aliquot demum annos ex isto veneno perierit; quod in PETRO LOTICHIO *Secundo* accidisse adnotat. BOEHMERI atque LEYSERI sententia ex jure Romano defendi

k) ad C. C. C. art. 130. § ult.

l) Med. ad ff. Sp. 609. m. sq.

m) BOEHMERUS sub *dolo* animum nocendi intelligit.

defendi potest *n*); quod toties obtinet, quoties C. C. C. tacet.

In alia omnia abeunt THEODORICUS *o*), CARPZOV *p*) atque KRESS *q*), qui mortē licet secuta, ultimum supplicium exulare statuunt, parum firmis, ut ipse KRESSIUS fatetur, argumentis suffulti.

Quodsi mors secuta non fuerit, proximam a gladio poenam recte dicat LEYSER *r*). Cur autem hic auctor damnum irreparabile requirat, non video, quum graviolem laesionem sufficere ex prioribus fluat.

Quicquid sit, hodie in praxi arbitrariam tantum mortis poenam obtinere, testatur PÜTTMANN *s*).

§. XXII.

Quando Poena mitigatur?

Quemadmodum in aliis delictis rationes adesse possunt, quae iudicem ad mitigandam vel aggravandam

n) L. 38. §. 5. ff. de poenis. Licet poena gladii LL. Romanis non ex asse conveniat (v. § praeced.) Moribus tamen hodiernis adaequata est, qui personarum discrimen in poenis infligendis ut plurimum sustulerunt.

o) Colleg. Crim. Disp. 7 Th. 7. Lit. A.

p) P. I. q. XXI. no. 14. sqq.

q) ad C. C. C. art. 130 § 3.

r) Spec. cit. m. 25.

s) El. Jur. Crim. L. I. c. 22. §. 364.

gravandam poenam movere possunt; ita et in his facinoribus quandoque accidit. Sic indulgentiam meretur, tum, qui ob vehementiam amoris, summo melancholiae gradu laborat *t*); tum, qui poenitentia ductus tempestive, quod fecit, indicaverit, ut auxilium aegroto ferri possit *u*); tum etiam conjux, qui conjugii, ad incitandum conjugalem amorem philtum propinaverit *x*); tum denique, qui laesionem levioris momenti intulerit.

§. XXIII.

Quando poena exasperatur?

Aggravatur crimen, si reus, infelici successu secuto, misere decumbenti non subvenerit, rem gestam enunciando; vel auxilii ferendi occasionem dolose praeciderit; si philtum adultarii committendi causa datum fuerit; si vilis abjectaeque conditionis homo principis vel alius in majore dignitatis gradu collocati filiae tale remedium praeberit; si quis denique philtorum prae-

t) *Carpz. P. III. q. CXLV. No. 53 ZACHIAS Quaest. III. Legal. L. II. T. I. q. 10 No. 48 sqq. Amoris effectum pueri deponit PLAUTVS in Poen. act. IV Sc. 2.*

u) *Theodoric. Colleg. Crim. DIO Th. 4 lit. Q.*

x) *Carpz. P. I. q. XXI. no. 23.*

praeparationem ad publicam artem retulerit y) et hujus generis alia z).

§. XXIV.

*Poculum odii et furoris. Philtra
enthusiastica.*

Quae hucusque de poculo amatorio dicta sunt, fere omnia quoque locum habent in poculo odii sive tali pharmaco, quod amoris extinguendi atque odii excitandi causa datur; absque discrimine, sive quae pro talibus dantur, revera his vitutibus gaudeant, sive alio modo nocent. Illorum mentionem faciunt PLINIVS a) ORIGENES b), QVINCTILIANVS c) alique auctores.

Idem dicendum est de furoris et dementiae poculis qualia dari experientia testatur d). Huiusmodi medicamentum ideo datum, ne maritus uxorem adulterii posset accusare, memorant *Leges Wisigothicae* e). Talis poculi propinationem inter causas exheredationum refert JUSTINIANUS f). Imp. LEO g) maritum, qui uxorem in furem egit, ut divortium obtineret, at-

y) Kress ad CCC. art 130 §. 3.

z) Stenzel Diff. cit. § 16 et 18.

a) H. N. L XXVIII. c. 8 S. 27 f. Ed. Hard. 27.

b) contra Celsum L VII.

c) Declam. 15 et sq.

d) Zaccbiæ l. c. q. 17.

e) Lib. III. T. 4 L 13.

f) Nov. 115. c. 4 § 5.

g) Nov. L III.

attondere et monasterio inclusum nequitiae suae poenas luere iussit.

Huc quoque referenda sunt *Philtrea* quae vocant *Enthusiastica*, quibus fanatici homines quandoque non mutuum tantum inter se et inter alios, qui non ad illorum classem pertinent, amorem conciliare, sed et Enthusiasmum in se et aliis excitare, dicuntur *h*). Horum naturam, compositionem, modum quo agunt. atque diversas circa illa eruditorum opiniones fuse pertractat STENZEL *i*), atque ea venenorum instar agere, ostendit.

Varia haec pocula in eo tantum ab amatoriis differunt, quod maior plerumque illis doli gradus adsit, adeoque minorem indulgentiam mereantur.

C A P U T I V.

De porrectione cibi et potus corrupti.

§. XXV.

Cibus et potus per se corruptus.

Committuntur quotidie facta nociva; qui-

P 2 bus

b) Ex similibus medicamentis unguenta et alia remedia parata fuisse videntur, quibus sagacitebantur; atque hoc modo caput obnubilando sibi persuadebant, se per caminum iter fecisse, conventum in monte *Bructerorum* *Blocksberg* egisse, atque similia sua habuisse. Ex variis ejusmodi pharmacis unicum *semen Hyosciami* nominasse sufficiat,

3) *Diff. cit. §. II.*

bus magistratui quam maxime invigilandum est, ne quid respublica exinde detrimenti capiat; quaeque in omni bene constituta civitate vel statutis prohibita sunt, vel data occasione legibus poenalibus interdicuntur. Si prius obtinet, eos, qui talia facta admittunt, delinquere, dubium non est; si posterius, proprie quidem non delinquant; peccant tamen contra regulam generalem, quae cuique civi prohibet vel dolo vel culpa alterius sanitatem laedere. Quodsi eiusmodi facta *venenis* in sensu *stricto* vel *lato* sumtis committantur: quid impedit, quo minus ea ad *Veneficium culposum* vel proprie vel improprie sic dictum referam?

Inter eos, qui tale veneficium culposum et quidem immediate committunt, refero primo illos, qui cibum aut potum vetustate, vitio interno aut simili modo corruptum propinant *k*); dummodo sanitatis laesio exinde secuta sit et propinantis culpa adfuerit e. gr. si lucrum fuerit causa impulsiva.

§. XXVI.

Cibus et potus per vasa corruptus.

Altero loco huc refero famulos, qui cupri qua-

k) *Hebenstreit Anthropol. for. S. 1 c. 2 § 22*
Leyser Spec. 609 m. 28. exemplum affert
 oeconomi, cuius fraude et improbitate
 1677 duodecim convictores in academia Lip-
 siensi interierunt, quemque gladio dignum
 censet.

qualitatem norunt, et nihilominus vasa ex hoc metallo conflata adeo imprudenter ac negligenter tractant, ut illorum venenum, viride aeris puta, sese alimentis immisceat; quum integrarum familiarum vitam et sanitatem eo periclitari experientia docuerit 1).

Severius animadvertendum est in caupones, pharmacopolas, distillatores *m*) pistores et similes, qui debitam his rebus diligentiam non adhibuerunt; praecipue, si statuta loci valorum

P 3 cupreo-

1) Hoffmann in *Diff. de caut. et circumsp. venen. dat. accus.* § 5 Recentem casum narrat BUCH'HOZ *la nature consid. sous ses differens aspects* II. Ep. no. 4 d. 29. Fevr. 1780 p. 176 Plura eiusmodi exempla collegit quoque Hueber *Diff. de aenea culinaria suppellectili Argent.* 1766 § 3. eo magis mirandum, quod Zimmermann *Erfahrung* T. II p. 282 refert: *Elterum* Academiae Berolin. ostendisse, vasa cuprea non tam nociva esse, quam vulgo creditur. cf. *Mém. de Berlin* a 1754 p. 3 sqq. Tales autem conatus damnat SPIELMANN *Inst. Mat. Med.* § 41 v. *Cuprum*.

m) Spiritum vini, quo utimur quotidie, cupro saepe inquinatum esse, et inde varios morbos produci, quorum causa ignoratur, experimentis clare demonstrat Plouquet (Wilh. Gottf.) *Warnung an das Publicum für einen in manchen Brantwein enthaltenen Gift samt den Mitteln es zu entdecken und auszuscheiden.* Tübingen 1780. 8.

cupreorum ufum vel plane proferipferunt, vel in quibusdam tantum permiferunt, vel faltem ftanno illa voluerunt efle obducta. Hoc ultimum *Argentorati* n), *Nanceji* o), aliisque locis obtinet. Talia ftatura, fi non modo feruntur, fed frequentiori examine et quidem improvife inftituto observantur, fanitatem fatis tueri valent; dummodo perfonae huic examini affiftant, in quos non cadit avaritiae fufpicio.

Quod de vafis cupreis dictum eft, et de aurichalco valet; nec vulgare illud praejudicium tolerandum eft, quod, proh dolor! multis inhaerethominibus, aurichalcum, fimilesque metallorum compositiones, quae fub nominibus *ehern* (*bronze*) *Tombaë* aliisque veniunt, innocuas efle; fiquidem cuprum harum omnium

basin

n) Apotheker Ordnung §. 37. Die Waffers brenner u. f. w. in Strasb. Collegio medico 1757. p. 34. Verordnung eines Löbl. Pollicey Gerichts. d. a. 1763. 28. Novembr. et Extract aus E. Löbl. Pollicey Gericht memoriali d. a. 1764 den 2 April contra H. - und P. - bede Paffetenbeck und Bürger; quibus vafa quaedam cuprea confifcata funt, et multa impofita eft. cf. quoque Obrigkeitl. Verordnung den Kauf und Verkauf des Gifts betreffend. d. a 1769 art 18.

o) BUCHHOZ l. c. T. I. no. 1 d. I Janv. 1780 p. 27.

basin constituere, notum sit p) licet merum cuprum citius viride aeris producat, quam hae compositiones q)

CAPUT V.

De Medicamentis nocivis.

§. XXVII.

M. n. ab iis data, qui Medicinam profitentur.

Veneficium culposum porro immediate com-

P 4

mit-

- p) Multum quoque invigilandum est argenteae suppellectili, quippe quae ubique tere cupri societatem habeat; tum etiam stanneae, cui saepe plumbum admisceri solet, quod in acidis, alcalinis et oleosis solutum ad venena lenta pertinet. v. Diss. nost. de Venef. dol. §. 4. et 6. cf. Hoffmann Diss. cit §. 8. Spielmann Inst. Chem. §. 67. Recherches chimiques sur l'étain faite et publiées par ordre du gouvernement. p. MM. Bayen et Charlard. Paris 1781. 8 p. 209. 254 et 270. Haec stanni mixtio etiam in causa est, cur non indistincte vasis aeneis stanno obductis confidere liceat. Ne dicam, quod fabri aearii saepe cuprum vel plumbum stanno addant: si metallicam superficiem inducunt. G. A. Hofmann Unterricht in der Chemie, Metallurgie, Oekonomie &c. Gotha 1774. 8. §. 310. p. 179.
- q) Hueber Diss. cit. § 11.

mittunt, qui medicamenta nociva, licet ad bonum finem obtinendum dant. De his in genere, iusto fevcrius ftatuit ius Romanum antiquius, uti ex PAULOR) conftat; en eius verba: *Si ex medicamine, quod ad falutem hominis vel ad remedium datum erat, homo perierit, is, qui dederit, fi honeftior fuerit, in infulam deportatur; humilior autem capite punitur.* Haec autem fententia in Corpus Juris Juftinianaeum recepta non eft.

Delictum hoc *fecciatim* vel ab iis committitur, qui artem medicam non profitentur; vel ab iis, qui illam profitentur. Priori loco de illis nobis fermo erit. Huc pertinent, qui poculum ad conceptionem dederunt, ex quo laefio feccuta eft. De his ita difpofuit L. 3. §. 2. ff. ad L. Corn. de Sic. et Venef. Sed ex SCTo relegari iuffa eft ea, quae non quidem malo animo, fed malo exemplo medicamentum ad conceptionem dedit, ex quo ea, quae acceperat, decefferit. Ubi fub malo exemplo refugium, quod veneficio dolofo aperitur, uti in L. 38. §. 5. de poenis intelligendum effe autumo (§. 6.).

Sequuntur nutrices atque famulae audaces, quae, fuo indulgentes genio infantibus opiata s) dofi magna, infcientibus parentibus in os illinunt,

r) Recept. Sent. E. V. T. XXIII. § ult.

s) Olim in nofta civitate quaelibet fere nutrix, quaelibet infantium cultus opiata fecum

nunt, ne illorum quiritatu in somnis, negotiis aut amoribus turbentur. Quo facto, infantes ocyus serius gravissimis saepe corripuntur morbis, quos pallida mors haud raro sequitur t). Eo periculosius hoc delictum esse videtur, quod fere nunquam detegatur.

Huius delicti reo, si crassa negligentia concurrat, poenam citatae L. 3. §. 2. ff. ad L. Corn. de Sic. et Venef. dictari posse non invitatus concederem. Huic sententiae favet NEMESIS CAROLINA, quae art. 134. medicamentorum abusum coercet. Civitatis nostrae Magistratus quoque sapienti consilio sub multa prohibuit, ne obstetrices publice receptae, medicamenta interna absque Medicorum consilio aegrotis darent u). Quanto magis contra Legem hanc poenam

P 5

nalem

gestabat. *Tryphera magna* praecipue utebantur.

t) De opiatīs ita sentit. Cl. *Spielmann* Inst. Mat. Med. v. *Opium*. Illud (*Opium*) sensuum et motus muscularis organa ita obtundere, ut eorum functiones imminuantur, immo aucta eius dosi, sensus internos turbare, musculos resolvere, lethali sopore opprimi homines, per omnia secula annotatum fuit, ipsa hilaritas et audacia, quas levior ejus quantitas assumpta inducere solet, iam species delirii esse videtur cf. *HOFFMANN* Med. Syst. IV. P. III. S. I. c. I de Epil. § 5.

u) v. Der Medicorum Ordnung § 3. in Strasb.

nalem peccant nutrices et famulae, quae insciis Medicis, immo ipsis parentibus, medicamenta nociva temere infantibus praebent?

Optandum foret, ut parentes ipsi de hoc abusu satis instructi liberorum saluti invigilarent. Utinam Medici et Chirurghi eruditi atque habiles obstetrices omnia inveterata praejudicia felici successu extirpare possent.

§. XXVIII.

M. n. ab iis data, qui Medicinam profitentur.

Postquam de iis locuti sumus, qui medicamenta nociva dant neque tamen Medicinam profitentur: nunc posteriori loco de iis ago, qui medicamentis nocent, licet pro peritis in arte medica haberi velint, et hanc artem profiteantur x).

Ut igitur delicta, quae circa scientiam salutarem committuntur, bene dijudicari queant:

qua

Strasb. Colleg. Med. p. II Ordnung der Hebammen §. 25. et Ordn vor die in denen unter der Bottmäßigkeit hiesiger Stadt stehenden Aemtern sich befindende Hebammen § 9. in vermehrt und verbesserter Ordnung des Hebammen Meisters und sambtlicher Hebammen der Stadt Strassburg 1757. pag. 19 et 27.

x) Zachiae Quaest. Med. leg. L. VI. T. I.

quaedam de statu hujus artis in genere prae-
mittamus.

Apud Romanos olim *Medicus* erat, quicun-
que salutem aegrotantium succurrendi artem profi-
tebatur; adeoque haec vox *Chirurgos*, *obste-*
trices et similes y) comprehendebat.

Peculiarem Medicorum sectam constituerunt
Empirici z).

Aliam formam recentiori aevo Medicina in-
duit. Nam Empirici nomen, quod olim hono-
rificum erat, hodie ignominiosum est, sed nemo
Medici nomine condecoratur nisi ille, qui sci-
entiam salutarem necessariis theoriae atque Pra-
xeos subsidiis fultam didicit, atque ab arte spe-
ritis publice ad hoc officium constitutis exami-
natus est a). Quicunque autem his principiis

Medico

y) L. 7 § ult. L. 8 pr. L. 9 pr. et § 1 ff. ad L.
Aquil. L. 1 §. 2 et 3 ff. de extr. cogn.

z) *Εμπειρικὴ* secta in Sicilia coepit et *Acro-*
nem Agrigentinum, *Empedoelis* Physici aucto-
ritate commentatum, auctorem agnovit teste
PLINIO H. N. L. XXIX. c. 1 S. IV. Ed.
Hard. SUIDAS V. *Ἐμπειρικὸν*. PLINIVS l. c.
non bene de Empiricis, ut et de Medicina
in genere sentire videtur. Contra *Celsus de*
Medicina Praefat. p. 3 Edit. Lugd. Bat. 1665.
12. Empiricos non mediocres viros appellat.
Idem auctor *Serapionem* pro primo Empirico
habet cf. eiusd. *Praef.* p. 8.

a) Cf. *Constitutio Friederici II.* Imp. in
Const.

Medico tanquam artem facere conantur: e Medicorum ordine excluduntur et nominibus *Empiricorum, Medicastrorum, Agyrtarum, Uromantium*; Gal. Empiriques, Charlatans; Germ. *Pfuscher, Quack-salber, Narckschreyer*, aliisque notantur b).

Definitio, quam de *Medico* adduxi plana esse videtur, et quae nulla explicatione indigeat. Alteram, quam de *Empiricis* dedi, ulteriori examini subjiciam; ea potissimum ratione adductus, quod nullibi exactam de illis definitionem inveni; a qua tamen omnis decisio juridica pendet. Ex hac definitione patet: Empiricum I. Medicinam facere. II. Theoreticis et practicis principiis Medico necessariis destitutum esse. III. Medicinam tanquam artem exercere.

§. XXIX.

Const. Sicul. L III. T. 34 apud *Lindenbrogium Cod. LL. Ant.*

De his agit eosque (in sensu lato sumtus) in tres classes dispescit *Koechlin* in *Diff. de Felicitate empiricorum medicastrorum diversa a felicitate veri medici*. Basileae 1755. § 9 sqq. cf. *Behrens Selecta medica*. Francof. et Lips. 1708. 4 Sect. V. de *Curationibus Empiricis*.

Distinctionem inter *Medicos et Medicastrorum* admittit. C C C. art. 134. Illos vocat *Ärzte*, hos *leichtfertige leut*, die sich *Ärznei* understehen, und der mit *Keynem Grundt* gelernet haben

§. XXIX.

Medicinam facit.

Empiricus Medicinam facit. Sub voce *Medicina*, quae hic in sensu lato venit, quo et *Chirurgia* comprehenditur *c*), non ipsam Medicorum scientiam intelligendam esse, quilibet videt, ab ea quippe longe absunt empirici; sed illorum functionem et operationem corporis. Sic Medicorum instar aegros vident, vel ab iis visuntur, eosque de statu morbi interrogant: iis medicamenta praescribunt, dant, applicant; vulnera, ulcera, luxationes, obligant, secant, reponunt. Qui talia agunt, in sensu juridico *Medicinam facere* dicuntur; licet ipsi forsan *Medici* nomen sibi non tribuant *d*).

§. XXX.

e) *Medicis* autem in sensu strictissimo sumtis i. e. qui morbis internis curandis operam dant, non licet *Chirurgiam*, nec *Chirurgis* *Medicinam* in sensu strictissimo sumtam pro lubitu exercere; si legibus separata sunt haec munera. Haec separatio in plerisque locis obtinet. Argentorati prohibitum est Medicis *externa* et *Chirurgis interna* remedia aegrotis dare v. der *Medicorum Ordnung* § 2 in *Collig. Med. p. 10* et *Erneuerte und verbesserte Artikel Eines Löbl. Corps derer Chirurgorum oder Wund- Aerzte der Stadt Strasb. 1757. art. XV.*

d) Cf. BAYLE *Dict.* art. *XV.*

§. XXX.

Theoreticis et practicis principiis Medico necessariis destitutus est.

Praecipua, quae empiricum a Medico distinguit, nota, in eo consistit, quod hic *necessarius* ad artem, quam proficitur, *principiis* imbutus sit, quibus vel in totum, vel magna ex parte caret *empiricus*.

Illud etiam monendum est, quemcunque, qui Medicinam exercet, utut eruditissimum, in foro ut plurimum praesumi scientia medico necessaria destitutum; nisi per supra dictum (§. 28.) examen probaverit contrarium; quia in arte salutari nimis periculosum est, rem publicam eventu demum de ejus, qui medicinam facit, scientia, certiore fieri e).

§. XXXI.

Medicinam tanquam artem exercet.

Quum denique empiricus *Medicinam tanquam artem exercent*, id est, gloriam vel opes Medicinae exercitio quaerat: sequitur, illis adnumerari non posse, qui amicis unum alterumve remedium dant seu suadent, cuius bonum effectum, vel ipsi, vel alii ex eorum amicis experti

- e) Inquisitio in has res vel ad delationem Medicorum aliorumque civium vel ad famam, magistratui ex officio, vel procuratori fisci plerumque incumbit.

perti sunt, vel quod a medico acceperunt. Multo minus ad empiricos pertinent, qui homini in praesenti periculo, quod Medici auxilium requirit, constituto, pro viribus opem fert, si Medici non sit copia *f*).

Propius ad empiricos accedunt, qui medicamenta quaedam *arcana* absque magistratus permisso in vulgus vendunt.

Haec de statu Medicinae dicta sufficiant. Nunc de delictis, quae circa medendi artem a Medicis et medicastris committuntur, age dispiciam.

§. XXXII.

De delictis, quae circa Medicinam a Medicis et medicastris committuntur.

Ordo nunc requireret, ut primo de delictis agerem, quae Medicis et medicastris in genere communia sunt, et tunc de delictis, quae cuilibet horum in specie propria sunt. Quum vero delicta, quae a medicastris committuntur, non nisi culpa gradu ab illis Medicorum differant: de horum praecipue delictis sermo erit.

Medici vel *dolo* vel *culpa* circa artis suae exer-

f) In utroque tamen casu aegrotum, quamprimum fieri poterit, ad Medicum ablegandum esse, sana ratio suadet. Nisi ille, qui consilium dedit, de ejus bono eventu certus sit; quantum scilicet humana fragilitas patitur.

exercitium peccant. Si dolo, qualis in Lege Cornelia requiritur, i. e. *animo necandi* delinquant: incidunt in crimen *Veneficii dolosi*, de quo alio loco verba feci g). Si culpa delinquant, tunc eorum delicta graviora vel leviora sunt, pro diverso culpae gradu, quem admiserunt. Duplicis generis culpae mentionem facit C. C. C. art. 134. *Negligentiae Unfleiß* et *Imperitiae Unkunst*. Hanc *latae culpae* adscribunt Jcti h) eiusque probatio non valde difficilis est. Illa autem, quum in facto consistat et varios gradus habeat, ut *oscitantiam*, *impatientiam*, *temulentiam* i) *audaciam* etc. difficultus probationem admittit; praesertim, quod Medici, quorum consilium CAROLUS V. exigit, in reprobanda morbos curandi methodo quandoque inter se discrepent.

Haec ad culpam a Medicis admissam in genere spectant. Nunc praecipuas quaestiones rimabor, quae huic materiae lucem afferre queant.

§. XXXIII.

g) v. Diff. mea de *Venef. Dolos.* §. 10. et 34.

h) BOEHMER ad C. C. C. art. 134. §. 3. cf. §. 7. l. de L. Aquil.

i) Quam perniciofa sit ebrietas in personis, quarum curae corpus nostrum committimus, haud ita pridem vidit civitas nostra in oblectrice, cujus temulentia mater una cum partu interiit. Sed meritas luit infelix mulier poenas.

§. XXXIII.

An Medicus possit veneno necare volentem?

Maximi momenti haec quaestio est, quia ab ea pendet decisio quaestionis, *an talis Medicus ad veneficos dolosos, an vero ad culposos referendus sit?*

Secundum principia veterum quarundam gentium, quae mortem miserae vitae praelerebant *k*), quaestio proposita affirmanda foret. Quodsi sanioris jurisprudentiam sequimur: pro negativa nobis pugnandum esse, extra omnem dubitationis aleam positum esse videtur. *An vero medicus, qui volentem occidit, ultimo supplicio puniendus sit?* expediti juris non est. Affirmativa verior videtur argumento *L. 4. §. 2. et L. 5. ff. ad L. Corn. de Sic. et Venef.* Vi harum legum ii, qui etiam volentes castrant, poena Legis Corneliae plectuntur. Quanto magis ergo, qui volen-

k) Quantum priscae quaedam gentes ea in re indulserint, patefaciunt exempla *Ceorum*, apud quos consuetudo infirmos senescicutam (plantam, qua *Socrates* periit) bibere iussit. *Aelian Var. Hist. L. III c. 37 Νόμος Κείων καὶ δὲ γερύων.* *Massiliensis* praeparatum venenum publice custodiebant, quod dabatur ei, qui causas *Sexcentis* (id enim *Senatus* ejus nomen erat) exhibuit, propter quas mors sit illi expetenda. *Valer., Max., L. 1 lib. 6. ex. 7. 8.*

lentes necant, ad Legem Corn. pertinent? Nec aliud evincit Nov. 142. in qua JUSTINIANUS poenam talionis in genere dicitur iis, qui castrant. Nam argumento ex hac Lege ducto, qui occiderunt etiam volentem, occidendi sunt.

Nullum dubium relinquit NEMESIS CAROLINA, cujus art. 134. disertis verbis praecipit: *hett aber eyn Artzt solche tödtung willigklich gethon, so wer er als eyn fürseßlicher Mörde zu straffen*. Haec verba tamen obrationes, quae crimen hoc circumstant, mitigantes, ex art. 137. C. C. C. verbis: *unn sonst auch gemelte entschuldigung l) nit hat*, limitanda sunt, ut ita non rotae, sed gladio locus sit. Neque nimis dura est haec sententia; nam, rationibus jam allatis accedit, quod delictum hoc pessimi exempli sit, et hoc velamento fere omnia veneficia dolosa a Medico commissa regi possint m),

Negativam sententiam tuetur KRESS n) atque inter alia minoris momenti argumenta asserit,

1) Quid sub voce *entschuldigung* intelligendum sit, CAROLVS V. in sequentibus articulis explicat; ex horum articulorum nec verbis, nec rationibus, *excusationem* pro medico volentem occidente, quis exsculpet. Sensus itaque art. 137. hic est: „qui non est latro, neque sequentes vel similes excusationes habet, gladio punitur“ Atqui Medicus etc, Ergo.

m) Arg. L. 38. § 5. ff. de poen.

n) ad C. C. C. § 4.

rit, legem criminalem vix adduci posse, quae poenam capitalem irroget, in C. C. C. minimum nullam occurrere. Leges, quas ex Jure Romano allegavi, evertere studet illo potissimum argumento, quod ratio decidendi harum legum sit *facinoris*, ut ait, *noxietas et nefandi commercii species*, quae subest. Sed oleam ex operam perdidisse videtur; nam magis noxium est occidere, quam *virilia exscindere*, et *nefandum commercium* non ratio decidendi principalis esse potuit *Legis 4. et 5. cit.* ut poenam Legis Corneliae dictaret; quoniam ei, qui commercium hoc fecit, levior poena, quam illa L. Corn. dicitur in *L. 6. cod.*; reus nempe *pro parte dimidia bonorum multatur*. Veram decidendi rationem indicat JUSTINIANUS o), quod nempe saepenumero e multis vix pauci evadant incolumes, usque adeo, ut quidam ex his, qui servati fuerint, sub nostro aspectu deposuerint, e nonaginta aegre tres servatos esse. Cur autem KRESSIUS alium in C. C. C. silentium de huius delicti poena capitali deprehendat, non video, quum verba art. 134. quae allegavi, contrarium clare ante oculos ponant.

Ex dictis patet, multo magis ultimo supplicio puniendum esse Medicum, qui aegrotum incon-

Q 2

ful-

o) Nov. 142 pr. Huic rationi favent quoque praecedentia verba cit. L. 4 § 1. ff. ad L. Corn.

sultum veneno ex proposito necavit, quod de eius salute desperaverit.

A quaestione tractata de Medico volentem occidente, differt illa quaestio: *An Medicus ex voluntate aegroti male curans, culpa reus sit, eamque ob rem tam civiliter quam criminaliter conveniri queat?* Ejus analysi supersedere possum, quum fusc ac erudite eam tractaverit BAS-TINELLER p) qui negativae sententiae impense favet. Duo praecipue allegat argumenta, quibus opinionem suam probet: alterum, quod jure civili q) et canonico r) permissum sit virilia exscindere, ut quis gravi morbo liberetur; alterum, quod volenti, sive scienti consentienti-que non fiat injuria s) Quicquid sit, equidem existimo, quaestionem hanc verbis generalibus propositam, vix exactam decisionem admittere; sed in quibusvis casibus obvenientibus modo affirmandam esse, modo negandam, pro variis, quae rem circumstant, momentis.

§. XXXIV.

p) *Commentatio juridica de Medico ex voluntate aegroti perperam curante. Recusa Vitembergae 1741. 4.*

q) Nov. 142. c. 2 cf. Comm. cit §. ult.

r) c. 5 X. de corp. vitiat. ordin. vel non cf. Comm. cit. l. c.

s) L. 1. § 5. ff. de Injur. L. 145 ff. de R. J. c. 27. de R. 1. in 6 cf. Comm. cit. l. c.

§. XXXIV.

Num Medicus, qui veneno tanquam medicamento usus, occidit, veneficii culposi reus sit?

Quaestio proposita ab illa pendet: *An in genere licitus sit venenorum in Medicina usus?* Hanc quaestionem hodie, si non inutilem, certe tamen nimis sero institui, putat HAHN t); postquam usus ille per multa secula vixit; praefertim, cum idem etiam nostro aevo admodum sit frequens, multisque probatus et acceptus. Hinc quaestionis formulam mutandam, et potius inquirendum esse existimat: *Num ars me-*

Q 3

dica

1) *Oratio de usu venenorum in Medicina. Traj. ad Rhen. 1773. 4. recul. Lis. 1775 8p. 97. h. ed.* In hac oratione auctor argumenti huius historiam singulari eruditione atque elegantia tradit atque ostendit, Sec. XV. XVI XVII. et nostro, quod ideo *toxicophilum* vocat, atrocissimorum venenorum in Medicina usum satis familiarem fuisse. Magnos, inter alia. patronos *Arsenicum* (cf. *Diff. nost. de Venef. dolos. § 3*) habuisse, adnotat; omnes autem, qui post hominum memoriam de medico venenorum usu scripserunt, excessisse *Stephanum Wesprenum* Pannonium, qui in *Tract. de inoculanda peste Londini 1755.* novum plane et inauditum de peste ipsis hominibus inoculanda consilium iniit, et cum spe utilitatis, publice proposuit, v. *Orat. cit. p. 56. 65. 74. 78. 84. 90.*

dica venenis carere queat u)? Ad hanc quaestionem in calce operis ita respondet: *Passunt ergo venena prodesse, neque illicitus eorum usus haberi debet; sed scrupulorum et suspicionum et discriminis plenus est...* Ingesta pharmaca extra potestatem medici sunt. Mirabilis partium, e quibus homo constat, consensus et sympathia difficultatem augent... Satius ergo est venenis omnino abstinere, quam frequenter et promiscue uti.

De periculoso venenorum, *Arsenici* potissimum, in morborum curatione usu testantur quoque HEBENSTREIT x), LEMERY y), SPIELMANN z) aliique.

Quodsi ergo, quae dicta sunt, juridica expendamus trutina; propositam priori loco quaestionem, *Num Medicus, qui veneno tanquam medicamento usus, occidit, veneficii culposi reus sit?* affirmandam esse, vix est, quod dubitemus; dummodo ex Medicorum consiliis constet, incertum et vagis principiis innixum medicamentum venenatum adhibitum fuisse. Nec aliud pati videntur verba C. C. C. art. 134. *oder sich ungegründter unzulässiger arznei, die im nit gezimpt hat understanden.* Non ideo omnia ex-

u) HAHN l. c. p. 97.

x) *Anthropol. forens.* p. 510. et 515.

y) *Mém. de l'Acad. R. de Sciences* 1734. p. 264.

z) *Inst. Mat. Med.* v. *Arsenicum, Antimonium* etc.

Postea Medicorum delicta *extra ordinem* coërceri coeperunt, uti ex *L. 6. §. 7. ff. de offic. praesid. L. 3. ff. de extr. cogn. et L. 3. §. 3. ff. ad L. Corn. de Sic et Venes.* patet. Ratio allegatur in *L. 6. de off. praes.* quia praetextu humanae fragilitatis delictum decipientis in periculo homines innoxium esse non debet. Huic rationi accedit, quod nemo sere immiscere debeat ad se non pertinenti *c*); inprimis si ab eius exitu salus hominum pendet.

CONSTITUTIO CRIM. CAROL. art. 134. Strass so eyn Arzt durch seine Arznei tödtet, poenam arbitrariam Medico, inprimis autem medicaastro dictat, qui culpa hominem medicamentis necaverit. Hanc poenam in levioribus culpa gradibus *multam* aut *suspensionem* ab artis exercitio esse; in gravioribus autem non ultra *relegationem* extendendam esse existimat KRESS *d*). Consentit BOEHMER *e*) ratione Medicorum, quod dignitas, qua plerumque pollent, et exceptionum copia, qua se tueri solent *f*), gravio-

mortes agunt, medicoque tantum hominem necasse summa impunitas est. Haec tamen verba accipienda modo esse videntur de legibus poenalibus. Etenim de actione civili ad damnum resarciendum loquitur jam LABEO in *L. 9. §. ff. ad L. Aquil.*

e) *L. 36 ff. de R. l. c. 19. de R. l. in 6.*

d) *ad C. C. C. art. 134. §. 1.*

e) *ad C. C. C. eod. §. 3.*

f) De praesumptionibus medico inservientibus
V. KRESS *ad C. C. C. art. 134. §. 5.*

viorem poenam prohibeant. Contra *medic-
strum* vero etiam poenam corporis afflictivam
admittit, ob evidentiorē culpam, et deficien-
tes rationes de medico allatas, inprimis, si non
semel mors ab iis illata sit. Ob easdem rationes
et difficultatem examinis post mortem aegri et de
morbi statu instituendi, praxin harum poenarum
intuitu vulgi frequentiorē esse, quam intuitu
Medicorum, idem observat auctor et terra medi-
corum culpam tegere dicitur.

Quae de procurata nece sancivit *cit. art.* ob
similitudinem rationis ad *noxiam* quamcunque sa-
nitati illatam recte extendunt KRESS *g*) et BOEH-
MER *h*). Prior exemplum adducit Medici, qui
adhibitis remediis, quibus pestis tempore ulus
esse solet, rumorem falsum de peste grassante
excitaverat. Illum arbitrarie punitum esse refert,
suumque MERITO acclamat. Sed dubito an iuste
damnatus sit, quum specifica contra pestem re-
media inventa non esse fateantur magni nominis
Medici *i*). Poenam vero meritus est *malignus*
iste, qui teste KRESSIO, Medici illius formulas
pharmacopolae surripuerat, aliam in urbem mi-
lerat, et inde dicti rumoris causa fuerat,

Q 5 In

g) ad C. C. C. *art.* 134. §. 2.

h) l. c.

i) HOFFMANN *Med. Syst.* T. IV. P. I. S.
l. c. 12.

In Gallia CAROLUS VI. jam seculo XIV. constituit; ut Medicorum imperitia justis poenis coerceretur *k*).

§. XXXVI.

Cura Magistratus circa Medicos.

Ex posteriori parte art. 134. C. C. C. Doctores curam exsculpere solent, quae magistratui circa publicam constitutionem Medicorum incumbit *l*). Hoc quidem magistratus officium non ex disertis C. C. C. verbis fluit; attamen intentioni legislatoris et principiis bonae politicae ex asse respondet, quum ita, quod severissimis poenis plus valet, ipsa maliscaturigo obturetur.

Romanis ab *Augusti* praesertim temporibus Medicorum constitutionem curae fuisse, testantur innumera privilegia, quae illis concessa erant *m*).

Exemplum hoc et alias gentes secutas esse; testes sunt, quae passim prostant *Ordinationes medic-*

k) Ordonance de Charles VI. du 17. Aost. 1390.

l) KRESS l. c. §. 3. Boehmer l. c. §. 4.

m) DIO CASSIUS Hist. Rom. L. XLIII. L. 6 §. 1 et 2. ff. de excusat. L. ult. ff. §. 5. de munerib. et honor L. 6. et ult. C. de Prof. et med L. 16 C. Theod. de Med. et Prof. L. fin. C. Just. cod. JAC. GOTTOFR. in Comment. ad L. 1 ff. de decret. ab ord. fac. ef. SYMMACHVS L. X. Ep. 40.

dicinales, Collegia medica, aliaque statuta, quibus cautum, ut

*Tonsor, caupo, coquus, lanius sua limina
servent n).*

et ne quis in Medicorum ordinem alicujus civitatis admittatur, nisi qui prius publicum eruditionis specimen ediderit, peritorum in arte examini se subjecerit, atque gradum Doctoris rite obtinuerit o). Utilissimam curam circa scientiae salutaris exercitium longe etiam ultra Europam ex-

n) MART. L. VII. Ep. 60.

o) Argentoratensis civitatis Magistratum a multis jam retro temporibus civium saluti optime consuluisse testantur sequentia Ao. 1384. Meister Gutleben der Juden Arzt, erhielt von der Obrigkeit die Freyheit 6. Jahr allhier zu wohnen sambt Kindern und Gesind, und um daß er unsern Burgern und den Unsrigen mit seiner Meisterschaft zu Hilfe kommen soll, darum soll man ihm 300 Gulden geben von unserer Städte wegen vor die 6. Jahr in gewissen Terminen. vid. Strasb. Ordnung: Buch ad b. a. Archiv. Haec tamen, si dicendum quod res est, simul probant, raros illis temporibus in nostra civitate fuisse peritos Medicos. Qui enim nisi urgente necessitate, Medicum Judaeum Argentoratenses Praemiis allicere potuissent; quum deploranda Israëlis progenies Argentinae civibus adeo exosa fuerit, ut illam a. 1388. in perpetuum expulerint? *Albertus Argent. Chron. p. 147. Königs bav. C. II.*

extenderunt principes. Nam, cum homo libertate naturali privatus, saepe illicita conquirat media, quibus se a servitute liberaret: servis Europaeorum in America Medicinae exercitium plerumque est interdictum p).

Multis

C. II. §. 212 C. V. §. 78. *Schoepflini Afsat. illustr. T. II. § 636. p. 343. cf. Diss. nostr. de Venef. dolos. § 15 not. 93. His accedit, quod Jus Canonicum sub gravissimis poenis prohibeat Christianis, Judaeorum adhibere Medicos. c. 13 C. 28 q. 1 c. 16 X. de Judaeis.*

Eidem curae Patrum Patriae adscribendum est, quod a. 1660 *Tarquinium* Romam famosum agyrtam repulerint, qui sua contra praesentissimum venenum antidota iactaverat; revera autem fumum civibus vendendo, populari gloria decorari voluerat. v. cit. *Strasb. Ord. B. ad h. a.* Creato postea Collegio medico, prodit statutum de medicis, *der Medicorum Ordnung*, recusum in *Strasb. Col. leg. Med. d. a. 1757. fol. p. 10.*

De Gallia vid. *Robert rer. judic. L I.*

C. 5.

Ordinatione Blesensi cautum: que nul ne pourroit pratiquer en Medicine, qu'il ne fut Docteur en ladite faculté v. l'ordonnance de Blois de 1579 art. 87 cf. Code de la Police ou analyse des Reglemens de Police Trois. Edit. Paris 1761 8 P. II. Tit. VIII. § 2 sv.

p) Servis Promontorii Hispaniolae, ne sub specie exercendae artis medicae veneno damnum

Multis quoque malis, quae ab imperitia et audacia oriuntur, obviam iri potest, si libros, qui de incertis atque periculosis medicaminibus agunt, lingua vernacula scribere aut in eam transferre, non indistincte permittitur q).

Denique silentio praetermittendum non est utilissimum institutum Clementissimi Regis nostri, SOCIETAS puta, REGIA PARISIENSIS MEDICA anno 1778. Litteris patentibus eum in finem creata, ut observationes, quas tum ipsa praesens et statis temporibus conventus agens societas, tum celebriores regni et exterarum gentium Medici fecerint, sedulo colligendo, omnium morborum, et praecipue epidemicorum causas diligentissime rimaretur. Huic quoque societati medicamentorum, quae vocant, specificorum et aliorum, nec non aquarum mineralium

num afferant, medicamenta componere ac distribuere, nec non morborum, solo viperae morfu excepto, curam suspicere, sub poena corporis afflictiva, imo et ultimi supplicii interdictum est. V. DECLARATION DU ROI sur les nègres qui composent des remèdes d. 1 Fevr. 1743 DECLARATION sur la garde des vénéfices du, 30 Décembre. 1746 art. X cf. EHRLÉN Diss. de servis Aethiopibus Europaeorum in coloniis Americae Argentorati 1778 p. 61.

q) cf. BUCHOZ la Nat. consid. sous ses diff. asp. II Ep, no. 3 15 Fevr. 1780 p. 133.

um et medicinalium examen et inspectionem Rex commisit r). Eum in finem remedia, quae suo examini subiecta fuerint, quaeque vel approbavit, vel reprobavit, ut et quae sibi non exhibita fuerint, et tamen cum laudibus venduntur, publice indicat s). Ad tollendos denique innumeros, quae in arte medica committuntur abusus hortatur, ut quivis eorum conscius eos Societati Regiae indicet t).

SECTION

- r) *LETTRES PATENTES DU ROI portant établissement d'une société Royale de Médecine, Données à Versailles au mois d'Août 1778. Registrées en Parlement le 1. Sept. 1778. De interna huius societatis constitutione Rex dedit Lettres Patentes du Roi portant Règlement pour la société Royale de Médecine. Données à Versailles le 1. Février 1780. Registrées en Parlement le 25 Avril. audit an.*
- s) *AVIS au public sur l'examen des Remedes pour lesquels on demande des permission ou brevets. Paris 1778 Second Avis au Public concernant les remedes pour lesq. etc. Paris 1779.*
- t) *La Société invite ses Correspondants, et au général tous les citoyens zélés pour le bien public, à lui faire connoître les abus, qui pourront être commis par les Empyriques, Opérateurs et Distributeurs de Remedes dans toute l'étendue du Royaume. v. Second Avis v. la fin.*

Depuis son établissement, elle a fait tout ce qui a été en elle pour détruire le charlatanisme

SECTION II.

DE VENEFICIO CULPOSO MEDIA-
TE COMMISSO.

CAPUT I.

De iis, qui aëra inficiunt.

§. XXXVII.

Contagia hominibus infesta.

Veneficia culposa multis atque variis modis mediate perpetrari possunt. Principem locum tenent, qui lanae, pellium et aliarum rerum commercio furtivo, omnium venenorum maximum, funestam pestem in regionem quandam importaverunt; praesertim, si harum mercium adventus, ob pestem aliquo grassantem prohibita sit. Dignus est talis, qui suo opere pereat. Eiusdem fere commatis est, qui a loco contagii suspecto vel terra vel mari adveniens legibus praestitutum

tem-

me; - - elle prie les Médecine et Chirurgiens des Provinces - - de requérir auprès des Magistrats l'exécution de l'art. X. des Lettres Patentes (qui remedium a societate Regia non approbatorum distributionem prohibet) - - à la quelle leur justice ne se refusera point. V. AVIS sur la correspondance de la société Royale de Médecine, et sur les objets dont cette compagnie est chargée.

tempus, quod 40 utplutimum diebus absolvi-
tur (*la quarantaine*) non expectat, sed magno
civium discrimine posita claustra transcendit, vel
merces transmittit. Huius criminis rei pluribus
in locis, pro re nata, quandoque morte puniun-
tur u).

Alia quoque contagia, hominibus infesta,
qui contra statuta poenalia inconsulte propagant,
puniri debent. Curia Parisiensis suprema a.
1497. omnibus malo venereo laborantibus sub
poena suspendii Parisiorum urbe interdixit x)

Nostris temporibus *Bernensium, Lugdunen-
sium, Audomarensium et Divionensium* statutis
cautum est, ne variolarum inoculationes intra
urbem fierent, neve personae variolis correptae,
ante 40 dies, in locis publicis ambularent, aut
si extra urbem degant, ne ante dictum tempus
urbem ingrederentur, sub multa vel ab ipso reo,
vel a parentibus, tutoribus, heris etc. solven-
da y).

§. XXXVIII.

u) vid. l'ordonnance de Louis XIV. du 8
Août 1713 et le Règlement du 20 Juil-
let 1752 concernant l'admission des vaisseaux
étrangers. cf. Code de la Police. P. 1 T. IV.
§. 7.

x) v l'Arrêt du Parlement de 1497.

y) Extrait de registres de Delibérations de la
chambre du Conseil et de Police de la Ville et
Commune de Dijon du 25 Septembr. 1779.

§. XXXVIII.

Lues brutorum.

Eodem fere modo, quo humanum pestilentiale virus propagatur, brutorum quoque lues regioni cuidam infertur. Unde, si quo pestilentia in gregem incidit, prudentes vicini principes atque magistratus; pecorum, lanæ, pellium, lactis, butyri et similium rerum commercia, pro re nata, sub poena restringere vel plane interdicerere solent z). Et, quum propagationem hujus mali per canes quoque fieri posse docuerit experientia: *Deputatio Senatus Francofurtensis a)* sapienter constituit, canes extra civitatis moenia absque domino vagantes necandos et eorum dominos, si innotuerint, puniendos esse.

§. XXXIX.

Recens conclave.

Veneficium culposum porro committit caupo, vel alius, qui hospiti recens conclave calce viva,

gyp-

z) Exemplo sunt *Conclusa Senatus Francofurtensis ad Moenum, de d. 30 Nov. 1776. d. 21 Oct. 1777. d. 25 Nov. ejusd. A. d. 8 Dec. ejusd. A. d. 24 Febr. 1778*

In Gallia prodiit *Arrêt du Conseil d'état du ROI, portant défenses de faire entrer dans le Royaume de cuirs en verd ou préparés, venant de Ports de la mer Baltique ou de la Hollande du 7 Avril. 1780.*

a) d. d. 21 Nov. 1777.

R

gypso vel simili materia nociva obductum dedit, ex quo ille periit, aut gravi morbo correptus est. Ita Imperatorem *Jovianum* *b*) et *Catulum* *c*) periisse, fertur.

C A P U T I I.

De iis, qui aquas, fontes etc. inficiunt.

§. XL.

De Romanorum temporibus,

Veneficium culposum sapiunt et eorum facta, qui publicas aquas, fontes, puteos, fistulas, lacus, castella quodve aliud usui oeconomico destinatum fimo, coeno, luto aliisque spurcant. Quodsi res hae ad privatos spectaverint: interdicto quod *vi aut clam* tenentur rei *d*). Si autem publicae fuerint: in illos *extra ordinem* animadverti, leges Romanae jubent *e*).

§. XLI.

b) EUTROP. L. X. c. 18 *Sozomen, Hist. Eccl.* L. VI. c. 6.

c) Q. Catulus a C. Mario propter civiles dissensiones mori iussus: recenti calce illito, multoque igni percalfacto cubiculo se inclusum peremit. VALER. MAX. L. IX. c. 12 *Cicero Tuscul. Quæst.* L. V. c. 19. APPIAN. de bell. civ. L. I. p. 395. D. ed. *Henr. Steph.*

d) L. II. pr. ff. quod *vi aut clam*.

e) L. I § I ff. de extr. crim. L. 12. C. de re militari L. XII.

§. XLI.

De nostro aevo.

Simili modo delinquant, qui cannabim in profluente rigando, non modo pisces necant *f*), sed et brutis, quae siti compulsi ad talem rivum veniunt, quam maxime nocent. Immo ipsis hominibus haud leve periculum minantur virulenta illius aquae effluvia; praesertim, si multos continet putrefactos pisces. Quod adeo verum est, ut Pestem quae a. 1576. Venetiis sexaginta milia hominum prostravit, at putredine minutorum piscium quorundam originem traxisse FORESTUS memoret *g*).

R 2

Hinc

f) Huius rei aud ita pridem triste exemplum in nostra provincia habuimus, quod multos pauperes piscatores in magnas rerum angustias adduxit.

g) *Observationum et Curationum medic. et chirurgic. Op. omn. T. I L. VI. Obs. IX. No. 17.*

De nocivo aquae putridae effectu jam loquitur GALENVS *de Febr. different. L. I. c. 4.*

Apud Graecos certi quidam magistratus erant, qui aquaeductuum curam gerebant

Επιστάται των υδατων dicti; et alii, qui-

bus puteorum inspectio commissa erat, κλη-

νοφύλακες vocati. Utrosque sub Ἀσυνομία

comprehendisse asserit Potter Archæol. I Th.

I B. Kap. 15. p. 173. et citat HARPOCRAT.

h. v. Hic locus tamen POTTERI assertum

haud ex asse probat.

Simmer

Hinc in Alsatia pluribus de hac re Ordinationibus politicis saluti civium prospectum est a *Summis Rei Judiciariae, Politicae et Aerariae in Alsatia Praefectis. g*). Novissima est, quam occasione damni, de quo modo diximus, a rusticis dati (not 190. tulit, qui hodie summa cum laude illo munere fungitur, Illustrissimus DE LA GALAZIERE d. 12. Julii 1789. in qua priores ordinationes confirmavit et nova sanctione poenali munivit.

CAPUT

Zimmermann Erfahrung der Arzeneys Kunst 2. Th. p. 211. narrat, Cairi in Aegypto pestem haud raro oriri a vaporibus canalibus per urbem ducti, in quem stagnans Nilus sese exonerat et illius urbis incolae omnis generis quisquilias dejiciunt.

In quantum cura aquarum hodie ad Medicos publicos spectat, ostendit HEBENSTREIT Anthr. forens. S. I. C. 2 §. 6.

g) Tales dederunt praecipue Mr. de BROU le 24. de Juillet. 1736 et Ms. de Lucé le 27. de Juillet 1761.

Seculo XIII. jam Fridericus II. Imp. constituit: Salubritatem aeris divino judicio reservatam, studio provisionis nostrae in quantum possamus, disponimus conservare: mandantes, ut nulli a modo liceat in aquis cuiuslibet civitatis vel castri vicinis, quantum milliare ad minus protenditur, linum vel cannabum ad maturandum ponere, ne ex eo, prout pro certo didicimus,

ille 70 buaersi

CAPUT III.

De iis, qui, dum veneno ad animalia nociva arcenda utuntur, hominibus nocent.

§. XLII.

Animalia per se nociva.

Ad eos nunc pervenimus, qui dum ad arcenda animalia nociva venenis utuntur, hominum vitæ vel sanitati damnum inferunt. Quaeritur: *An licitum sit venenis uti ad necanda animalia nociva?* Respondeo: *licet*, dummodo illud non fiat cum damno alterius; quod variis modis contingere potest.

PRIMO enim toxico utimur ad ea animalia arcenda, quæ ab omnibus ut plurimum pro nocivis habentur; tales sunt *mures, glires, mustelæ, muscæ*, et id genus alia. Haec quidem dele-re, non est, cur prohibendum sit, et qui hoc faciunt, suo jure utuntur. Attamen non omnia venena indistincte ubique adhibere licet; siquidem, quæ hominibus etiam, non solis animalibus venena sunt, hinc inde sapienti consilio ad hos usus adhibere legibus poenalibus prohibitum est. Nec obscura est ratio hujus interdicti. Quædam enim venena, *Arsenicum* præcipue, male

R 3 cu-

aëre dispositio corrumpatur; quod si fecerit, vel cannabum amittat et curiæ applicetur. v. Const. Sicul. L. III. Tit. 35.

custodita, saepe pro Sacharo, vel pulvere medicato hominibus propinata sunt *h*). Saepius etiam haec pharmaca, ab ipsis, quae delere volumus animalibus, postquam de iis comederunt, rostro vel pedibus cibis affricantur et admiscentur, vel apud pistorum potissimum, tota quanta in farinam et similia vertuntur, quarum rerum innumera, prohi dolor! funesta exempla prostant. His rationibus, haud levis momenti, permotus Civitatis hujus Regiae Senatus censuit:

„ Jedermänniglichen wird verbotten
 „ Arsenick zur Tödung des Ungeziefers zu
 „ brauchen, mithin weder Muckenpulver,
 „ Rattengift, noch Rattenwürstlein da-
 „ mit anzumachen, indeme die größten Un-
 „ glücke daraus entstehen können; bene-
 „ ben deme andere nicht so gefährliche
 „ Mittel zur Abtreibung des Ungeziefers
 „ befindlich seynd. “ *i*).

Huius statuti transgressoribus mulctam, immo poe-

b) HOFFMANN *Medic. consultat.* Tom. 1. p. 35. et 251.

i) Obrigkeitliche Verordnung den Kauf und Verkauf des Gifts betreffend d. a. 1769. art. 16. Quodsi venenum contra mures atque glires adhibere necessitas, quae perquam rara est, suadet; *Nuxvomica*, sacharo, carne aliisve rebus mista, toxici loco uti possumus; de cuius bono effectu certiores me reddidit Cl. SPIELMANN. Cave autem ne canes aut feles hanc escam dovorent.

poenam corporis afflictivam Senatus interminat *k*). Caute etiam nostrae *Politiae*, ut vocant *Judicium* qualiscunque fere materiae ad delenda animalia nociva venditionem agyrtis et aliis personis data occasione denegat; quum experientia docuerit, istos homines saepe adeo audaces esse; ut corpus quoddam, quod pro innocuo jactant, coram magistratu degustent, et in similibus chartulis dirissima hominibus venena in vulgus vendant. Quod eo majus crimen sapit, quod non solum tales homines magistratum decipiant, sed et cives in lethales errores perducant.

§. XLIII.

Animalia ratione loci cujusdam nociva.

Altero loco venena quandoque usurpari solent ad animalia necanda, quae non omnes pro nocivis agnoscunt; sed quae tantum ratione hujus vel illius civis talia evadunt. e. g. depascendo illius agros, semina etc. Ubi distinguendum est inter animantia, quibus vescimur, et ea, quibus ad custodiam, venationem, delendos incommodos cellarum hospites etc. utimur.

§. XLIV.

Animalia quibus vescimur.

Qui animalia, quibus vescimur, singula vel plura, quadrupeda vel volucra, fera aut mansueta necat, ut eos ab agro, prato, horto, vinea,

R 4

k) cit. Obrigg. Verordn. art. 19.

nea, silva, hprreo, tecto etc. arceat, si venenis utitur homini non nocivis merum damnum patrimonio infert, quod actione civili locum facit ad illud resarciendum, et levi poena pro facti natura et indole plectendus est. Huc pertinent e. gr. qui columbis vicini venena spargunt, ne coementum a tectis suis abradant.

Quodsi vero simul animus lucri faciendi accesserit tunc eiusmodi factum in aliud delictum, scilicet *in furtum*, vel quandoque in crimen *venationis furtivae* (*bracconer*) transit.

Quodsi autem toxica adhibita fuerint, quae et hominibus laesionem minantur: insignior *reus* iras adest, quae impunis esse non debet. Indulgentiae tamen haud leve argumentum adest, si hominibus haud nocitum, licet plura occisa fuerint animalia; praesertim, si volucra modo interfecta fuerint, et reus crediderit, se corvos, milvos similesque aves necaturum esse. Nec in hoc casu gravius evadit crimen, si alii servitus pascendi competierit in tractu, ubi venenum quis sparsit. Ita judicarunt *Scabini Lipsienses*, qui in eiusmodi casu, relegationem ad 4 annos dicarunt, resarto damno atque refusis expensis l)

De iis autem, qui non animo animalia arcendi
sed

l) *Leyser* Sp. 609. m. 22.

sed simpliciter nocendi vel plane necandi homines pascua inficiunt, jam alio loco verba feci *m*).

Magnam quoque audaciam spirat, illius factum, qui teste QUINCTILIANO *n*) veneno tinxit flores suos, ut apes alterius occideret; siquidem non solum animum habuerit alteri damnum inferendi, sed et sanitatem, immo vitam hominum gravi periculo exposuerit, quum redeuntibus apibus, mel infici potuisset.

§. XLV.

Animalia quibus non vescimur.

Quod ad illa animalia attinet, quae alimentis non inserviunt, inter alia lupi, vulpes, feles atque canes occurrunt; de quibus singulis quaedam monenda sunt.

Et quidem lupos et vulpes, non modo cui-libet in sua domo veneno occidere licet, quin ratione luporum in multis locis praemia eis conceduntur, qui regionem ab illis liberant. Alia autem quaestio est: *An his bestiis, veneno in agris posito, insidias struere liceat?* Hanc quaestionem non facile affirmarem, immo argumentis ex legibus venationum ductis, illum poenis coercendum esse existimo, qui tale factum commiserit: quia canibus venaticis et feris, quibus vescimur, damnum exinde imminet. Nisi talis

R 2

natu-

m) v. Diff. mea de Venef. dol. §. 15 et 36.

n) Declam. 16.

rae fit toxicum, quod solis fere illis bestiis nocet, aut aliud expresse permissum sit.

Feles et canes, si inde nemini injuria fit, qualicunque veneno occidere licet; dummodo in propinatione ejus caute procedamus; ne haec animalia in furorem agantur, et inde infinita mala oriantur. Quodsi homo a furioso hoc animali morsus fuerit; factum per se licitum in delictum incidit. Nemo enim rei se immiscere debet, quam non intelligit, et de cujus exitu salus hominum pendet.

C A P U T. I V.

*De Veneficio culposo animalibus furiosis
aut venenatis commisso.*

§. XLVI.

Negligentia, quae circa animalia in rabiem prona committitur.

Vidimus in praecedenti §pho, Veneficii culposi reos esse, qui per animalia veneno in furorem acta damnum dant. Eiusdem delicti reatum incurrunt, qui in custodiendis, nutriendis et curandis animalibus, quorum natura in rabiem prona est, negligentes sunt, si haec animalia furore correpta hominem vel bruta, quibus vescimur, momorderint. Nam, ut de terrore taceam, qui ex morsu bestiae, etiam non furiosae incutitur; periculosissimum venenum animale morsus
a be-

3 bestia rabida infertur, quod immanem hydrophobiam, horrendae mortis praecursorem, ut plurimum producit o; atque multi saepe cives in capitis vocantur discrimen. Hinc legislatores prudentes omni tempore operam dederunt, ut haec mala praecaverentur.

Leges Mosaeicae jam graviter animadvertunt in eos, qui negligentiam in cura et custodia animalium committunt p) Idem apud Romanos praestabant *Lex Pefulania de Cane* q) et *Edictum Aedilitium* r). Eundem scopum sibi proposuit CAROLVS V s) dum nocentis bestiae dominum eam remove iussit, atque pro momentis factum concomitantibus modo leviolem, modo graviolem poenam dictavit, si talis bestia hominem laeserit, aut plane occiderit.

Hodie etiam vario modo in plerisque locis cautum est, ut civium vita ac sanitas contra animalium noxiorum in genere t) et inprimis canum, impetum in tuto esset.

Scili-

o) cf. Diff. nost. de Venef. dol. §. 3.

p) Exod. XXI. v. 29.

q) RITTERSHUSIUS et SCHVLTINGIUS in notis ad *Sent. Rec. Julii Pauli L. I. T. XV. I. in Scultingii Jurisp. Ante Just. p. 252.*

r) L. 40. L. 41. L. 42. ff. d. aedil. edict.

s) art. 136. C. C. C.

z) Huc pertinet e. gr. quod ante paucos constituit Magistratus Argentoratensis, ne amplius urbem ingrederentur, qui urforum turpium saltatu, panem sibi comparare student.

Scilicet, quum rabies canina, multis in locis grassaretur: Principes atque magistratus, edictis atque decretis caverunt, ut ii, quorum culpa canes in furorem acti, aut jam furiosi nocuerunt, iustis poenis subiaceant. Quinimo, ut stirpem ac semen horum malorum extinguerent atque delerent: varia sanciverunt, quae partim ad diminuendum canum numerum, eorum custodiam u); partim

u) Ordinationi Curiae supremæ Manhemienfis, ut et Decreto Senatus Argentoratensis, nemini, exceptis quibusdam personis, quorum conditio canes requirit, licet canes alere; nisi signum iis appendeant, heic pro 3 Libris Turonensibus, illic, pro 10 Imperialibus a magistratu concessio. Qui tale signum Argentorati non petierunt canes suos manu ducere tenentur. Per Ord. Manb. porro lanionibus ultra duos canes habere non licet, et quidem in urbe alligatos aut extra eam ductos, praefixis, si illis ad agenda bruta utuntur, rostro capistris. Eadem Ord. maiores canes (große Wind-, Hez- und Hanghunde) privatae civilis conditionis hominibus penitus interdicti sunt. Denique canis furiosi vagantis dominus plebitur v. Verordnung der Kurpfälzischen Regierung von den Jahr 1759. 1766. renovatae et auctae d. 19. Jul. Mannheim 1779. art. 1. 2. 4. 5 et 14. Verordnung gnädiger Herren Râth und Ein- und zwanzig der Stadt Strasburg. Die nöthigen Anstalten, so wegen denen mit Wuth besfallenen Thieren zur allgemeinen Sicherheit vorzukehren sind betreffend d. c 1778. art. 3. Aliis

partim ad furiosorum persecutionem x); partim etiam ad hominum morforum curam; spectant. y).

§. XLVII.

Aliis locis, in pagis praesertim, rusticis iniungitur, ut canibus suis fustes alligent.

x) *Ord. Manib. cit. art. 15. et 16.* cautum, ut, si canis furiosus aliquo vagatur: illud statim campanae signo civibus indicaretur, quo saluti prospicerent. Quo facto duo equites sclopetis armati ad persequendam bestiam emittuntur.

Argentorati quicumque civitatis aut banni incola de animali furioso vel suspecto aut de homine a tali bestia morso certior factus, illud Consuli regenti (*regierender Anmeister*) indicare debet, qui pro ratione utilitatis publicae, quae respectu personae, canis et suppellectilis venenatae fieri debent, mandat. Et si forsan pauperum suppellectilem cremare suaserit prudentia: damnum magistratus compensat. v. *cit. Strasb. Verord. art. 1. et 4.*

y) Quod ad curam morforum attinet, Palatinus ille magistratus in pluribus civitatibus in den *Kurfürstlichen, Haupt, und samtlischen Oberamtsstädten*, certum locum designari iussit, in quo illorum sanitas ab imminente periculo liberaretur v. *cit. Verord. der Curpf. R. art. 18.*

Magistratus Argentoratensis quoque sapienti consilio adjacens civium nosocomio aedificium extruere curavit, ubi homines a canibus rabidis morfi Medicorum curae mandantur.

Me-

§. XLVIII.

Negligentia, quae circa animalia venenata committitur.

Ad eos, qui veneno animali mediate nocent, pertinent denique *agyrtae* et *circulatores*, qui venenatis serpentibus, icorpionibus etc. damnum dant. Hos *extra ordinem* leges Romanae puniunt ²),

CAPUT V.

De Commercio illicito venenorum.

§. XLVIII.

Venena simplicia.

Ad Veneficium culposum pertinet quoque commercium incautum venenorum, quae sua natura talia sunt, vel *simplicium* vel *compositorum*. De illis praecipue prioriloco dicendum.

Apud Romanos venenorum malorum, quae nullo modo, adjectione alterius materiae usu nobis esse possunt, non contrahebatur emtio a). Porro SCto effectum est, ut pigmentarii, si cui TEMERE *cicutam*, *salamandram*, *aconitum*, *pituocampas*, aut *bubrostin*, *mandragoram* et id

Methodus hosce aegrotos sanandi publica auctoritate hinc inde prodiit.

2) L. *fn. ff. de extr. crim. Matthaeus de crim. L. XLVII. T. V. c. 4. p. 195.*

a) L. 35. §. 2. *ff. de contr. emt. vend.*

id quod lustramenti causa dederint cantharidas, poena teneantur Legis Corneliae *b*). Ubi vocem TEMERE non de animo necandi, sed de quovis stulto et imprudente commercio intelligendum esse, recte observat BOEHMER *c*); alias enim SCtum hoc inutile fuisset, quum Lex Cornelia jam eos, qui venenum *necandi causa* vendiderint, ordinaria veneficii dolosi poena cöeruerit *d*). Illud tamen temperamentum addendum esse existimo, quod ad effectum poenae ordinariae requiratur, ut TEMERARIA venditio mortis causa sit *e*).

NEMESIS CAROLINA ad promiscuam veneni venditionem impediendam civitatum rectoribus injunxit, ut eos, qui toxica vendunt, jurejurando obstringant, ne ignorante magistratu venena privatis vendant. En verba Legislatoris:

Item es sollen auch alle Oberkeyten an jeden ortten, die Apothecker und ander so giffen

b) L. 3. §. 3. ff. ad L. Corn. de Sic. et Venef.

c) Ob. 1. ad Carpz Q. XX.

d) Arg. L. 38. §. 5. de poen. quae lex quoque de temeraria actione agit, atque etiam exceptionem a regula sinit. v. Diff. mea de Venef. dol. §. 11.

e) II. citt. Hoc itaque Sc. ratione pigmentariorum exceptionem a regula generali sinit, quae animum necandi ad effectum poenae ordinariae Legis Corn. requirit.

giff verkauft, oder damit handtiern, in glüdt und Eydt nemen, das sie niemandt eynig gift verkaufen noch zustellen, ohn anzeygen und vorwissen erlaubung derselben Oberkeyt. f).

In Gallia Arresto Curiae Supremae Parisiensis g), et paullo post Edicto Regio h), haud ita pridem Declaratione Regia i) confirmato, indistinctum veneni commercium interdictum est. Huius Edicti Art. VI. cautum: *Défendons à toutes sortes des personnes, à peine de la vie; même aux Medecins, Apoticaire et Chirurgiens, à peine de punition corporelle, d'avoir et garder de tels poisons simples ou préparés, qui retenant toujours leur qualité de venin, et n'entrant en aucune composition ordi-*

f) C. C. C. art. 37. Excusationes quae pharmacopolis noxia vendentibus praelto sunt, affert BAJARDVS ad Quaest. 68.

g) Arrêt du Parlement du 27. Fevr. 1677. v. III. Vol. du Journal des Audiences L. II. ch.

9. cf. l' Arrêt du Parlement du 3. Mars. 1732.

h) EDIT DU ROI pour la punition de différens crimes de 1682. art. 6. et sv. cf. Arrêt de Reglement au sujet des poisons. Extrait de reglures du Conseil Souverain d'Alsace, du 10. d' Avril 1710. et aliud du 28. de Fevr. 1719. Recueil d' Ord d' Alsace nouv. édit. T. I. p. 390. et p. 532.

i) DECLARATION DU ROI concernant les Em-poisonneurs du 14 de Mars 1780.

naire, ne peuvent servir qu'à nuire, et sont de leur nature pernicieux et mortels. Art. VII. A l'égard de l'Arsenic, du Réagale, de l'Orpiment et du Sublimé .. Nous voulons... qu'il ne soit permis qu'aux Marchands qui demeurent dans les villes, d'en vendre, et d'en livrer eux-mêmes seulement aux Médecins, Apoticaire, Chirurgiens, Orfèvres, Teinturiers, Marchaux et autres personnes publiques, qui, par leur professions, sont obligées d'en employer; laquelle néanmoins écriront, en les prenant, sur un registre particulier, tenu pour cet effet par le-dit Marchands, leur noms, qualités et demeures, ensemble la quantité qu'ils auront pris des-dits minéraux etc.

Nec deficient leges atque statuta particularia, quae inconsultis veneni venditionibus obicem posuerunt.

Seculo XV k) iam Argentoratensium statutis cautum est, ne venena nisi hominibus integrae famae et nemini ad mures delendos venderentur. A. 1558. haec prohibitio renovata est l) A. 1694. cautum, ne quis, nisi pharmacopola sit

k) vid. Statutenbücher oder Sammlungen. T. XXIV. fol. 38. et T. XXVIII. fol. 244. Strasb. Archiv.

l) v. XXI. Memorial ad h. a. p. 14. 15. 50. Ibidem.

fit, venenum carptim (*en détail*) aere commutaret *m*). Auctius et emendatius statutum prodit a. 1769. quo omnibus et singulis, immo ipsis pharmacopolis ex laudabili eorum consensu merorum venenorum inprimis Arsenici commercio in posterum interdictum est; adeo, ut qui contra hoc praeceptum peccat, accusari atque pro re nata multa immo poena corporis afflictiva plecti possit. Excepti sunt duo pigmentarii (*Materialisten*), quibus sub certis conditionibus pharmaci venditio exclusive permessa est *n*).

Huc quoque pertinent prohibitiones factae, cum in ordinationibus *Norimbergensi* Medicorum *o*), *Luneburgica* ad pharmacopolas *p*) directa, et *Magdeburgica* politica *q*); tum in statutis *Francofurtensibus* *r*) aliarumque civitatum *s*).

§. XLIX.

m) v. *Raths-Protocoll.* ad h. a. *p.* 1162. Ibidem.

n) *Obrigkeittliche Verordnung den Kauff und Verkauf des Gistes betreffend Decret. bey Gnädigen Herren Râth und XXI. den 11. Decemb. 1769. art. I. 11. et ult.*

o) *d. a. 1595. no. 35.*

p) *Lüneburgische Apotheker-Ordnung d. a. 1606. c. 4.*

q) *Magdeburgische Policei-Ordnung c. 4.*

r) *d. a. 1668. renovat. a 1718. et 1753.*

s) cf. *VHOMAS. de iure pharmacopol Beyer ad C. C. C. art. 37. P. 35.*

s) cf. *Thomas de iure pharmacopol. Beyer ad C. C. C. art. 37. P. 35.*

§. XLIX.

Venena composita. Mangonia nociva.

Haec potissimum de venenorum simplicium commercio. Item dicendum de venenis *compositis*. Ab his tamen probe discernendae sunt illae compositiones, quibus vera venena corriguntur, atque in utilissima medicamina transformantur *t*). Huc e contrario referendae sunt illae compositiones, quibus res innocuae atque salutares venenorum admixtione adeo mutantur, ut sanitati interitum parent. Huius farinae sunt praecipue *Mangonia nociva*.

Mangonia sive mercium adulterationes qualescunque, si lucri faciendi causa factae fuerint, illicitas esse, nemo facile inficias ibit; quia cum damno alterius locupletiores fieri, sine iusta causa non licet. Quod si haec facta vitae vel sanitati interitum minantur: ad veneficia culposa

S 2

opti-

t) Sic e. gr. *Mercurius corrosivus*, vehementissimum venenum, certo modo compositus, innocuum, quin saluberrimum medicamentum praebet. Idem de *Opio* similibusque pharmacis dicendum. cf. SPIELMANN *Mat. Med. his vocibus*, Idem et Ebrmann *Diff. de Hydrargyri praeparatorum internorum usu. Argent. 1761. Tralles Usus Opii*. Cautelas, quas Leges Gallicae in compositione medicamentorum, quibus venena admiscenda sunt, requirunt, exhibet *art. IX. cit. Edicti d. n. 1682.*

optimo jure referuntur. *Venenata* eiusmodi *Mangonia* innumera hominum excogitavit avaritia. Ex hoc fonte inexhausto, quaedam praecipuorum exempli loco in medium proferre liceat.

Quis ignorat, vina mille modis a nequam et improbis oenopolis adulterari u)? Carthaginenses et Romani *Calce* et *Gypso* vina corrumpabant. Iisdem et hodie Hispaniae mercatores atque servos Barbariae uti, refert IOH. BEKMANN x). Cave autem, ne hocce mangonium, cum illa encheiresi confundas, qua, teste SPIELMANNO y) in regionibus calidioribus uvas contusas, ante expressionem calce viva obtegunt, ut aqua imminuta, fermentationis justo maior ob fervidum coelum impetus imminuatur. Pessimum omnium vini mangonium, illud est, quod ex Lithargyro aut alio praeparato plumbeo conficitur, atque horrendum colicarum genus, *Colicam Saturninam* producit quam Galli *Colicam Piétonum* (*Colique de Poitu*) z) vocant. Morbum hunc ita,

ut

u) Qui bella scilicet haecce artificia cognoscere cupit adeat libellos MStos, qui a patre ad filium, tanquam preciosissima quandoque arcana, apud multos vini mercatores transeunt, quosque vulgo *Weinbüchlein* vocant.

x) *Venträge zur Geschichte der Erfindungen.* II. St. Leipz. 1781. 8. II. Auff. S. 179.

y) *Inst. Chem. Exp.* 125.

z) Quia ibidem valde grassata est, ignorata per quod-

ut seculo praeterito in Suevia saeviit, describere GÖCKEL a), JAEGERSCHMID b) alique. Docimasiam, signa, causas et noxam vinorum ita infectorum ZELLER et WEISSMANN c). MATTHISEN d), STRUVE e) et haud ita pridem WOLLIN f) atque ROZIER g) exhibuerunt. Initio Seculi nostri curia suprema Alsaciae poemam

quoddam temporis spatium, vera huius morbi causa; quae in plumbeis instrumentis latuit, quibus Pictones vasa torcularia instruebant cf. Zittesius de Colica Pictonum.

- a) Curieuse Beschreibung des im J. 1694. 1695 und 1696. durch das Silberglett verursachten sauren Weins und der daraus entstandenen und vormals unerhörten Weins Krankheit. Ulm 1697. 8.
- b) Tr. de Colica Spasmodica et paresi ex vino, sive detracta mercurii larva sub Schemate lithargirii. Giengen 1698.
- c) Diff. sistens Docimasiam etc. vini lithargyro manganisati variis exper. illust. Altorfii 1721.
- d) Diff. de vinis lithargyrio infectis ex colica parietico convulsiva exhausta eorundem oriunda. 1745.
- e) (Heinrich) von der Prüfung der mit Blei verfälschten Weine In der ersten Fortsetz. des Hanauischen Magazins v. J. 1779. II. Band 2tes St.
- f) Von der Verfälschung des Weins mit Bleisglett. Altenb. 1778. 8.
- g) Journal de Physique T. III. P. I. p. 114. 133. Eandem rem in compendio exhibet Crell Chemisches Journal 6. Th. Lemgo 1781. 8. III. no. 16.

nam arbitrariam dictavit ei, qui vino rubro, quod Solano (de la Morelle Baldnachttschatten) adulteraverat homini mortis causam dederat. *h*). Historiam vini corruptionum tradit BECKMANN *i*); ubi inter alia narrat: antiquissimam, quam novimus, Germaniae legem contra Lythargirii mangonium a. 1475. latam esse. Sed jam annis 1327 et 1334. in Belgio periculosissima mangonia *Vitriolo, Mercurio et Lapide Calaminari* facta, prohibita esse, idem testatur auctor, et addit, similem quoque sanctionem a. 1371. in Gallia prodiisse. Num malitia eo usque jam processerit, ut et *spiritus*, quos vocant, *ardentes* plumbeis praeparatis corrumperet, sese ignorare testatur PLOUCQUET *k*). Quod si factum esse suspicaretur, ad consueta plumbum in vino detegendi experimenta recurri jubet.

Illis, qui vina adulterant, non multum ab-
similes sunt, qui, quod in nostris regionibus
saepe fit, ut vile vinum dulce atque gratum
per

b) Arrêt de règlement du Conf. Souv. d'Alsace du 2 Sept. 1718. Rec. d'Ord. d'Als. nouv. éd. T. I. p. 527.

i) Beitrage zur Geschich. der Erfind. II. Stk II. Auf.

k) Warnung an das Publikum. (nota 127. h.) Diss. p. 41.

per aliquot menses hospitibus propinare possint, recens mustum maiori dolio ita infundunt, ut singulis amphoris per intervalla ingestis, accenso more vietorum sulphure (Fassbrand), fauces obturent, sicque magnò sanitatis detrimento fermentationem cohibent.

Gravior censura vexare debet cerevisiarios et caupones, qui acescenti cerevisiae cinerum sal, quod *Alkali* a chemicis vocatur, nimia quantitate immiscent; cuius vis tanta est, ut, qui talem cerevisiam biberunt, sanguinem mingant, articulorum doloribus, aliisque morbis corripiantur. l).

Mala fraude solent etiam herbas temulentas incoquere avari m).

Perniciosa encheiresi, qua praeparatis plumbeis vina venenant pecuniarum accipitres, nostro aevo varia olea, lini potissimum et napi eo adducere tentarunt; ut olea olivarum redderent,

l) *Hebenstreit Anthropol. for. S. Ic. 2 § 17. cf. Hoffmann Diss. de caut. et circumsp. venen. dat. accus. § 14.* Huc autem non pertinet illa encheiresis, qua paucis guttis solutionis alcalinae vina corriguntur.

m) *Hebenstreit l. c.*

derent, quam simillima. Hoc tamen artificium, quo in *Collect Wratislav.* n) laudatur, et Parisiis quoque in usum trahi coepit o), ob pessimos, quos edere possit, in corpus humanum effectus, cum NEUMANNO p), atque REAUMURO q) damnat SPIELMANN r), cui accedit LEHR s) qui etiam methodum tradit, qua fraus ista detegi queat.

Unius adhuc mangonii mentionem faciam, cuius effectum ipse vidi. Nimirum sana atque robusta puella pulverem crinalem (*Pu-der, poudre à poudrer*) vulgarem emit; et postquam eodem die depurandis ornandisque operosa capillis, pulvere illo caput inspererat:

n) *Tentam.* XXXI. p. 208.

o) *Réaumur Mém. de l'Acad. Royale de Science* 1746. p. 495.

p) *Miscell. Berolinens.* T. IV p. 321.

q) l. c. Ce secret, inquit, a eu de facheuses suites pour ceux, qui avoient cru acheter à bon marché, et qui avoient acheté trop cher ces huiles aducies; les funestes effets qu'elles produisirent sur quelques-uns de ceux qui en mangerant, sont rapportés dans les *Ephémérides de Curieux de la Nature*.

r) *Inst. Chem. Exp.* XVI. p. 92.

s) *Diff. Botan. Med. de Olea Europaea.* Goettingae 1779. § 41. sq. p. 54.

ferat: crastina die illud totum fuit exulceratum. Sulpicatus mangonium, in arte peritos consului, qui memet certiozem reddiderunt, huncce pulverem quandoque calce viva vel similibus rebus infici. Paulo post in manus incidit REUSSII, t), libellus, in quo hic auctor idem affirmat, et de perniciosis talium mangoniorum effectibus testatur.

Haec de mangoniis nocivis sufficiant u). Quandoque ignoranter rebus innocuis venenum immiscetur; eaque in vulgus venduntur, Sic e. gr. *Fungis* bonis quandoque virulentis, *Petroselino* et *Cerrefolio*, *Cicuta* immiscetur. Quum autem hic rarius culpa concurrat, hae actiones a foro poenali fere semper absunt. Nihilominus tamen inspectoribus harum mercium impense commendanda sunt,

CAPUT

- 1) Medicinisch Oekonomische Untersuchung der Eigenschaften und Wirkungen eines ächten und verfälschten Puders etc. Tübingen

1781.

- u) Qui plura mangonia noscere cupit, adeat librum cui titulus: *Les secrets et les fraudes de la chimie et de la pharmacie modernes dévoilés à la Haye* 1759. 8.

CAPUT VI.

De commercio rerum corruptarum morbo,
vetustate etc.

S. L.

Alimenta.

Ultimo loco de iis dicturi sumus, qui *alimenta* vel *medicamenta* sua natura innocua, sed morbo, vetustate, fermentatione aut alio modo corrupta, scienter pro bonis vendunt. Hoc *Veneficii culposi* genus valde periculosum est, quum et sani et aegroti, illi, dum vires reficere, hi, dum corpus sanare cupiant, contrarium plane obtineant. Inter eos, qui corruptis alimentis venenant, eminent, qui annonam, panem, carnem, salsamenta, olera, vina, dicto modo corrupta vendunt; de quorum venenata vi testantur Medici x).

Optimum ad haec mala praecavenda reme-

x) Thomae Reinesii Schola *Factorum medica*, L. I. Sect. IV. de vitis eduliorum praecaveendis, p. 124. seq.

medium esse sollicitam alimentorum inspectio-
nem senserunt jam olim graeci, qui propterea
particularibus quibusdam Magistratibus Σιτῶ-
ναι et Ἀγορανόμοι y) dictis harum rerum cu-
ram demandarunt.

Illius gentis exemplum ex parte secuti sunt
Romani, dum *Aediles* z) atque *Praefectos*
urbi a) his mercibus praeposuerunt. Optimo
jure tamen miratur LEYSER b), Romanos ju-
stum pretium magis curasse, quam mercium bo-
nitatem. Parum esse putat, quod in L. I. C. de
canone frumentario urbis Romae L. XI. prae-
fecti frumentum, quod provinciales populo Ro-
mano alendo conferebant, eo tempore, quo
ad

y) *Theophrastus de Legibus* cf. *Potters*
Archäol. I B. Kap. 15. T. I. ps 171.

z) L. 2 § 21. ff. de orig. jur. *Varro de lin-*
gua Lat. IV. p. 20 cf. *Heinec. Antiq.*
Rom. L. I. T. II. § 26.

a) L. I. § II. ff. de offic. praef. urb. *Cassiod.*
Var. VI. 18. cf. L. *Turcii Aproniani*, Prae-
fecti urbis Edictum, de venditione carniū,
et alterum de suariis et ordinibus, qui suariam
faciunt, et *Heineccii* ad illa observationes
in *Eiusdem Opusc. post Halae* 1744. 4. T. I.
L. I c. 5. §. 6 sqq. pag. 58.

b) *Spec.* 609. m. 28.

ad urbis portum pervenit, adspicere, ne quid in eo sit vitii, jubeantur; si cum immani illo privilegio comparatur, quod fisco res vitiosas impune vendere permittit in *L. 1. §. 3. ff. de Aedilit. edict.* quin etiam jubeat in *L. 1. C. de conditis in publicis horreis L. X.*

Hodie alimentorum curam ad eos magistratus spectare, quibus *Politia*, ut vocant, commissæ est, vix est quod moneam.

Eum, qui, alimenta vitiosa vendendo, hominis neci causam dedit, si ille scivit vel scire debuit, istam rem morbos gignere: argumento *L. 38. §. 5. de poen. L. 15. pr. ff. ad L. Corn. de Sic. et Venef. et c. ult. de homicidio in 6. ad gladium damnat LEYSER c).*

Eidem sententiae adstipulor ratione eius, qui *scivit* alimenti vitiosi effectum; non tam ob leges a LEYSERO citatas, quam quia animus nocendi adest, cum improbo lucro coniunctus; adeoque, homine necato, reo non inservire potest excusatio, quam requirit *C. C. C. art. 137. sqq.* ut homicida a poena gladii absolvi possit. Non idem valet de eo qui modo
sci-

scire potuit malum effectum alimenti corrupti; quia hoc in casu sola culpa subest.

Quodsi is, qui alimenta vitiosa vendidit, nemini nocuerit: ad poenam tamen corporis afflictivam quandoque procedi posse censuerunt *Jenenses*; dum lanionem, qui sciens infectas oves maciaverat vendideratque sed iis nemini nocuerat, ad fustigationem damnaverint *d*).

§. LI.

Medicamenta.

Quod ad medicamenta corrupta attinet,
in

d) *Kohrs Haush. R. P. I. p. 904* In *Codice Politiae supra (not. 175)* citato *P. I. T. V. §. 2 no. 2* sequentia leguntur: *Les bouchers ne peuvent exposer en vente aucune bête morte de maladie, ou atteinte de ladrerie, nien debiter le chairs, non plus que de mouton qui ait le claveau. A cet effet les Jurés loivent leurs visites, tant dans les tuesries, que dans les boucheries, et faire rapport des contraventions aux Juges de Police. et no 3. Quand la ladrerie de porcs est parvenue à un certain degré de corruption, il n'y a plus de remede; il faut en jeter les chairs.*

in omnibus bene constitutis rebus publicis statutis cautum est, ut pharmacopolia ab artis peritis, vel statis temporibus vel improviseo visitarentur, et quae corrupta sunt medicamina statim rejicerentur *e*). Quodsi autem vitiosis medicamentis vitae vel sanitati hominum sua culpa nocuerit pharmacopola; veneficii culposi reus est, et pro re nata punitur.

e) cf. de civitate Argenteratensi die Apothez
cker Ordnung s. 24. sqq. in Strasb. Col-
leg. Med. p. 31.



